

বিবেকবাণী

(প্রথম লহরী)

বিবিধ-প্রবন্ধ ।

শ্রীদেবীপ্রসন্ন রায়চৌধুরী প্রণীত ।

“ If an offence come out of the Truth, better is it that the offence come, than the Truth be concealed.”—*Jerome*.

“ * * * Such truths are necessarily given to the consciousness by Divine aid, they are written on the soul of man by that hand which writes no falsehood.”

—*Frances Power Cobbe*.

কলিকাতা

২১০/১ কর্ণওয়ালিস ষ্ট্রীট, ভিক্টোরিয়া প্রেসে,
শ্রীভুবনমোহন ঘোষ দ্বারা মুদ্রিত এবং ২১০/৪ কর্ণওয়ালিস ষ্ট্রীটে
গ্রন্থকার কর্তৃক প্রকাশিত ।

মাদ্রাস—১২৯১ ।

All rights reserved.

উৎসর্গ

পরম প্রক্বেয় সুহৃদ—শ্রীযুক্ত বাবু দ্বারকানাথ ঘোষ
উদারচরিতেষু ।

দ্বারিক বাবু,

আপনি বিজ্ঞ, আপনি পণ্ডিত । কিন্তু আমার নিকট সে জ্ঞান আপনি পরিচিত নহেন । আপনি উদারচরিত ধার্মিক, আপনি হৃদয়বান মানব-হিতৈষী, এইজন্য এ দীন, হৃদয়ের নিভৃত স্থানে, আপনাকে পূজা করিয়া থাকে । পৃথিবীতে ঘুরিয়া দেখিয়াছি—প্রকৃত হৃদয়বান লোক পাওয়া বড়ই কষ্টকর । স্বার্থময় পৃথিবীতে, স্বার্থের জীবন্ত ছবি, সর্বত্রই বর্তমান । মানব-সমাজের দুর্দশা দেখিয়া, অতি অল্প লোকেরই চক্ষের জল পতিত হয় । একের দুঃখে অস্ত্রের দুঃখ, একের অশ্রুতে অস্ত্রের অশ্রুপাত, এ অহং-জ্ঞানময় সংসারে, প্রায়ই হয় না । অনেক স্থলে বাহা না পাইয়া প্রতারিত হইয়াছি, আপনার মধ্যে তাহা পাইয়াছি । সেই জন্যই আপনাকে ভক্তি করি, সেই জন্যই আপনাকে ভালবাসি ।

আর আপনাকে ভালবাসি, এই জন্য,—আপনার সহিত এ হৃদয়ের অনেক ভাবের যোগ আছে । ভাব-বিনিময়ের জন্য জগৎ লালারিত ; আমিও লালারিত । বহু-দুর্ঘট সংসার-মকতে, আপনার হৃদয়ের সুস্বিদ্ধ মিষ্ট ভাবে, আমার হৃদয় মন অনেক সময়ে শীতল হইয়াছে । দেখিয়াছি—ভাবে ভাবে আপনাতে আমাতে এক নূতন যোগ । সে কথা পৃথিবীর কোন লোক জানে না, কোন লোক জানিবে না ।

এক ভাবের যোগে, আমার জিনিষ আপনার প্রিয়, আপনার জিনিষ আমার প্রিয় । ভাবের যোগে,—আমার কথা, আপনার কথা ; আপনার কথা, আমার কথা । কথায় কথার মিলন, ভাবে ভাবের মিলন ;—স্বাধীনতায়,—অধীনতা ; স্বাতন্ত্র্যে,—একতা ; বিভিন্নতাতে,—চির-মিলন ।

মিলনের কথা বলিতে আপনার নিকট আজ এ দীন উপস্থিত । আমার বিবেকের কতকগুলি কথা লিপিদ্ধ করিয়াছি । এ সকল কথা, সঙ্গী

সাম্প্রদায়িক ভাব-প্রাবিত বন্ধে, অস্ত্র কোথাও আদৃত হইয়া আশ্রয় পাইবে, আমার সে আশা নাই। আমার এ সকল কাহিনী, ইংরাজ-নিন্দা-প্রাবিত দেশে পঠিত হইবে, আমার সে বিশ্বাস নাই। সমুদ্র-খী, সমুদ্র-খীর কথা শুনিতে ভালবাসে, বলিয়াই, আমার কাহিনী আপনাকে শুনাইতে আসি-
য়াছি। আপনার নিকট আমার কথা মিষ্ট লাগিবে, জানিয়াই, আপনার নামে আমার বিবেক-বাণীকে উৎসর্গ করিলাম। আপনি ইহাকে স্নেহের চক্ষে দেখিলেই, আমি কৃতার্থ হইব। আশা করি, আপনি ইহাকে আপনার শ্রীচরণে স্থান দান করিবেন।

কলিকাতা।
মাঘ—১২৯১।

}

আপনার স্নেহ-প্রার্থী—
শ্রীদেবীপ্রসন্ন রায়চৌধুরী

—

সূচী ।

বিষয় ।	পৃষ্ঠা ।
১। আবাহন ...	১
২। বাহির না ভিতর ...	৩
৩। লক্ষ্যপথে ...	৯
৪। অনন্ত মিলনের রাজ্য ...	১৪
৫। ভক্ত কেশবচন্দ্র ...	২২
৬। মহাতীর্থ দর্শন...	২৮
৭। জাতীয় আন্দোলন ...	৩৩
৮। কর্তব্যনিষ্ঠ প্রেমাবতার বা ম্যাটসিনি...	৪৫
৯। আশার কথা ...	৬৩
১০। নিরাকারের ধ্যান ...	৭২
১১। নিরপেক্ষ-সাধন ...	৮১
১২। প্রশান-উক্তি ...	৮৫

বিবেক-বাণী

(প্রথম লহরী)



আবাহন ।

বিবেক,

তুই আমার কাছে আয়। স্বর্গের পরী—আকাশের চাঁদ—চাঁদের আলো—
মন্দির কুসুম,—কুসুমের বাস—উষার স্নিগ্ধ কিরণ, তুই আয়, আমার পরাণে
তোর অমিয়-সুখা ঢালিবি, আয়। তোরাই তরে এপরানি তৃষিত, উৎকণ্ঠিত।
তোর নাচুনি, তোর হাসুনি, তোর মধুর সম্ভাষণের জন্য এ হৃদয় উৎকণ্ঠিত !
পাপ-সংসারে কেবলই কণ্টক-শয্যা—কেবলই কৰ্কশ রব। চতুর্দিকে
কেবলই প্রলোভন,—কেবলই আকর্ষণ। কোন্ দিকে যাইব, কাহার কথা
শুনিব, কিছুই ভাবিয়া ঠিক পাই না। সকলেই আপন আপন পথে আমাকে
টানিতেছে—চন্দ্র সূর্য্য, লতা বৃক্ষ, বন উপবন, নদ নদী, পাহাড় পর্বত,
নর নারী, সকলেই আমাকে স্বীয় স্বীয় জোড়ে পুরিতে চাহিতেছে। কোন্
পথে যাইব, কাহার কথা মানিব, কিছুই বুঝিতে পারিতেছি না। প্রশংসার
মুহু মধুর গীতি, নিন্দার কৰ্কশ কবাঘাত আমাকে মহাগোলে ফেলিতেছে,
বড়ই ব্যতিব্যস্ত করিয়া তুলিয়াছে। মহাগোল নহে—এ মহা আঁধার !
এ মহা আঁধারে পড়িয়া আমি কর্তব্য-ব্রষ্ট—স্বতরাং মল্লব্যত্বহীন হইয়া
পড়িতেছি। এ আঁধারে আর সহায় সম্বল নাই—কেহ ভাল কথা বলে না,
কেহ বিশেষত্বের পথ দেখায় না। পৃথিবীতে বাহা আছে, তাহারই প্রতি-
রূপ হইতে সকলে পরামর্শ দেয় ! আমার জীবনের বিশেষত্বের পথ খুঁজিয়া
পাইতেছি না, তুই আমার কাছে আয় ! হৃৎখীর ধন, তুই আমার প্রাণে
আয় ! তুই আমার দর্শন, তুই আমার বিজ্ঞান, তুই আমার বিদ্যা, তুই
আমার বুদ্ধি। এই হৃদ্দিনে তোকে পাইলে আমি কৃতার্থ হই। তোরা কথা
স্বর্গের দুর্গত পদার্থ—ঐ কথা মানিয়া যখনই চলিয়াছি, তখনই কত দুঃখ,

কত শান্তি পাইয়াছি । তোর কথা শুনিয়া যখনই পা ফেলিয়াছি, তখনই স্বর্গের এক সিঁড়ি উপরে যেন উঠিয়াছি ! তোর দিকে যখন চাহিয়াছি, তখন দুর্বল কীটগু হইয়াও বীরের ন্যায় কার্য্য করিয়াছি । তোর কথা মতে যখন চলিয়াছি—তখন সংসারের সকল সুখ-ঐশ্বর্য্য—মায়া-মোহ ছিন্ন করিয়াও এক অতুল আনন্দ স্রোতে ভাসিয়াছি । সে আনন্দ সদানন্দ—চিৎস্বন আনন্দ ! সেই আনন্দের প্রস্রবণ তুই ! আনন্দময়ীর আনন্দ-শিশু, সদানন্দ বেশে এই নিরাশা হৃৎখ পরিতাপের দিনে,—এই অবিশ্বাস নাস্তিকতার দিনে—এই জড় পূজার দিনে—এই মহা আঁধারের দিনে তুই আমার ভিতরে আয়, তুই আমার বাহিরে আয় ! আনন্দময়ীর আনন্দবার্তা আনন্দে আনন্দ লহরী তুলিয়া আমাকে তাহাতে নিমগ্ন করিতে আয় ! স্বর্গের পরী, স্বর্গ ছাড়িয়া আয় ! মন্দার কুসুম স্বর্গ ছেড়ে এই নরকে আয় ! তোর সুবাসে আমাকে মাতাইয়া দে ! আনন্দময়ীর আনন্দ-শিশু, নিরানন্দকে ডুবাইতে তুই আয় ! মঙ্গলময়ীর মঙ্গল-শিশু, সকল অমঙ্গলকে নাশিতে তুই আয় ! অভয়ায় অভয়-শিশু, আমাকে নির্ভর করিতে আয় ! অভেদানন্দময়ীর আশা-শিশু, ভেদাভেদ নাশিতে তুই আয়—যশ ও নিন্দাকে সমান করিতে আয় । হৃৎধীর প্রাণে হৃরশিশু আয় ! স্বর্গের সুবাস লইয়া আমাকে মাতাইতে আয় । তোকেই রাখিব, তোরই কথা মতে চলিব—তোরই পথে হাটিব ! তোকে ধরিলেই মাকে পাইব—তোকে পূজিলেই বিশেষত্বের পথ পাইব । আনন্দময়ীর আনন্দশিশু, তোকে ধরিলেই আনন্দময়ীর পূজা অর্চনার প্রণালী পাইব । তোর বাণী তোরই থাকিবে, তোর জিনিষ তোর নামেই বিকাইবে । তোর প্রাণ তোর নামের জোরেই ভবনদী পার হইবে ! তোর জিনিষ স্বর্গের জিনিষ—নরকের কোন জিনিষের সহিত তাহাকে মিলাইব না । তোর জিনিষ তোরই থাক্—তোর জিনিষ তুইই রাখ্ ! তোর জিনিষ তুইই ধর—তোর জিনিষ তুইই নে ! নিয়া যাহা করিতে হয়, কর । আমি এ ভার বহিব না, এভার রাখিব না । তোর জিনিষ তুই নে, আমার জিনিষ তুই হ । তুই আমার প্রাণের দেবতা হ, তুই আমার গৃহ-দেবতা হ,—তুই আমার সর্ব্ব হ ! তোর কথা শুনি, আর সর্ব্ব-মঙ্গলাকে দেখি, তোর কথা মতে চলি, আর আনন্দময়ীর আনন্দ-রূপমাগরে ডুবি । আমার জীবনের আশা, তুই আনন্দে সর্ব্ব হ ।

বাহির না ভিতর ?

সকল প্রকার ধর্মসাধকদিগের মধ্যে প্রায়ই দুই শ্রেণীর লোক পরিদৃষ্ট হয়;—এক শ্রেণীর লোক বলেন, কাম ক্রোধ প্রভৃতি রিপু সকলকে বাহ্যিক দমন করিতে পারেন, তাঁহাই চরিত্রবান লোক। ব্যভিচারী হইয়া পরস্পর প্রতি কুটিল নয়নে তাকাইব না, ক্রোধের বশবর্তী হইয়া পৃথিবীর কোন প্রকার অপকার করিব না, অশ্রুর প্রতি হিংসা করিব না, অশ্রুর উন্নতিতে কাতর হইব না, পরনিন্দা করিব না, মিথ্যা কথা বলিব না, পরের অনিষ্ট করিব না, এবশ্প্রকার নীতিবাক্য এই শ্রেণীর লোকদিগের চরিত্র-ভূষণ। এই শ্রেণীর সাধকগণ কঠোর ধর্মনীতির অনুসরণে প্রবৃত্ত হইয়া সময়ে সময়ে এমন কদর্য কার্যের অনুষ্ঠান করিয়া থাকেন যে, সে সকল বিষয় ভাবিতে গেলে শরীর রোমাঞ্চিত হয়, হৃদয় ব্যাকুলিত হইয়া উঠে। এই শ্রেণীর লোক রিপু দমন করিতে অসমর্থ হইলে কখনও বা লিঙ্গোৎপাটন করেন, কখনও বা চক্ষু উৎপাটন করেন, কখনও হস্ত পদকে শরীর হইতে বিচ্ছিন্ন করিয়া ফেলেন—কখনও বা সংসারকে, সমাজকে সাধনার ঘোরতর বিরোধী কল্পনা করিয়া চিরদিনের তরে সন্ন্যাস-ব্রত গ্রহণ করিয়া থাকেন। এই শ্রেণীর লোক সাধারণতঃ সংসার-বিরাগী। আর এক শ্রেণীর লোক আছেন—তাঁহারা কেবল ইহা করিব না, উহা করিব না বলিয়া নিরস্ত থাকেন না, বলেন,—ব্যভিচারী হইব না, পৃথিবীর অপকার করিব না, মিথ্যা কথা বলিব না ইত্যাদি প্রকার না-সংযুক্ত কথা লইয়া থাকা মৃত ধর্মোপাসকের কর্ম—ঐ সকল নীতি নীতিই নহে। ইহারা বলেন, কুটিল নয়নে তাকাইবার পরিবর্তে ভালবাসার চক্ষে দেখিব, ক্রোধের পরিবর্তে ক্ষমা করিব—কোল পাতিয়া দিব, অশ্রুর অনিষ্টের পরিবর্তে উপকার করিব, পরনিন্দার বদলে পরমহর্ষ স্মরণ করিব, মিথ্যার পরিবর্তে সত্য কথা বলিব। এই শ্রেণীর লোক সংসারকে সাধনার বিরোধী মনে করেন না, বরং তৎপরিবর্তে ইহাই বলেন, সংসারের সকল বস্তুই মঙ্গলের অন্তর্ভুক্ত, সুতরাং তাহার কোন কিছু পরিত্যাগ করা মহাশাপ। এই দুই শ্রেণীর মধ্যে কোন শ্রেণী প্রকৃত পক্ষে চরিত্রবান, তাহা

আলোচনার প্রবৃত্ত হইবার পূর্বে, চরিত্র কি, তাহা বিচার করা যাউক। চরিত্র কি প্রকৃত পক্ষে কতকগুলি 'না'র সমষ্টি, না আর কিছু? যাহাতে দোষ নাই সেই চরিত্রবান, না যাহাতে গুণ আছে সেই চরিত্রবান? আমাদের মত এই, চরিত্রে এই দুই থাকা চাই। চরিত্রের অর্থ আমরা সংক্ষেপে এই বুঝি, যাহা মানুষের হওয়া উচিত, বা করা উচিত—আদর্শ। মানুষের আদর্শ নির্ণয় করা যায় কি প্রকারে? বিবেকের দ্বারা। বিবেক কি,—ভাল মন্দ বিচার করিবার শক্তি,—বিশ্বাসীর মতে ঈশ্বরের আদেশ বা বাণী। এই বিবেক যাহা মানুষকে করিতে নিষেধ করে, তাঁহা না করা, এবং বিবেক যাহা করিতে বলে, তাহা করাই মানবের কর্তব্য বা মানবের আদর্শ। বিবেকই রাজা, বিবেকই চরিত্রের মূল শক্তি। কিন্তু এই বিবেকের উপরেও মানুষের ইচ্ছা-প্রতিষ্ঠিত রাজা আছে, সে বিবেচনা শক্তি। বিবেচনা শক্তিকে রাজত্ব দিলে বিবেক মলিন হইয়া যায়, সুতরাং তখন বিবেকও কুপথে মানুষকে চালাইতে পারে। এইরূপ অবস্থা হইলেই মানুষ বিবেকে স্বেচ্ছা বলিয়া গ্রহণ করে, যাহা পণ্ডিত তাহাকেই মনুষ্যত্ব বলিয়া আদর করে, যাহা অকর্তব্য তাহাকেই কর্তব্য জ্ঞানে পূজা করে। এই জন্তই দেখা যায়, মানব সমাজের অনেকেই বিবেকের অধিকারী হইয়াও নানা প্রকার বিপরীত পথে চলিতেছে,—এক জনের কর্তব্য অপরের দ্বণ্ডার জিনিস হইতেছে, কার্যের-উপাসক মানবমণ্ডলী পরস্পরের প্রতি ঘোরতর অবিচার করিয়া বিবাদ বিসম্বাদের স্রষ্টাপাত করিয়া পৃথিবীকে কলঙ্কিত করিতেছে। এই জন্ত চিরকাল পৃথিবীর লোক ভাই ভাই কাটাকাটা করিয়া মরিয়াছে।

বিবেকের রাজা ঈশ্বর, স্বাধীন ঈশ্বর-বায়ু সেবন ভিন্ন বিবেকের পরিপূষ্টি অসম্ভব। ঈশ্বর-বিশ্বাসী মানব কখনও ঈশ্বরের চরণশৃঙ্খল হইতে বিবেককে বিচ্ছিন্ন করিয়া আপন মস্তিষ্কে উহাকে আবদ্ধ করিয়া রাখেন না ;—আপন স্বৈচ্ছা-প্রণোদিত বিবেচনা-শক্তির অধীনস্থ বিবেককে আনয়ন করেন না। তাঁহারা মনে করেন, সকল জ্ঞান, সকল বিজ্ঞান চূর্ণ হইয়া গেলেও বিবেককে কোন বৃত্তির অধীনে আনিব না। এই প্রকার লোকের নিকট বিবেক কখনও ভুল কথা বলে না। আপন প্রেত্ব প্রভৃৎ ডুবাঁইয়া বাঁহারা ঈশ্বরদাস বিবেকের আদেশানুসারে চলেন, তাঁহারা কখনও কুচরিত্রে উপনীত হইতে পারেন না। আলোকের নিকট আঁধার থাকা বৈরূপ অসম্ভব, বিবেকের নিকট কুচরিত্র থাকাও ভেদনি অসম্ভব। মলিনতা ও পাপ তাপ-পূর্ণ নরকের পথ

যে বিবেক দেখাইয়া দেয়, সে বিবেক মৃত বিবেক,—মহুঘোর স্বার্থ ও সেচ্ছা-
 ধীন বিবেক, সে বিবেক মানুষের গোলাম। কি পরিতাপের বিষয়, পৃথিবীর
 কত কোটি কোটি নরনারী এই পবিত্র জ্যোতির্শ্রমী বিবেককে আপন বিবে-
 চনা বা ভাবের শৃঙ্খলে বাঁধিয়া, অধীনতা স্বীকার করাইয়া, আপনাদের পরি-
 গাম ঘোরান্নকারে ডুবাইয়া দিতেছেন। বিবেক—আলো, জ্যোতি, পবিত্রতা,
 পুণ্য, শান্তি, সদানন্দ, অমৃত—স্বর্গ। ইহাতে আঁধার নাই, নিরানন্দ নাই,
 কলঙ্ক নাই, অশান্তি নাই, বিষ নাই—নরক নাই। এই বিবেক মানুষকে যে
 পথে চালায়, সেই পথে চলাই চরিত্র ! চরিত্র আলো—পবিত্রতা, পুণ্য, শান্তি,
 অমৃত—স্বর্গ। চরিত্রে সংসাহস, সদানন্দ, অধ্যবসায়, বীরত্ব, সকল সারবস্তু
 নিহিত। চরিত্রে মানুষ দেবতা, চরিত্রহীনতায় মানুষ পশু। চরিত্র আছে,
 অথচ জ্যোতি নাই, পবিত্রতা নাই, সংসাহস নাই, অধ্যবসায় নাই, শান্তি
 নাই, পুণ্য নাই ; ইহা অসম্ভব কথা। সেই পরিমাণে মানুষ চরিত্রবান, যে
 পরিমাণে মানুষে আঁধারের পরিবর্তে আলোক আছে, নরকের পরিবর্তে
 স্বর্গ আছে। নরক কি ?—স্বর্গের অভাব। আঁধার কি ? জ্যোতির অভাব।
 স্বর্গ না থাকিলেই নরক তাহার পরিণাম, জ্যোতি না থাকিলেই অন্ধকার
 পরিণাম। কিন্তু নরক বা অন্ধকারের পরিণাম স্বর্গ বা জ্যোতি নহে। নরক
 না থাকিলেই যে স্বর্গ থাকিবে, এমন কোন কথা নাই। অন্ধকার না থাকি-
 লেই আলোক আসিবে, এমনও কোন শাস্ত্র নাই। পুণ্য ও পবিত্রতা এক
 জনের মধ্যে না থাকিলে সে লোকের মধ্যে পাপ কলঙ্ক আসিবে, কিন্তু পাপ
 কলঙ্ক এক জনের মধ্যে না থাকিলেই সে লোক পুণ্যবান ও পবিত্রাত্মা হইবে,
 এমন কোন কথা নাই। এই জন্ত ষাঁহার পাপ হইতে বিরত, তাঁহারাই
 পুণ্যবান নহেন। ষাঁহার পুণ্যবান নহেন, তাঁহার চরিত্রবান নহেন, ইহা
 সহজ সিদ্ধান্ত। এই সিদ্ধান্তানুসারে প্রথম শ্রেণীর সাধক-শ্রেণীকে প্রকৃত চরিত্র-
 বান মহুষ্য বলিয়া গণ্য করা যায় না। তাঁহাদিগের মধ্যে দোষ না থাকিলে
 থাকিতে পারে, তাহাতে কিছু আসে যায় না। দোষ না থাকিলে তাঁহার
 পশুত্ব হইতে উঠিয়াছেন এই পর্য্যন্ত, কিন্তু তাহাতে দেবত্ব উন্নীত হন নাই।
 দেবত্ব কিছু যোগ ভিন্ন হয় না। মানবচরিত্রে প্রেমের যোগ, পুণ্যের যোগ,
 সংবস্তুর যোগ ইত্যাদি হইলেই দেবত্ব হয়। নিম্নলিখ প্রেমচক্রমার সংস্পর্শ
 ভিন্ন মানব এ রাজ্যে উপস্থিত হইতে পারে না। বিবেকের দ্বারা মানবে
 একই স্বরে সংস্পর্শ হয়। বিবেককে ষাঁহার মলিন করেন, তাঁহাদের জীবনে

এ প্রকার সংস্পর্শ কখনও ঘটে না ; সুতরাং তাঁহারা নরকের কীট না হইলে হইতে পারেন, কিন্তু স্বর্গের দেবতা তাঁহারা নহেন । এই জন্ত আমরা দেখিতে পাই, ষাঁহারা যেহেতু সুতরাং এবং জ্ঞান বিজ্ঞান লইয়া, ভাল মন্দ বিচার করিয়া জীবন পথে অগ্রসর হন, তাঁহারা ক্রমেই নরকের দিকে গমন করেন ; আপনারা মরেন, এবং সেই সঙ্গে সঙ্গে পৃথিবীকে পুতিগন্ধময় কলঙ্কের মধ্যে নিক্ষেপ করেন । মানবের জ্ঞান সীমাবদ্ধ, বুদ্ধিও সীমাবদ্ধ ; কিবা জানে, কিবা ধারণা করিতে পারে ! অদ্যকার পরিণাম যে গণনা করিয়া ঠিক বলিতে পারে না, সে আবার কিসের অহঙ্কার করিবে ? মানুষের বুদ্ধি ও বিবেচনা বিবেকের দ্বারা চালিত না হইলে তাহা কিছুই নহে, উহা ভুল, উহা মহা-ভ্রান্তি । এই জন্ত ষাঁহারা ইহা করিব, কারণ ইহাতে সমাজের এই অনিষ্ট, ইহা রাখিব না, কারণ ইহাতে আমার এই উন্নতির ব্যাঘাত, ষাঁহারা এই প্রকার হেতুবাদের গোঙগোল লইয়া ব্যতিব্যস্ত রহিয়াছেন, আমাদের বিশ্বাস, তাঁহারা ধর্ম-জগৎ হইতে অনেক দূরে পড়িয়া আছেন ; প্রকৃত চরিত্র তাঁহাদের নিকট হইতে অনেক দূরে । এই চক্ষু জঁখর দিয়াছেন কি মঙ্গল অতিপ্রার্থের জন্ত, আমি কি জানি, এই রিপু ও ইঞ্জির সকলকে দিয়াছেন জঁখর তাহার কি মহৎ উদ্দেশ্য সংসাধনের জন্ত, আমি কি জানি ? তিনিই জানেন । এই সংসার, এই সমাজ, তাঁহারই মঙ্গলাভিপ্রায় সংসাধনের জন্ত । ইহার কিছুই পরিত্যাগ, বর্জন বা রক্ষা করিবার আমার অধিকার নাই । তিনি রাখিয়াছেন, তাই রহিয়াছি ; যখন রাখিবেন না, তখন এক মুহূর্ত্ত কালের জন্তও থাকিতে পারিব না । ভাল মন্দ বিচার আমি করিব ? ক্ষুদ্র মানব—অহঙ্কারী, মূর্খ, বামন হইয়া স্বর্গের চক্রমা স্পর্শের সাধ তোমার কখনই পূর্ণ হইবে না । অরণ্য তাঁহার, সমাজ তাঁহার, সংসার তাঁহার, আমি তাঁহার, জ্ঞান বুদ্ধি সকলই তাঁহার, তিনি বাহ্য করেন তাহাই হয়, আমি কে দে, আমি ভাল মন্দ বিচার করিব ? এই করিয়াই ডুবিয়াছি । হার, বিবেকের আদেশ লঙ্ঘন করিয়া বিবেচনা ও ভাবের পূজা করিয়াছি—কত ত্রাতা ভয়ীর হৃদয়ে শেল-বিদ্ধ করিয়াছি ;—আমি মরিয়াছি—জোর করিয়া চরিত্রকে রক্ষা করিতে চেষ্টা করিয়া মরিয়াছি । কোথায় চরিত্র—স্বর্গের ধন, আর কোথায় আমি, নরকের কীট । আমি সংসার ছাড়িব, সংসার রাখিব, এই অহঙ্কারে আমার সর্বনাশ করিয়াছে । বিবেকের আদেশ—সর্ব সত্যকে উন্নয়ন করিয়া অমৃত বলিয়া বিবেক সাগরে কাঁপ দিয়া পড়িয়াছি ।

হার, আমার দুর্দশার শেষ কোথায় ! লোকে আমার নিন্দা বা চরিত্রের দোষ ঘোষণা করিলে আমি ক্রোধে অধীর হই, তাঁহাকে অপদহ করিবার জন্য কত-চেষ্টা করি—আইনের ভয় দেখাই—কত কি করি ; আর আমি যে প্রকৃত পক্ষেই ভিতরে মরিয়া পচিয়া পড়িয়া রহিয়াছি, তাহা একবারও ভাবি না । কোথায় জ্যোতি, আর কোথায় আমি ; কোথায় পুণ্য, শ্রেয়, শান্তি, আর কোথায় আমি ! পাপ করি না, তাতে আমার কি, পুণ্য কোথায় ? হার, কোথায় চন্দ্রমা, আর কোথায় অঁধারে আমি ? কে ধরিবে, কে তুলিবে, কে রাখিবে ? সংসারে এমন কে আছে ?—সাধ্য কার ? সব অক্ষম—সব অক্ষম, সব অক্ষম । কে পথ দেখাইবে ? সব অন্ধ, সব অন্ধ । ভুবিয়াছি যে সর্বনাশিনী বিবেচনা ও ভাবের আজায়, তাহার আজ কোথায় ? অজ্ঞান মানব, ভিতরে হলাহল, বাহিরে সুধা মাখিয়া কি হইবে ? নামাবলী গায়ে দিলে গেরুয়া-বসন পরিলে, চক্ষের জলে ভাসিলে, মুক্তিকার গড়াগড়ি দিলে, বা আইনের সাহায্যে চরিত্রকে অক্ষুণ্ণ রাখিতে চেষ্টা করিলে কি হইবে, ভিতরে কি হইয়া রহিয়াছে, একবার ভাবিয়া দেখ । তুমি গেরুয়া বসনই পরিধান কর, আর নামাবলীই গায়ে দেও, বা একতারার তানে খোল করতাল বাজাইয়া হরিনামই পাও, যতদিন তোমার ভিতরের সৌন্দর্য জগৎকে,—আমাকে আলোকিত না করিবে, তাবৎ তোমার ঐ সকলকে আমি ভঙামি বলিয়া বুঝিব । ধর্ম-জগতে চালাকি খাটে না—এখানে প্রতারণা চলে না । তুমি বুঝিতে পার বা নাই পায়, তোমার ভিতরে কি আছে, জগৎ তাহা দেখিয়া ফেলিতেছে । বসন ভূষণের দিকে কেন তাকাইয়া আছ ?—একবার ভিতরে ডোব, ভাব-রাজ্য ছাড়—কলহাঙ্গী ক্রন্দনে বা উচ্ছ্বাসে তোমার জীবন পরিবর্তিত হইবে না । ঐ সকল বাহির লইয়া কেন মজ্জিতেছ, আর সেই সঙ্গে সংসারকে বাহিরের অনাগ্র পদার্থে কেন আসক্ত করিবার পথ খুলিতেছ ?—স্থির হও, ভিতরে জিনিষ আছে কি না, পরিজ্ঞানের পথে বাইতেছ কি না, এই সকল স্থির মনে বসিয়া একবার ভাব । কনিক উচ্ছ্বাসে কি হইবে, তাই বলি ভিতরে মরিয়া থাক । উচ্ছ্বাসের পর অরসাদ, ক্রন্দনের পরই সুখ । পুত্র শোকে অধীর হইয়া যে মাতা কাঁদিল, তাঁহার শোক কলহাঙ্গী ; যে পতীর শোকে ভুবিয়া, তাঁহার চক্ষে জল ঝলিবে না,—তাঁহার হৃদয়ে ভ্রূণের আঁণ্ডনের ব্যাধি যে শোক জলিতেছে, তাহা ক্রন্দনের অতীত—ক্রন্দনে তাহা উপশম হয়

না ; তাহাতে লোককে উদ্ধত করে । পরিভ্রাণাকাঙ্ক্ষী মলিন মানব, ভিতরে তাকাইয়া তোমার পাপপূর্ণ হৃদয়ে যদি সেই ভাব না দেখিতে পাও, তবে নিশ্চয় তুমি প্রতারিত হইয়াছ । গভীরতম হৃদয়ের অন্ধে প্রবেশ কর, আর অন্তরাত্মার প্রতি তাকাও, তাঁরপর ভিতরে হতাশন জলিয়া উঠুক । আমি তোমার ঐ বাহিরের বেশে ভুলিব না । ভিতরে মরিয়া বাহির রাখিবার জন্য কেন চেষ্টা—কেন অহঙ্কার ? সংসার কি চরম লক্ষ্য ?—বাইতে কি হইবে না,—এই শরীর, এই সবই কি লক্ষ্য ? ভুল কথা । বাহির অসার, ভিতর চাই । ভিতর থাকিলে বাহির না থাকিলেই বা কি ? থাকিলেই বা কি ? চক্ষু ভিতরে যাক, বাহিরের বস্তু থাকুক আর না থাকুক, তাতে কি ? ভিতরের দিকে যদি মনশ্চক্ষু যায়, তবে বাহিরের সংসার থাকিলেই বা কি ? আমি এই চাই—সকল সাধন ভিতরকে লইয়া হউক । মনটাকে সংকৃত করাই কাজ । এ করিবনা, ও করিব না, এতে আমার চরিত্র হইবে না । ভিতরে কিছু যোগ করা চাই । সংসার তখনই আমার বিরোধী, যখন আমাকে আমি সংসারে ফেলিয়া রাখি ; আর যখন আমাকে টানিয়া ভিতরে লই, তখন সংসার বিরোধী হইয়া আমার কি করিবে ? যে রিপূর দাস, সেই কামিনী-কাঞ্চনকে ভয় করে । আসক্তি থাকিলেই মজিতে হয় । আসক্তি না থাকিলে কামিনী-কাঞ্চন কি অনিষ্ট করিতে পারে ? সকলই বিধাতার সৃষ্টি, সকলের মধ্যেই ভাল জিনিষ আছে । সকলেই থাকিবে, অথচ মনে হইবে যেন কিছুই নাই । আসক্তি-শূন্য হইলে আর ভয় কি ? সক্রোটাস্ মরিলেন, যিশুখ্রীষ্ট মরিলেন, তাতে তাঁহাদের কি অনিষ্ট হইল ? সংসার পরিত্যাগের বাসনা ততক্ষণ, নিশ্চয় জানিবে, যতক্ষণ আমি সংসারের জীব । বসন ভূষণ পরিত্যাগের বা পরিবর্তনের বাসনা ততক্ষণ, যতক্ষণ আমি বসন ভূষণের দাস । পরিত্যাগ কি, রাখাই বা কি ? আমি কিছুই জানি না ; আমি কেবল ভিতর চাই—ভিতরে পুণ্য নাই, প্রেম চাই, ভক্তি চাই, সৎসাহস চাই, অধ্যবসার চাই, শান্তি চাই, পবিত্রতা চাই,—আমার মাকে চাই—পরিভ্রাণ ও জীবনের আশা ভরসাকে চাই । বাহা পাইলে বিবেক পাইব, তাহাই চাই । বাহা পাইলে চরিত্র পাইব, তাহাই চাই । বাহা পাইলে আলোক পাইব, তাহাই চাই । বাহির চাই না—আর বাহির না । কেবল বাহির লইয়া থাকিলে—সংসার ; বাহির ছাড়িলে তবে স্বর্গ । আমি কেবল সংসার চাই না, আমি পরিভ্রাণ চাই, স্বর্গ চাই ; বাহিরে দরক, আমি

তাহা লইয়া কি করিব ? সংসার ঘোট বাধিয়া আজ হইতে আমার নিন্দা রটনায় প্রবৃত্ত হও, আমার অহঙ্কারকে ডুবাইয়া দেও, তোমাদের পারে পড়ি, ডুবাইয়া দেও । আমার বড় সাধ, আমি একবার গৃহে প্রবেশ করিব, আমি আর বাহিরের আন্দোলন, আড়ম্বর লইয়া থাকিব না । গৃহে যাইব—বেলা গেল, আর সময় নাই—আর বাকী নাই । আমার বিবেচনা, দূর হও ; জ্ঞান দূর হও ; বুদ্ধি দূর হও, আজি গৃহে যাইয়া মায়ের কাছে এই ভিক্ষা মাগিব, বিবেক যেন আমার রাজা হন । না হইলে আমি আর বাঁচি না—আমার বাঁচিবার আর উপায় নাই । সকলের দাসত্ব পরিত্যাগ করিয়া একজনকে দাসত্ব লিখিয়া দিব—তিনিই প্রভু, তিনিই সব, তাহারই উপর নির্ভর করিব । তিনি রাখিতে চান, থাকিব, তিনি মারিতে চান, মরিব । তাহার বাক্য পালনেই পুণ্য, প্রেম, শাস্তি, পবিত্রতা—চরিত্র । সেই বাক্যই বিবেক । তাহারই ভিত্তারী আমি । বিবেককে পাইলে সংসারকে কে ডরায় ? বিবেকের কথা ধরিয়া চলিতে পারিলে, চরিত্রের জন্মই বা কে ভাবে ?

লক্ষ্যপথে ।

বিজ্ঞান দর্শনের কত উন্নতি হইয়াছে ও হইতেছে, কিন্তু হৃদয়ের নিগূঢ়তম স্থানে যে একটা অমীমাংসিত জটিল প্রশ্ন ছিল,—কেন এই পৃথিবীতে আসিয়াছি, আজ পর্য্যন্ত কেহ তাহার পরিষ্কার উত্তর দিতে পারিল না । মাতৃঅঙ্কে ছিলাম, ভূমিষ্ট হইলাম ; বিবম তিমিরাবৃত স্থান হইতে আসিয়া আলোকের মুখ সন্দর্শন করিলাম । ঐ আলোকের ভিতর হইতে কত ফুল, কত পল্লবে স্তম্ভোদ্ভিত হইয়া কত বৃক্ষ, কত সৌন্দর্য্যে ভূষিত হইয়া কত পক্ষী—আকাশ নক্ষত্র, চন্দ্র সূর্য্য, বালক বালিকা, যুবা বৃদ্ধ, নর নারী, জ্ঞান বিজ্ঞান আসিয়া আমাকে বেষ্টন করিয়া কেলিল । তাহার যেন এক-ঘোট বাধিয়া প্রতিজ্ঞা করিল—আমাকে সমাদরে সম্বন্ধে সংসারে রাখিয়া শিখাইবে । সেই অস্পষ্ট, অব্যক্ত, অলক্ষিত, গুপ্ত প্রতিজ্ঞা পূর্ণ হইতে লাগিল, ইচ্ছা অনিচ্ছা না থাকা সত্ত্বেও আমি থাকিলাম, বড় হইলাম, শিখিলাম । জ্ঞান ছিল না, জ্ঞান আসিল, বুদ্ধি ছিল না, বুদ্ধি পাইলাম,—আঁধারে আলো ফুটিয়া উঠিল । বয়োবৃদ্ধি সহকারে বাহিরের সৌন্দর্য্য বিকাশের সহিত মন ফুটিয়া উঠিল । পূর্বে পৃথিবী ঘোট বাধিয়া অভ্যর্থনা করিতে আসিয়াছিল,

কত ভালবাসার পরিচয় দিয়াছিল, ক্রমে আমিও পৃথিবীকে আলিঙ্গন করিলাম, ভালবাসিলাম। মাতার চখের কোণে যে ভালবাসার ক্ষুদ্র খেলিতেছিল, তাহার এক বিন্দু আমার চক্ষে পড়িল। মা আমাকে দেখেন, আমি মাকে দেখি। কেন দেখি, জানি না, তবুও দেখি। মাতার ক্রোড়ে কি এক অপূৰ্ণ প্রেমের কুসুম-শর্মা ছিল, জানি না, তাহাতে শুইতে না শুইতে, বসিতে না বসিতে আমার সর্কাজে যেন তাহারই ছায়া পড়িল;—মা আমাকে সাপটিয়া ধরেন, আমিও মাকে ক্ষুদ্র বাহু দিয়া সাপটিয়া ধরি—ইচ্ছা হয় বুকের ভিতরে পুরিয়া রাখি। মাতার মুখে কি এক অপূৰ্ণ সুধার ধনি ছিল, যাই আমাকে ডাকেন, অমনি আমি গলিয়া যাই—আর আমিও মাকে ডাকি। কি অপূৰ্ণ বিনিময় হইয়া গেল। শুধু মৃত্তিকার সরসী স্ফুটিত হইল, পৃথিবী জানিল না, বুঝিল না, কাহার ইচ্ছিতে। শিশু প্রেম-বৃত্তি সর্কাজে মাখিয়া মাতার ক্রোড় হইতে মৃত্তিকায় নামিয়া হামাগুড়ি দিল—মৃত্তিকাকে চুষন করিল, আপন পর জান নাই, ভাল মন্দ বিচার নাই, যাহাকে পায়, তাহাকেই কোল দেয়, যাহা পায় তাহাই ধরিয়া মুখে দেয়। মূৰ্খ পৃথিবী মনে করিল, বালক আহায়ে ব্যস্ত। বালক যে প্রেমের খেলা খেলিল, তাহা পৃথিবী বুঝিল না। পৃথিবী বলে এটা ধরো না, ওটা ছুঁয়ো না, এটা মাটি, ওটা বিষ, এটা আপন, ওটা পর। বালক অস্পষ্ট ভাবায় বলে, মাটি বুঝি না, বিষ বুঝি না, আপন পর জানি না, সকলই আমার, সকলকেই ধরিব, তারপর চুষন করিব—মুখের অমৃত দিয়া আমি প্রেমলীলা খেলিব। নিষেধ মানিল না, বালক যাহা পাইল, তাহাই মুখে দিতে লাগিল। বালক হাসে, খেলে, পৃথিবী বিপদ গণনা করে, বলে, বালক বিষ খাইয়া মরিল। পৃথিবী বুঝিল না যে, মায়ের কোলের ছেলে মরে না। মানুষ যখন হাত ধরিতে বালকের কাছে রহিল না, তখন বালক কত বিষ, কত মাটি, কত কি মুখে করিল, কিন্তু মৃত্যু হইল না, মৃত্যু আসিল না। বালক কি মৃত্যুর ভয় করে? তোমরা কি কখনও শুনিয়াছ, শিশু আঙনে হাত দিতে বা বিষ ধরিয়া মুখে দিতে কখনও কুণ্ঠিত হইয়াছে? পাপময় সলিলের বালক কুণ্ঠিত হইয়াছে, তাহার জালিকা আছে, জানি, কিন্তু পাপের অশুভ বালক-জগতে বাও, দেখিবে দেখানে তাহাদের মনে ভয় নাই। বালক যেন জানে, সে আর মরিবে না, যে অমর। আশ্চর্য লীলাখেলা হইল। দর্শন বিজ্ঞান পরে প্রমাণ করিল,

বালক কিছুই বুঝেনা, স্তত্রাং সে স্থখী নহে ; কিন্তু আমি বড় হইয়া বুঝিয়াছি, আমি তখনই স্থখী ছিলাম, যখন মায়ের কোলে ছিলাম । মায়ের কোলে-অবোধ সন্তান দোলে, নাচে, হাসে, গায়, সেই স্থখই প্রকৃত স্থখ, তাহাই জীবনের প্রিয় । এখন বড় হইয়াছি, অর্থপর পৃথিবী ঘেরিয়া ধরিয়াছে, এখন ঐ দোলনি, ঐ হাসি ভুলিয়া গিয়াছি বটে, কিন্তু ঐ স্থখের আকর্ষণ ভুলিতে পারি নাই । শিশু বালক হইল, বালক যুবা হইল, যুবক বৃদ্ধ হইতে চলিল । বৃদ্ধ হইতে চলিয়াছি, এখন বুঝিয়াছি,—এ শরীরের শেষ আছে—এ হাত চিরদিন কলম ধরিয়া লিখিবে না, এ চক্ষু চিরদিন পৃথিবীর শোভা দেখিবে না, এ কিছুই থাকিবে না । এ পৃথিবী আমার নিকট আঁধার হইয়া যাইবে । গৃহ মাটিতে পড়িয়া পড়িবে, টাকাকড়ি, ধনজন, মান সম্বন্ধ, প্রশংসা নিন্দা, সকলি পড়িয়া থাকিবে । পৃথিবী পৃথিবীই থাকিবে, কিন্তু আমার পক্ষে তাহা এক দিন না থাকার ভাষ্য হইবে । আমার পক্ষে এক দিন সকলই ফাকি, সকলই অসার প্রতিপন্ন হইবে । এ অসারে ক্রীড়া করিতে কেন আসিয়াছিলাম ? পৃথিবী কি মীমাংসা করিল, আজও বুঝি নাই, কিন্তু আমি এই বৃদ্ধবয়সে পদার্পণ করিয়া বুঝিতেছি—আসিয়াছিলাম, কেবল মায়ের কোলে ছলিতে । মা আর আমি, আমি আর মা । মার মুখ আমি দেখিব, আর মা আমার মুখ দেখিবেন । প্রাণে প্রাণ, প্রেমে প্রেম, জানে জান । বুঝিয়াছি,—মায়ের প্রেম লইয়া আসিয়াছিলাম,—সংসারকে প্রেম বিলাইয়া আবার মায়ের কোলে যাইব, হাসিব; গাইব বলিয়া । পৃথিবী মায়ের ছবি, সেই ছবিতে ছলিব, নাচিব গাইব, আর মাকে দেখিব । কিন্তু যখন বড় হইলাম, তখন মাকে ভুলিলাম, মাকে দূর করিয়া দিলাম । পৃথিবী আমার সর্বস্ব হইয়া পড়িল । অমৃত সৈঁচিয়া বিব বাহির করিলাম । বিষপানে মত্ত হইলাম । মাতার আসক্তি সংসারকে দিলাম । বিশ্বমাতার প্রত্যক্ষ ছবি—সুত্র মাতা অমনি পৃথিবী হইতে অন্তর্হিত হইলেন । মায়ের মুখ আঁধার হইল—মাকে আর দেখিলাম না । পথ ভুলিয়া গেলাম, আর মাতার কাছে যাইতে পারিলাম না । মাতা অন্তর্হিত হইলেন । পৃথিবীর ইতিহাস ইহার সাক্ষী আছেন । আর সাক্ষী আছেন যে,—আমি মাকে ভুলিয়া সংসার আসক্তিতে ডুবিয়াছি,—ইন্দির জুখে বিতোম, টাকা কড়ি, বশমান, স্থখ ঐশ্বর্য্যে মত্ত, প্রশংসা ও ভক্তিবারে আন্ধবিশ্বত । আমি জীবিত কি বৃদ্ধ ? বিজ্ঞান বলে, জীবিত । আধ্যাত্মিক বিজ্ঞানের চক্ষে আমি মৃত্যু পৌঁছি-

তেঁহি, আমি মরিয়া রহিয়াছি। মৃত কে ?—বাহার চৈতন্য থাকে না। বাহার চৈতন্য থাকে, সে সার অসার বুঝিতে পারে। আমি তাহা পারিতেছি না,—এই অট্টালিকা, এই টাকা, এই বশ,—এই সংসার দুদিনের, তবু ইহাদের মমতা ছাড়িতে পারিতেছি না। যাইতে হইবে, তাহা ভুলিয়া রহিয়াছি। আর মৃত কে ? যে আপনি ইচ্ছা মত চলিতে ফিরিতে পারে না। আমি তাহা পারি না—আমার আমিষ নাই,—তুমি আমায় চালাও, ঐ টাকা চালায়, ঐ বশ চালায়, ঐ সংসার চালায়। কেবল দাসত্ব, কেবল দাসত্ব, কেবল দাসত্ব। তুমি চোক রাগাইয়া ভয় দেখাও, আমি অমনি বসিয়া পড়ি। তুমি যাই বল, এই কাজ কর, নচেৎ তোমার নিন্দা রটাইব, অমনি আমি উঠিয়া সেই কার্য্য করি। লোকে বলে রাজার দাস প্রজা, আমি দেখি, দাস প্রজার দাস আমি। টাকা কড়ি, বাড়ীঘর, বশ মান, স্ত্রুথ ঐশ্বর্য্য, অহঙ্কার, কাম ক্রোধ, এই সংসারের সকলের দাস আমি ;—আজি আমি মৃত। কেন আমার এ দশা হইয়াছে ? মায়ের শিশু মায়ের মুখ ভুলিয়া কি জীবিত থাকিতে পারে ? মাকে ভুলিয়া আমি মরিয়াছি। মাতার স্বাধীন সন্তান, আজ আমি অধীন, গোলাম,—মৃত। এদিন থাকিবে না, আবার দিন আসিতেছে। আবার লক্ষ্যপথে ধাবিত হইব, সে দিন আসিতেছে। আবার সংসারকে ভুলিব, সে দিন আসিতেছে। আবার সব ভুলিয়া মায়ের কোলে ছলিব, সে দিন আসিতেছে। আসিতেছে সংসারের মৃত্যু—মাতার সন্তানের নব-জন্মতিথি। বৃদ্ধ হইতেছি, আর বুঝিতেছি,—এ সকল উপলক্ষ আর আমার নহে। সংসার, তুমি ক্রকুটী দেখাইয়া কি ভয় দেখাইতেছ, আমি আর তোমার থাকিব না। বদ্ধবান্ধব ছলনা করিয়া, আমাকে পথ ভুলাইয়া রাখিয়াছিলে, ঐ দেখ আর রাখিতে পারিবে না,—দিন আসিতেছে। তোমরা বাহাই মনে কর না কেন, মা আমাকে ভোলেন নাই—ঐ দেখ আবার আসিতেছেন। কেশ পাকিতেছে—দস্ত নড়িতেছে—অঙ্গ শিথিল হইতেছে—ইন্দ্রিয় নিস্তেজ হইতেছে। আবার আঁধার আসিতেছে ! সংসার-আমক্তি—সকল ভালবাসাকে আঁধার করিবার দিন আসিতেছে। মূৰ্খ মানুষ—দূর হও, তোমাকে দেখিয়া আর ভুলিব না। আবুক্ষীণ, দীন যার—রাত্রি যার—আবার দিন আসিতেছে। কেশব বড় চতুর বানক ছিল—কিন্তু পারিল না—ঐ আঁধার তাহাকে ধরিয়াছে। আসক্তি,—অহঙ্কার, আজ তাঁহার সকলই আঁধার। কবলহুমীর আঁধার—ব্রহ্মমন্দির আঁধার—বঙ্গদেশ আঁধার। মায়ের

সহিত চালাকি খাটিবে না । সব ভুলিয়া কেশব আজ আবার মায়ের কোলে
 ছলিতেছে । কেশব লক্ষ্য ভুলিয়া অসার ঘুলিতে মজিতেছিল, আজ আবার
 মায়ের কোল পাইয়াছে । বিজ্ঞান গর্ভিত নাস্তিক জগৎ—কই কেশবকে
 আজ ধরিলে না ? কেশব কোথায় গেল ? খুঁজিলে না ? ভালবাসার কান্দ
 পাতিলে না ?—নিশ্চয় করিলে না ? মূর্খ জগৎ, আর কেন, অহঙ্কারকে চূর্ণ কর ।
 মাতার বিশ্বব্যাপিনী রূপ দেখ । তিনি দিলেন, তিনিই নিলেন । সোণার
 মাছুষ ঘুলি খেলা লইয়া থাকিবে, শ্রেম ভক্তি ভুলিয়া থাকিবে, ইহা
 তাঁহার অসহ্য । কেশব গিয়াছেন—আমিও যাইব, ভাইরে, তুমিও
 যাইবে । লক্ষ্য ভুলিয়া থাকিবার যো নাই । লক্ষ্য ভুলিয়া থাকিব না ।
 প্রাণের ভিতর এই বাসনার আশ্রয় ভুলিয়া উঠিতেছে, নির্ভীক বালক
 হইয়া মায়ের কোলে আবার ছলিব,—বাল্য-খেলা আবার খেলিব ।
 অনন্ত প্রেম-জলধির কোলে বসিয়া প্রেমদুগ্ধ পান করিব, আর হাসিব,
 গাইব, খেলিব । আমি অজ্ঞান, ঐ অনন্তের নিকট ক্ষুদ্রাদপি ক্ষুদ্র,
 কিছুই জানি না, বুঝি না, ইচ্ছা হয় বালকের স্তার সকল জ্ঞান বিজ্ঞান দূরে
 রাখিয়া মায়ের কোলে ছলি । ছলিব যে দিন, সে দিন আসিতেছে ।
 আমিও ছলিব, তুমিও ছলিবে—সব একাকার হইবে ;—বড় ছোট ধনী
 নির্ধন সব সমান হইবে । মৃত্যু আসিতেছে—তোমাকে আমাকে সক-
 লকে বালকস্বপ্নে পরিণত করিতে—অহঙ্কার ও আসক্তিকে ডুবাইতে । লক্ষ্য
 এক ভিন্ন ছই নাই । যে স্বীকার করে না, তারও যে লক্ষ্য, যে স্বীকার করে,
 তারও সেই লক্ষ্য—ঐ বিশ্বমাতার বিশ্ববিস্তৃত কোল । লক্ষ্য কেবল—অনন্ত
 প্রেম পুণ্যের প্রস্রবণের নিম্নে বালক হইয়া ভূষিত নয়নে তাকাইয়া থাকা,—
 অনন্তের সহিত ক্ষুদ্রকে মিশাইয়া দেওয়া । বড় হইয়াছি,—জ্ঞানী হইয়াছি,
 বিদ্বান হইয়াছি,—আমি “হেন তেন,” এ চালাকি আর খাটিবে না । অনন্ত
 —অনন্ত—অনন্ত । অনন্ত পক্ষপটে ক্ষুদ্রকে লুকাইতেই হইবে—মাথা মত
 করিতেই হইবে । যত বড় হও, চিরকাল বালক, বড় পাও ততই বালকস্ব
 বুদ্ধি । সাধ পুরিবে না—অনন্ত পিপাসা । বালক হইতেই হইবে—অহঙ্কারকে
 চূর্ণ করিতেই হইবে । লীলা খেলা সাজ হইয়া আসিল—গণনা করিয়া দেখ,
 কিছুই হইল না—কিছুই হয় নাই । জ্ঞানের ভুকা মিটে নাই, শাস্তির ভুকা
 মিটে নাই, প্রেমের ভুকা মিটে নাই,—যে বালক সেই বালক । প্রেমজনী
 বিশ্বজননী দগসার লীলা খেলা করাইলেন রাহুকে এই নিকা মিটে, রাহু

বালক হইবে । আমার অহঙ্কার চূর্ণ হইয়াছে—আমার মর্গ চূর্ণ হইয়াছে । মাগো, তবে আর কেন? সেই দিন আন, শিশু হইয়া তব কোড়ে বসিয়া পড়ি। অনিমেষ নদনে তোমাকে দেখি, আর তুমি আমাকে দেখ। তোমার চক্ষু হইতে অনন্ত প্রেমের বস্ত্র প্রবাহিত হইয়া আসিয়া আমাকে দ্রাবিত করুক, আর সেই প্রেমে রঞ্জিত হইয়া তোমাকে এই ক্ষুদ্র বাহ দ্বারা আমি ক্ষুদ্র বুকে পুরিয়া রাখিয়া কৃতার্থ হই। তোমার অনন্ত জ্ঞান, 'অনন্ত পুণ্য, অনন্ত শক্তির প্রস্রবণে ডুবাও, আমি অবোধ, অজ্ঞান, নির্ভীক বালকের দ্বারা মোহিত হইয়া, অহঙ্কার ও আসক্তিকে পরাজয় করিয়া তোমাতে মগ্ন হইয়া থাকি। তোমারই কোলে হাসিব, তুলিব, নাচিব। বিশ্বজননি, দাসের এই সাধ পূর্ণ কর। 'স্বাধীনতা' চাই না, অধীন কর। পৃথিবী তোমাকে তুলিয়া রাখিয়াছে, মাগো, পৃথিবীকে একবার তুমি বালক করিয়া কোলে তুলিয়া নিয়া দোলাও, নাচাও, হাসাও। তোমার ইচ্ছা পূর্ণ কর।

অনন্ত মিলনের রাজ্য ।

এক দিন বসিয়া ভাবিতেছিলাম,—পৃথিবীর উন্নতির সঙ্গে সঙ্গে মানব-রাজ্যের কত উন্নতি হইল,—যাহা ছিল না, তাহা আসিল, যাহা জ্ঞানের অগোচর ছিল, তাহা প্রকাশিত হইল; কিম্বা যাহা অসম্পূর্ণ ছিল, তাহা পূর্ণ হইল; যাহা দোষ-সংযুক্ত ছিল, তাহা দোষমুক্ত হইল; সংক্ষেপে সহজে বলিতে হইলে বলা যায়—কত উন্নতি হইল; কিন্তু পৃথিবীর অনেক লোকের কেন আজও এই মত রহিল যে, ধর্ম জগতে নূতন সত্য কিছু পাওয়া বাই-
 তেছে না? ভাবিতেছিলাম, মানুষ এক দিন প্রকৃতির সহচর ছিল,—উলক, অনাবৃত, অদ্ব্যত, আমমাংস ভক্ষণ-রত ছিল, আজ বেশ ভূবার সুসজ্জিত, সভ্যতার ভূষিত, জানে অলঙ্কৃত, সুপক্ক আহারে রত। আদিম সময় হইতে মানব ইতিহাস পাঠ করিলে দেখিয়া বিস্মিত হইতে হয়, মানুষ কত পরি-
 বর্তিত হইয়াছে; অথবা সন্দেহ হয়, সেই মনুষ্য জাতিই এই কি না। এতই উন্নতি, এতই পরিবর্তন। শরীরের পরিবর্তন হইয়াছে, মনেরও পরিবর্তন হইয়াছে। পরিবর্তন হইয়াছে, আরো হইতেছে, কালের ঢেউ যেন ক্রমেই উলট পালট কেবল পরিবর্তনের স্রোতই আবাহিত করিতেছে। প্রাতে যে শালব দেখি, অপরাহ্নে আর সে শালকে দেখিতে পাই না; রাত্রে যে

মানুষ শয়ন করে, প্রান্তে আর পৃথিবীর বাজারে সে মানুষকে খুঁজিয়া পাওয়া যায় না । কাল বাহা ছিলামি, আজ তাহা নই ; আজ বাহা আছি, কাল হয় ত আর তাহা থাকিব না । পরিবর্তনময় জগতে কেবলই পরিবর্তন, উন্নতি-পিপাসু মানবরাজ্যে কেবলই উন্নতি ; কিন্তু সত্য থাকিতেও সত্য-জগতের উন্নতি কেন হইতেছে না, অথবা কেন সে সঘন্টে নানা মূনির নানা মত রহিল ? সত্যই কি সত্য পৃথিবীতে অবতীর্ণ হইতেছে না ? বাহিরের চক্ষে দেখিলে বোধ হয় বটে,—ধর্মের মূলে সেই আদি সময়ে যে কয়েকটা মূল সত্য নিহিত ছিল, সেই কয়েকটা সত্য ভিন্ন নূতন সত্য পাওয়া বাইতেছে না ; কিন্তু হৃদয় দৃষ্টিতে দেখিলে একধার ভ্রম স্পষ্টতঃ প্রতীয়মান হয় । এ ধর্ম-জগতের অভ্রান্ত সত্যের কথা বলিতেছি । মানুষের কচি ভিন্ন ভিন্ন, আশা ভিন্ন ভিন্ন, সুখ ভিন্ন ভিন্ন, বাহ্যিক চেহারা ভিন্ন ভিন্ন, কিন্তু সত্য ভিন্ন ভিন্ন কখনই হইতে পারে না । সকল ধর্ম শাস্ত্রের ঘনীভূত মিলন, একমাত্র অভ্রান্ত সত্য । স্বর্গ হইতে শব্দ হইল—মিথ্যা কথা বলিও না, ব্যভিচারী হইওনা, পৃথিবীর সকল ধর্ম-শাস্ত্র পার্থক্য, বৈষম্য ভুলিয়া একই সময়ে মস্তক পাতিয়া সেই সত্য গ্রহণ করিল । যুগ যুগান্তর গেল, কত বৈষম্য, কত বিভিন্নতা সোণার পৃথিবীকে গ্রাস করিল, কিন্তু ঐ সত্যে আর বিভিন্নতা দেখা গেল না । খ্রীষ্টান, মুসলমান, হিন্দু, বৌদ্ধ সকলে একমত হইয়া বলিল—মিথ্যা কথা মহাপাপ । ইহাকেই বলে অভ্রান্ত সত্য । আমি তুমি নই, তুমিও আমি নও, এ পৃথিবীর বাজারের কথা, পৃথিবীতেই পড়িয়া পচুক । পৃথিবীর চিন্তাতে তুমি আমি বিভিন্ন, তোমার মতে আমার মতে পার্থক্য, কিন্তু স্বর্গীয় জিনিষে এক । তুমি যখন জ্ঞানের অম্লসরণ কর, হয়ত আমি তখন প্রেমের খেলা খেলিতে থাকি, তোমার সহিত তখন আমি এক হইব কি রূপে ? পৃথিবীতে এত বিভিন্নতা, এত বৈষম্য এই জন্ত যে, প্রত্যেকের সাধনা ও চিন্তার পথ বিভিন্ন গতিতে বিভক্ত । সংক্ষেপে বিভিন্ন প্রকারের অবস্থা, জল, বায়ু, শিক্কা জন্ম ইত্যাদিতে তোমাকে তুমিঘে ও আমাকে আমিঘে উপনীত করিতেছে ; নচেৎ তুমি আমি এক । এক কখন ?—যখন এক পথে ইাটি । এক তখন, যখন এক চিন্তাতে মজি । আর এক তখন, যখন এক সত্যে—এক অভ্রান্ত সত্যে প্রাণকে ভাসাই । যে অভ্রান্ত সত্যে সব মানবজাতির এক—আমেরিকা ইউরোপ, আফ্রিকা, আসিয়া এক ; সেই সত্য কেন নীমাবদ্ধ হানে রহিল, অনন্ত ব্রহ্মত্বের অনন্ত সাম্যাত্মিক অভ্রান্ত সত্য সকল

কেন মানবজাতিকে এক্ষে মিশাইতে পৃথিবীর বাজারে অবতীর্ণ হইয়া বি-
কাইল না ? এত বিবাদ, এত বিসম্বাদ, এত মতভেদ কেন সোণার সংসারকে
মলিন করিল ?—ভ্রাতার ভ্রাতার বন্ধ বিদারণ করিয়া কেন মরিল, কেন
ডুবিল ? সত্য কেন ছুপ্রাপ্য রহিল, মানুষ কেন সত্য ধরিতে অক্ষম হইল ?
একধার উত্তর অতি সহজ । যে বালকের বর্ণজ্ঞান হয় নাই, সেই বালককে
কোন শিক্ষকই প্রথম পাঠ পরিত্যাগ করিয়া দ্বিতীয় পাঠ শিক্ষার্থে দেয় না ।
দিলেই বা কি হইবে, সে বালক তাহা বুঝিতে, তাহা ধরিতে, তাহা দেখিতে
পায় না । ক্রম অমুসারে জ্ঞান । একটু জ্ঞান জন্মিলে, তবে মানব আর একটু
জ্ঞানের অধিকারী হয় । যে ক'খ শিখে নাই, শাস্ত্রাদর্শন তাহার নিকট
আধার, থাকিয়াও নাই । যত সূক্ষ্ম বিচার করিবে, ততই বুঝিবে, ক্রম
ভিন্ন উন্নতি নাই । যে বালক দুধ পান করিয়া হজম করিতে পারে না, সে
বালককে কোন পিতা মাতা অন্ন আহার করিতে দেয় না । যে রোগী সাগু
হজমে অক্ষম, সে রুটী মাংস আহারে অনধিকারী ; কোন বিজ্ঞ বৈদ্যই
তাহাকে রুটী মাংস আহারের ব্যবস্থা দিবে না । দ্রব্য আছে তাতে কি ?
দুধ আছে, মাংস আছে, অন্ন আছে, পৃথিবীর বাজারে সকলই আছে । যে
যাহা হজম করিতে পারে, সে তাহা পায় ; কেবল যে তাহাই পায়, এমন
নহে, আরো গুরুপাক দ্রব্য আহারে অধিকারী হয় । বালক প্রথমে মায়ের
দুধ হজম করিল, পরে গরুর দুধ পাইল । যখন গরুর দুধ হজমে সক্ষম
হইল, তখন পিতা মাতা সন্তানের অন্ন-প্রাশন করিলেন । বালক যখন
মায়ের দুধ খাইত, তখন পৃথিবীর বাজারে রাশি রাশি খাদ্য দ্রব্য থাকিয়াও
বালকের নিকট ছিল না । রোগীকে দেখ । রোগী রোগ-শয্যা হইতে উঠিয়া
প্রথমে সাগু হজম করিল, পরে অন্নাত্ত দ্রব্য পাইল । যে রোগী সাগু হজমে
অক্ষম, কোন বৈদ্যই তাহাকে অন্ন গুরুপাক দ্রব্য ব্যবস্থা করে না । জ্ঞানের
বাজারে ক্রম দেখিলে, স্বাস্থ্য-রক্ষার বাজারে ক্রম দেখিলে, প্রেমের বা দয়ার
বাজারে যাও, সেখানেও ক্রম দেখিবে । শিশু মাটিতে পড়িয়া প্রথমে
মাকেই দেখে, মাকেই ভালবাসে । পৃথিবীর আর সকল তাহার নিকট তখন
থাকিয়াও থাকে না, মাতাই তখন তার সকল । মাকেই সে, তখন ভাল
বাসে । মাকে যে ভালবাসিতে পারিল, সে পরে মায়ের পেটের ভাই ভগ্নীকে
ভালবাসিতে পারিল,—পরে ঘনিষ্ঠ আত্মীয় কুটুম্বিককে ভালবাসিল,—
পরে স্বদেশের লোকস্বিককে,—পরে জগৎকে, ক্রমে ক্রমে অনন্তের দিকে

প্রাণ ছুটিল। আগে সীমাবদ্ধ, পরে অনন্ত। দয়াও বিন্দু বিন্দু করিয়া লোকে শিক্ষা করে। প্রাণে ডুবিয়া যাও, এ কথা বুঝিতে পারিবে। একবিন্দু দয়াও যে প্রত্যক্ষ করিয়া বুঝে নাই, অনন্ত দয়া তাহার নিকট স্বপ্ন; কাহাকেও যে নিজে ভালবাসে নাই, বিশ্বপ্রেম তাহার নিকট কল্পনা। শ্রদ্ধা, ভক্তি, দয়া, প্রেম একটুকুও যাহার মধ্যে নাই, সে অনন্ত শ্রদ্ধা, ভক্তি, দয়া, প্রেম কি, তাহা কিছুই বুঝিতে পারিবে না। তাহার নিকট ও সকল স্বপ্ন। যে মানুষ, মানুষকে বিশ্বাস করে না, ভালবাসে না, দেশকে ভালবাসে না, সে মানুষের অনন্ত ঈশ্বরকে বিশ্বাস করিয়া ভালবাসিতে পারা অসম্ভব। এই জন্তই জগতে নাস্তিক নামে একশ্রেণী লোকের কথা শুনা গিয়া থাকে। নাস্তিক এ জগতে তাহারা, যাহারা ক্রমকে উল্লঙ্ঘন করিয়া আকাশে উঠিয়াছে—মাটিতে পড়িয়া যাহারা কেবলই অবিশ্বাস, অপ্রেম, অজ্ঞানের বাজারে ভ্রমণ করিয়াছে। নাস্তিক তাহারা, যাহারা আপনাকে মানে নাই,—বিশ্বাস করে নাই,—ভালবাসে নাই; মাকে মানে নাই,—কেবল আকাশে,—কেবল কল্পনার রাজ্যে,—কেবল শূন্যে বিচরণ করিয়াছে। সীমাবদ্ধ স্থান হইতে আরম্ভ করিয়া তরে অনন্তে যাওয়া যায়, সন্ধীর্ণ জরায়ু গর্ভে বাস করিয়া তবে এত বড় পৃথিবীর মুখ সন্দর্শন করা যায়। জারায়ু-গর্ভকে উপেক্ষা করিয়া কেহ কি পৃথিবীতে আসিতে পারে? সীমাবদ্ধকে যে অবহেলা করিল, সে কি কখনও অনন্তে যাইতে পারিবে? আপনাকে সংস্কার কর, পন্নীকে সংস্কার কর, গ্রামকে সংস্কার কর, পরে দেশকে সংস্কার কর, তবে ভারতসংস্কার সম্ভব; আপনাকে ভুলিয়া, পন্নিকে ভুলিয়া, গ্রামকে ভুলিয়া ভারত-সংস্কারের চেষ্টা কেবলই কল্পনা, কেবলই চীৎকার। উহা কিছুই নহে, উহা মহাভ্রান্তি। বড় সে হইবে, যে ক্ষুদ্র শরীর পাইয়া তাহার আদর ও যত্ন করে। মায়ের কোলকে উপেক্ষা করিয়া যে বালক একেবারে সংসারে যায়, তাহার গায়েই কুবাতাস লাগে। ঘরে বসিয়া বল সঞ্চয় করিলে পরে সংসারযুদ্ধে জয় লাভের সম্ভাবনা। উচ্চ সে হইবে, যে নিম্নকে আদর করিয়া, তাহাকে অবলম্বন করিয়া, উচ্চের দিকে ধাবিত। কূল পাইলে তবে অকূল কি, ধারণা হয়; সীমাবদ্ধ কিছু জানিলে তবে অনন্ত কি, কতক ধারণা হয়। যে কূল কি জানে না, অকূল তাহার নিকটে কল্পনা। এইজন্তই এ সত্য অজান্ত,—একটু যে জানে না, অনেক সে জানে নাই—অনেক সে জানিবে না। আজ একটু যে জানে, কল্যই সে অনেক জানিতে

পারিবে,—আজ যে মায়ের দুধ হজম করিতে পারে, সে ই একদিন পৃথিবীর
 অন্ন আহাৰ করিতে পারিবে। এ সকল সম্বন্ধে যেমন, সত্য সম্বন্ধেও
 তেমনি। একটা সত্য বুঝিলে তবে অন্ত সত্য বুঝা যায়, একটা সত্য পাইলে
 তবে অন্ত সত্য ধরা যায়। পৃথিবীতে যে সত্য আসিতেছে না, অথবা
 মানব যে নূতন সত্য পাইতেছে না, তাহার এক মাত্র কারণ এই, যে সত্য
 পৃথিবীতে আছে, তাহাও পালিত, রক্ষিত, ভক্ষিত হইতেছে না। পৃথিবীর
 দুগ্ধ, অন্ন, রুটী যেমন মানবের শরীরের আহাৰ, সত্য তেমনই আত্মার
 আহাৰ। অজীর্ণ হইলে যেমন মানব দুধ, বল, ভাত বল, সকল দ্রব্যাহারেই
 অনধিকারী হয়; আত্মার অজীর্ণ হইলে সত্যাহারেও তেমনি অরুচি জন্মে,
 মানব অনধিকারী হয়। অরুচি জন্মিলে মৎস্ত বা কার, দুগ্ধ বা কে খায় ?
 অরুচি হইলে সত্যেরই বা কে আদর করে, সত্যই বা কে খায় ? এক অরুচি
 শরীর-নাশক, আর এক অরুচি আত্মা-নাশক। আহাৰ করিও না, শরীর
 শুকাইয়া যাইবে। সত্য পালন করিও না, নিশ্চয় জানিবে, আত্মা শুকা-
 ইবে। কিছুদিন আহাৰ করিও না, দেখিবে পাকশক্তি হ্রাস হইবে, হইবেই
 হইবে, বিজ্ঞানের অকাটা সত্য; কিছুদিন সত্যপালন করিও না, সত্যগ্রহণ,
 ধারণ ও পালন শক্তি হ্রাস হইবেই হইবে। কি কুক্ষণে জানি না, পৃথিবীতে
 ভয়ানক মত-ম্যালেরিয়া আসিয়া মানবের অরুচি জন্মাইয়া দিয়াছে, এক্ষণ
 আর সত্য বুঝেই বা কে, ধরেই বা কে, রাখেই বা কে ? ব্যক্তিগত স্বার্থ-
 প্রণোদিত মত এখন সত্য বলিয়া প্রতিপন্ন হইতেছে—তাহা লইয়াই মানব
 দলাদলী—কাটাকাটী, মারামারী করিয়া বিচ্ছেদের আগুন প্রজ্জ্বলিত করি-
 তেছে। এমনই অরুচি জন্মিয়াছে, যাহা সত্য—ব্যক্তিত্ব নহে, তাহা
 আর ভাল লাগে না;—যে যে মহামূল্য দ্রব্য আছে, তাহাও আর কেহ
 হাতে ধরিয়া মুখে দেয় না। আহাৰ জগতের উন্নতি হইয়াছে, কেবল
 অহুসন্ধানে। যখন দুধে পেট ভরে না, তখন বালক মাটীতে নামিয়া অন্ত
 বস্ত্র ধরে, ধরিয়া পরে মুখে দেয়। মুখে দিতে দিতে ভাল দ্রব্য পায়।
 সকল উপকারী ভাল বস্তু দুই প্রকারে মানবের ভাগ্যে ঘটয়াছে,—অহুসন্ধান
 ও ক্ষুধা। ক্ষুধা ছিল, তাই মানুষ বাঁচিয়াছে, অহুসন্ধান ছিল, তাই মানুষ
 ক্রমেই স্বাস্থ্য-হানিকর দ্রব্য পরিহার করিয়া সুস্থ হইতেছে। ক্ষুধা না
 থাকিলে অহুসন্ধান বা কে করে, অহুসন্ধান না করিলে আহাৰ বা কে
 পায় ? সত্য আসিবে কি ?—পৃথিবীতে যে সত্য আছে, তাহা আহাৰ

করে, এমন লোকও আর দেখা যায় না—এমনই ম্যালেরিয়ার অরুচি জন্মিয়াছে। সত্য ক্ষুধা নাই—অনুসন্ধান তাই একেবারেই নাই; যে সত্য আছে, তাহাও মিটি মিটি করিতেছে, মিটি মিটি করিতে করিতে এক এক-বার অন্তহত হইতেছে, আবার কখনও বা কোন মহাদ্বার প্রজ্জ্বলিত ক্ষুধার ইন্ধনে জলিয়া উঠিতেছে। সত্য কোথায় নাই? সত্যময় এই জগৎ,—আকাশে সত্য, পাতালে সত্য, হৃদয়ে সত্য, বাহিরে সত্য,—অনন্ত সত্য, অনন্ত ফণা বিস্তার করিয়া রহিয়াছে। দেখে বা কে, খোঁজে না কে, ধরে বা কে, আহার বা করে কে? যে জন একটা সত্য আহার করিয়া হজম করিয়াছে, সেই মনুষ্যই অল্প একটা সত্য বৃদ্ধিতে পারে,—অল্প সত্য আহারে অধিকারী হয়। আহার কেবল কথা নহে। আহারে—শোণিত, শক্তি, স্বাস্থ্য, বল, তৃপ্তি সকলই। কথার কথা লইয়া মানব ক্রীড়া করিতেছে, তুমি দূর হও। সত্য আহারে তুমি যদি রত থাকিতে, তবে তোমার তেজ দেখিতাম, সৌন্দর্য্য দেখিতাম,—অনুসন্धानে প্রবৃত্তি দেখিতাম। আহার করিয়াছ, অথচ বল পাও নাই, শাস্তি পাও নাই, আহারে আরো স্পৃহা জন্মে নাই, একথা বিশ্বাস করি না। আহার করিলে করিতে পার, কিন্তু হজম তোমার হয় নাই, অপাক জন্মিয়াছে। হজম হয় ভিতরে—চক্ষুর অদৃশ্য সেই নিভৃত কক্ষে, যেখানে চক্ষু সূর্য্যের পরাক্রম নাই—কিছুই নাই। হজম হইলে তেজ তাহার অবশুস্ভাবী ফল। যে সত্য হজম করে, সে নূতন সত্য আহার পায়। যে সত্য হজম করে, তাহার সত্য ক্ষুধা বাড়ে—বাড়েই বাড়ে। সে ক্ষুধার অস্থির হইয়া আকাশ পাতালকে তোলপাড় করিয়া তবে নূতনতর সত্য বাহির করিয়া আনিয়া খায়,—খাইয়া বাঁচে। জ্ঞানীরা পৃথিবীতে কি করিতেছেন, তোমরা কি জান'না?—আফ্রিকার ভীষণ সাহারার প্রচণ্ড রৌদ্রকে তুচ্ছ করিয়া, আটলান্টিক মহাসাগরকেও অবহেলা করিয়া, কত জ্ঞানী জ্ঞানের ক্ষুধায় অস্থির হইয়া, কত বিপদ মস্তকোঁলইতেছেন! তুমি আমি কি কিছু আবিষ্কার করিতে পারি?—পারি কি আমরা, বাঁহাদের জ্ঞানের ক্ষুধা নাই—জ্ঞানে বাঁহাদের স্পৃহা বা রুচি নাই? সত্য কে পায়?—যে সত্য হজম করিয়াছে। কত শতাব্দী গেল, চাহিয়া দেখ—ঐ শাক্যসিংহ নিরঞ্জন নদী তীরে সত্য-ক্ষুধায় বিহ্বল হইয়া কি করিয়া গিয়াছেন! সত্য নাই এ কথা বল? মুখ তুলিয়া দৃষ্টিকে বহু শতাব্দীর পশ্চাতে লইয়া যাও, খ্রীষ্ট, চৈতন্য, নারদ, শাক্য কি করিতেছেন, দেখ। সত্য-পিপাসী সত্যকে

হজম করিয়া যাই বলিলেন—“অনন্ত সত্য-সিদ্ধ, ক্ষুধায় কি আমরা মরিব ? সত্য দেও, সত্য দেও, সত্য দেও,” এই কথা বলিতে না বলিতে চতুর্দিক হইতে শত ধারে, সহস্র ধারে বর্ষিত হইয়া সত্য নামিল, সত্য বজ্রা হইল, সত্য-প্রাণে দেশ ভাসিয়া গেল । আকাশ হইতে সত্য নামিল, বৃক্ষ বৃক্ষ বিদারণ করিয়া লুকাইত সত্য প্রদান করিল, পর্বত ভয়ে অস্থির হইয়া বুক চিরিয়া গুপ্ত সত্য বাহির করিল । পাখী গাইল, আকাশ কাঁপিল, মেদিনী ধস্তা হইল । হায়, সে দিন আজ কোথায় ? সে আহার কোথায় ? —সে ক্ষুধা কোথায় ? সে অনুসন্ধানই বা কোথায় ? আজ সময় বুঝিয়া সত্য আবার লুকাইয়া যাইতেছে,—পর্বতের গুহায়, বৃক্ষের পল্লবে, আকাশের মেঘে ; পৃথিবীর মানবাত্মার আহারকে সকলে গ্রাস করিয়া ফেলিতেছে । সত্যের স্নিগ্ধ মোহময় স্থানকে, ব্যক্তিগত মত—কলহ বিবাদে মূল সাম্প্রদায়িকতা আসিয়া গ্রাস করিতেছে । আজ মানুষ অন্ধ ;—আর সত্য দেখে না, পায় না, ধরে না । আর আসে না, যাহা ছিল তাহাও যায় । —যায়, যায়, আর থাকে না, একে একে সব নিবিল । একে একে সব মানব-চক্ষুকে কাঁকি দিয়া অদৃশ্য হইল । কে সত্যকে রাখিবে, কে ধরিবে, কে বুঝিবে ? হায়, ঐ আকাশে লুকাই, ঐ পালায় । অধর্ম, অত্যাচার, অসত্যপীড়নে সত্য যায় । অসত্য-ক্ষুধায়-বিহ্বল মানব আর সত্যকে খোঁজিয়া ধরিতে পারিল না । আজ মানব মুখে হাহাকার করিতেছে, কিন্তু প্রাণে তৃষ্ণা নাই, ক্ষুধা নাই ; এই জন্তই সত্য আসিতেছে না, বরং যাহা ছিল তাহাও যাইতেছে । আসিতেছে না, ইহার অর্থ এই—কেহ তাহা দেখিতেছে না, গোপনের ধন গোপনেই থাকিয়া যাইতেছে । পূর্বে সত্য আহার হইয়া মানবাত্মাকে পরিপোষিত করিত, এখন সে স্থানে ব্যক্তিগত মত অধিষ্ঠিত হইয়া মুখে মুখে রহিয়াছে । এমনই অকৃতি, সত্য আর গলাধঃকরণ হয় না, মুখেই থাকে । মত লইয়া এক্ষণ লোক মজিতেছে, ডুবিতেছে, কে বা আহার করে, আর কে বা হজম করে ! মত মুখের নিম্নে আর যায় না, কিসে আর জীবন রক্ষা হইবে, কিসে আর আত্মার ক্ষুধা নিবৃত্তি হইবে ? এই জন্ত বর্তমান সময়ে বোধ হইতেছে, যেন আর নূতন সত্য আসিতেছে না । একদিকে সন্দেহবাদ, অপরদিকে মতবাদ, এই দুইবাদ জোঁট করিয়া সত্যকে পরাস্ত করিয়াছে । মানবের ক্ষুধা গিয়াছে, অন্ননি স্বর্গের আহার লক্ষ্য ভুলিয়া

আবার মায়ের শুনে লুকারিত হইয়াছে। কথায় শরীর রক্ষা হয় না, আহাৰ করা চাই। মতে আত্মরক্ষা হয় না, সত্যপালন চাই। সত্যকে প্রাণের জিনিষ কে করিতে পারিয়াছে? পৃথিবীতে স্বাধীনতার বংশিরব উঠিয়াছে—অনৈক্যতা, বিভিন্নতা—বৈষম্য, সকলেই পর পর, এই ধ্বনিতে কর্ণকুহর বধির হইতেছে, কিন্তু একতার মধুরধ্বনি কোথায়? তোমার প্রাণ যে সত্যের জন্ত অস্থির, আমার প্রাণ যদি ঠিক সেই সত্যের জন্য কাতর হইত, তবে ভাই, তোমার প্রাণ আমার প্রাণে মিলিত; মিলিতই মিলিত। এক পথে হাটিলেই মিলন হয়, বিভিন্ন পথে কদাপি নহে। বৈষম্যের বংশিধ্বনি কেবলই কর্ণ পাতিয়া শুনিতেছ, চিরকাল কি তাহাই শুনিবে?—সাম্যের মধুর গীতি কি শুনিবে না? বিভিন্নতার মোহময় ফাঁদেই পড়িয়া ছটফট করিবে, একতার মধুময় জালে কি ধরা পড়িবে না? ব্যক্তিগত মতেই বিভিন্নতা—বৈষম্য, অধর্ম; সার্বভৌমিক সত্য—একতা, সাম্য, পুণ্য, ধর্ম। সত্য যখন মতকে গ্রাস করিয়া অন্নপান হইয়া উদরে যায়, তখনই মানবের জীবন বিকাশ পায়। সত্য যখন প্রাণে মিলিয়া মিশিয়া যায়—সত্যজ্ঞান, সত্যধ্যান, সত্যপান যখন হয়, তখনই মানব-জীবন বিকশিত হয়। ব্যক্তিগত মতের কথা অনেক শুনেছি, এখন জীবনের কথা শুনিতে চাই। মতের ঝগড়া অনেক করেছি, এখন সত্যকে আহাৰ করিতে চাই। জীবন মত-ম্যালেরিয়ায় বিনষ্ট হয়, সত্য আহাৰেই ক্ষুণ্ণি পায়। বাহিরে সত্য আছে কি নাই, তাতে আমার কি, যতক্ষণ তাহাতে আমার রুচি না হইবে,—যতক্ষণ আমি তাহাকে আহাৰ ও পান না করিব, ততক্ষণ আমার জীবন রক্ষা পাইবে না। মত-ম্যালেরিয়া এমনই ভয়ানক অরুচি জন্মাইয়া দিয়াছে যে, আর সত্যে রুচি নাই। তবে কি জীবন যাইবে?—তবে কি আত্মা বিনষ্ট হইবে? একটা সত্য আহাৰে প্রবৃত্তি নাই, এমন অবস্থায় অল্প সত্য কেমনে পাইব? হায়, আজ কোথায় যিশুখ্রীষ্ট, কোথায় চৈতন্য, কোথায় নানক, আর কোথায় বুদ্ধদেব? হতভাগ্য মানবসমাজকে মত-ম্যালেরিয়া গ্রাস করিয়া ক্ষুধা-মান্য জন্মাইয়া, শরীরের তেজ, কান্তি সর্বস্ব অণহরণ করিতেছে, আজ তোমরা কোথায়? তোমরা আর একবার অবতীর্ণ হও,—সত্যসিদ্ধকে লইয়া অবতীর্ণ হইয়া সত্য পান করিয়া আমাদেরকে দেখাও, তোমাদিগের জীবন্তভাবে অনুপ্রাণিত কর, আমরা ধন্য হইয়া বাই, পৃথিবী শান্তি-সুখ পাইয়া কৃতার্থ হউক। শুধু মনতে পড়িয়া আর পৃথিবী থাকিতে

পারে না। পৃথিবী চায় সত্য, পায় মত ; পৃথিবী চায় শাস্তি, পায় অশাস্তি ; পৃথিবী ভূমিত সাম্যের জন্য, পায় কেললই বৈষম্য ; মানব লালারিত একতার জন্য, ঘটে কেবলই বিচ্ছেদ। বৈষম্যের ঘোরতর আগুন জলিয়া উঠিয়াছে—মত ম্যাণেরিয়া সর্বস্ব গ্রাস করিয়া তাহাতে ইন্ধন দিতেছে,—স্বেচ্ছাচার স্বাধীনতার ভাণ করিয়া তাহাতে আহুতি দিতেছে ! কোথায় জীবন্ত সত্য, তুমি একবার অবতীর্ণ হও । প্রাণে প্রাণে মিলাও, হৃদয়ে হৃদয়ে মিলাও ! মাহুষ এক সত্যে মিলিয়া আর এক সত্যের রাজ্যে ঘাইয়া ঘনীভূত মিলন পাউক । মিলিতে মিলিতে কোটি কোটি কণ্ঠ এক হইয়া, কোটি কোটি হৃদয় মিলিয়া সার্বভৌমিক সত্যেরই জয় ঘোষণা করুক, আর তাহাতে মজুক, তাহাতে ডুবুক, তাহা লইয়া থাকুক । আমরা সকলে সত্যশাস্ত্র শিখিতে শিখিতে আরো শিখি, সত্য পাইতে পাইতে আরো পাই । সীমাবদ্ধ শাস্ত্র অসীম হউক, ক্ষুদ্র মানব প্রাণ ক্ষুদ্রত্বে আরম্ভ করিয়া অনন্তের দিকে ধাবিত হউক । কোটি ভাঙ্গিয়া সহস্র হউক, সহস্র শত, শত মিলিয়া এক হউক । সকল স্বর এক হইয়া একই সত্য প্রচার করুক, সকল হৃদয় এক হইয়া একই সত্য পান করুক । সেই ঘনীভূত মিলনের রাজ্যে—যেখানে সাম্য আছে, বৈষম্য নাই ; একতা আছে, অনৈক্যতা নাই ; স্বজন আছে, পরজন নাই ; স্নিগ্ধতা ও কোমলতা আছে, কঠোরতা নাই ;—সুখ শাস্তি আছে, বিচ্ছেদ দুঃখ নাই ; জ্ঞান আছে, অহঙ্কার নাই, স্বাধীনতা আছে স্বেচ্ছাচারিতা নাই, সেই ঘনীভূত সত্যপ্রেম রাজ্যে ঘাইবার জন্য সকলে একবার মাত দেখি, বঙ্গদেশ স্বর্গে পরিণত হয় কি না, ঘনীভূত মিলন ঘটে কি না, ঘনীভূত শাস্তি পাওয়া যায় কি না ?

ভক্ত কেশবচন্দ্র ।

পৃথিবীতে এই নিদারুণ সংবাদ প্রচারিত হইয়াছে—মহাত্মা ভক্ত কেশবচন্দ্র আর ইহ-সংসারে নাই । এই সংবাদে সমস্ত ভারতবর্ষ হাহাকার করিয়া উঠিয়াছে—আজ কোটি কোটি নর নারীর হৃদয়ের গভীর দুঃখোচ্ছাস একতানে মিলিয়া অনন্ত প্রেমের রাজ্যে সেই অমরাত্মার উদ্দেশে ছুটিয়াছে । এ দুঃখ যে দেখিল, সেও ধন্য হইল, এ চিত্র সহানুভূতির তুলিকা দ্বারা যে

হৃদয়ে অঙ্কিত করিয়া রাখিল, সেও পবিত্র হইল । ধন্য কেশব, ধন্য তোমার জীবন ;—তোমার ন্যায় স্বর্গীয় জীবন এই প্রেমভক্তিহীন বঙ্গে আর কে পাইয়াছে ?

সাময়িক ইতিহাস লিখিয়াছে—কেশব মরিয়াছে ; অনন্ত প্রেমভক্তির ইতিহাস লিখিতেছে—কেশব এই মাত্র জন্মগ্রহণ করিলেন । মহুষ্যের অনন্ত জীবনের তুলনায় পার্থিব জীবন জরায়ু-গর্ভে স্থিতিমাত্র,—মৃত্যু সংসারীর চক্ষে মৃত্যু,—বিশ্বাসীর চক্ষে মৃত্যু প্রকৃত জীবন লাভ । বিশ্বাস বলে আজ ভক্তজগৎ কেশবকে অন্তর চক্ষুর সম্মুখে দেখিতেছে,—নচেৎ তাঁহাদের হাহাকারে আজ গগন বিদীর্ণ হইত,—চতুর্দিক আঁধার আঁধার বোধ হইত,—লোক-সমাজ আজ শ্মশান-বৈরাগ্যের মন্ত্রে দীক্ষিত হইত ;—এ বিচ্ছেদ আজ আর সহ্য হইত না । কেশব মানবের যে চক্ষুর নিকট ফুটিলেন, এ চক্ষুর জ্যোতি আর কখনও নিস্তেজ হইবে না,—অনন্তকাল মানবের এ চক্ষু তাঁহাকে দেখিবে—তাঁহার ছায়া ধরিবে—তাঁহাকে বাধিয়া রাখিবে । পৃথিবীর যে চক্ষু দুদিন পরে অন্ধ হয়—সে চক্ষুর রাজ্য কেশব অতিক্রম করিয়াছেন । পৃথিবীর জল বায়ু সে শরীরের উপর আর ক্ষমতা বিস্তার করে না বলিয়া বাঁহারা কেশবকে মৃত বলিতেছেন, তাঁহারা আজও সংসার-ধূলি-খেলায় মত্ত রহিয়াছেন । তাঁহারা আজ পৃথিবীর সকলি দেখিতেছেন,—সেই পূর্বের জাগতিক শোভা—বৃক্ষের ফুটন্ত ফুল—সেই সৌরভ, সেই সুশীতল বায়ু, সেই সুমিষ্ট চন্দ্রমার রশ্মি, সেই নীলিমায় আকাশের নক্ষত্র—সেই পক্ষীর কলকণ্ঠের মধুর মধুর ধ্বনি—সেই আমোদ—সেই উৎসাহ—সেই গীতি—সেই সকলি তাঁহাদের সম্মুখে রহিয়াছে ; কিন্তু একজন আজ তাঁহাদের নিকটে নাই । নাই—শিক্ষার আদর্শ, প্রকৃত ভক্ত কেশবচন্দ্র । এ কষ্ট আজ তাঁহাদের নিকট অসহ্য—এ বিচ্ছেদ যন্ত্রণার তাঁহারা আজ মৃতবৎ । কিন্তু যোগীগণ—প্রকৃত বিশ্বাসীগণ আজ কেশবের নূতন জীবনের নব ছায়া দেখিয়া গভীর শোকরশ্মির তিতরে গভীরতম আনন্দ অনুভব করিতেছেন । স্বীয় স্বীয় অভাব অরণে তাঁহারা কাঁদিলেন, হাহাকার করিলেন বটে, কিন্তু প্রকৃত ভক্তির যোগবলে ভক্তের নবজীবনের নবভাবে তাঁহারা অনুপ্রাণিত হইয়া ঐ ক্রন্দনের সময়ে আবার হাসিলেন, আবার উল্লসিত হইলেন । এ দুঃখ দেখিল পৃথিবী কাঁহার মৃত্যুতে ?—ইতিহাস অবিনশ্বর অক্ষরে লিখিল—কেশবের মৃত্যুতে । কেশব পৃথিবীতে মরিলেন, নূতন শিক্ষা দিতে—

নবজীবন লাভ করিতে। একথা ষাঁহারা স্বীকার করিল, বিশ্বাস করিল—
 তাঁহারা আজ সংসারে থাকিয়াও যোগ-বলে সংসারের অতীত স্থানের অস্তিত্ব
 প্রত্যক্ষ অনুভব করিয়া হাসিল—শান্তি পাইল,—কেশবের হাসিতে তাঁহা-
 দের হাসি অলঙ্কিত ভাবে মিশিল। কিন্তু এ প্রকার বোগীর সংখ্যা নিতান্ত
 অল্প। আমরা মৃত্তিকার জীব কাদিয়া আজ অস্থির হইতেছি। কেশব
 সংসার মৃত্যুর ভয়রাশির ভিতর হইতে পুনঃ জন্মলাভ করিয়া অনন্ত জীবনের
 অনন্ত পথে অনন্ত দেবতার উদ্দেশে ছুটিলেন; পৃথিবী এ ভাব না বুঝিয়া
 কোটা কোটা বৎসর ক্রন্দন করিলেও আর সেই মহাত্মা ফিরিবেন না—এই
 শোক-সন্তপ্ত, প্রলোভন-প্রপীড়িত—পাপবিভীষিকা-ময় পৃথিবীর চক্ষু চক্ষের
 দৃষ্টির অধীন হইবেন না। সেই প্রশান্ত গুণ্ডীর মূর্তি—সেই ভক্তি বিশ্বাসের
 অলঙ্কার, জীবন্ত, প্রত্যক্ষ ছবি—সুন্দর হইতে সুন্দরতম বিস্ফারিত লোচন, সেই
 প্রস্তুত অমৃতবর্ষী সুকোমল বদন, আর পৃথিবীর চক্ষু দেখিবে না—পৃথি-
 বীর বাকু স্পর্শ করিবে না, পৃথিবীর স্নহ সম্পদ আকর্ষণ করিতে পারিবে
 না। তবে যাও, কেশব, অনন্তধামে—যেখানে স্বার্থ নাই—পুণ্যে
 মলিনতা নাই—বিচারে কলঙ্ক নাই। এই পাপবিষাক্ত বঙ্গে এমন কি
 পদার্থ আছে যে, তোমা হেন রত্নকে ক্রোড়ে রাখিয়া জীবনকে সার্থক
 করিতে সমর্থ হইবে?—এই মলিন বঙ্গে তোমার উপযুক্ত স্থান নাই!—অনন্ত
 উন্নতির পিপাসা বিধাতা তোমার অন্তরে ঢালিয়া দিয়া তোমাকে কেন
 এমন সঙ্কীর্ণ ক্ষুদ্র সংসার-পিঞ্জরে আবদ্ধ করিয়া রাখিবেন,—যেখানে তোমার
 মন ক্রীড়ার বস্তু পায় না, হৃদয় অবলম্বন পায় না—যেখানে সমভূমী সম-
 স্রবী সহায় মিলে না—ধর্মপথের প্রকৃত ভক্ত বিশ্বাসী বন্ধু পাওয়া যায় না?
 তুমি থাকিতে চাও নাই, তাই বিধাতা তোমাকে রাখিলেন না, তাই মৃত্যুর
 ভিতর দিয়া অনন্ত উন্নতির জীবন্ত-পথে তোমাকে লইলেন! তুমি ধন্ত
 হইলে! ঈশ্বরের ইচ্ছা পূর্ণ হইল! আর হতভাগ্য ভারতবর্ষ?—আর হত-
 ভাগ্য পৃথিবী?—তোমাকে হারাইয়া কাদিল, অধীর হইল। পৃথিবী
 কাদিবে না কেন?—তোমার স্বার্থ অরণ্যে আমাদের স্বার্থ চিন্তা আরো
 প্রজ্জ্বলিত হয়, তোমার উন্নতিতে আমাদের উন্নতির আশা আরো জাগিয়া
 উঠে। তুমি স্বার্থের পথে, উন্নতির পথে চলিলে, তাহাতে আমাদের স্বার্থে
 যে কষ্টক পড়িল, তাহা কি তুমি বুঝিতে পার নাই? এই অভক্ত, অবিদ্বান,
 এই অপ্রেমিক বন্ধ তোমার নিকট বিশ্বাস, ভক্তি ও প্রেম শিখিতে চাহিয়া-

ছিল,—আমরা তোমার মুখের দিকে চাহিয়া অবিস্থান ও নাস্তিকতাকে অগমিত ভাবে পরাজয় করিতেছিলাম, বঙ্গ কৃতার্থ হইতেছিল, ভারতবর্ষ প্রকৃত জীবন পাইয়া মাতিয়া উঠিতেছিল। তুমি বঙ্গের একমাত্র আশা ভরসা ছিলে। ভারতের সুসন্তান! তোমার দিকে চাহিয়া সহস্র সহস্র নরনারী ধর্ম পথে অগ্রসর হইতেছিল। তোমার কথায়, তোমার ভাবে, তোমার জীবন্ত দৃষ্টান্তে সকলের প্রাণের ভিতরে এক আশ্চর্য্য ভাবতরঙ্গ খেলিতেছিল। তুমি কত জনের হৃদয় মন অধিকার করিয়াছিলে, তাহার গণনা কে করিতে পারে? বঙ্গের সুসন্তান, তুমি বঙ্গকে কাঁদাইয়া,—ভারতকে মলিন করিয়া আপনার পথে মায়ের আদেশে চলিলে, ভক্ত সন্তানের পরিচয় দিলে;—আমরা হতভাগ্য, অভক্ত, অবিস্থাসী, তোমার জন্য আজ হাহাকার করি, শূন্য হৃদয় লইয়া কাঁদিয়া কাঁদিয়া ফিরি! তুমি যাও অনন্ত ধামে, সেখানে মায়ের ক্রোড়ে সুখে থাক,—শান্তির অধিকারী হও।

কেশবচন্দ্র কে, কেশবচন্দ্র কি ছিলেন, এই বিষয় লইয়া দিন কয়েক খুব আন্দোলন চলিয়াছিল। কেহ বলিলেন—তিনি উচ্চ বংশে উচ্চ পিতার গুণসে জন্মিয়াছিলেন—সৎ বংশের সৎ সন্তান। কেহ বলিলেন, তিনি জ্ঞানী, প্রতিভাশালী ছিলেন। কেহ বলিলেন, তিনি তর্ক শাস্ত্র জানিতেন না—বিজ্ঞান জানিতেন না। কেহ বলিলেন, কেশব অহঙ্কারী ছিলেন, ধার্মিক ছিলেন না। কেহ বা মৃত্যুর পূর্ব্বের জালা যন্ত্রণার চিত্র দেখাইয়া জগৎকে বুঝাইতে চেষ্টা করিলেন, তিনি অবিস্থাসী ছিলেন। কেহ বলিলেন, কেশবের স্থায় ভাল বক্তা আর নাই; কেহ বলিলেন—এমন বুদ্ধিমান আর হইবে না। কেহ বা তাঁহার সৎসাহসের পরিচয় দিলেন, কেহ বা সংস্কারক বলিলেন। তিনি জীবনে যে সকল কার্য্য করিয়াছিলেন, তাহার তালিকা দিয়া কেহ বা কেশবকে বড় লোক বলিলেন। এই দেশে এরূপ হওয়াই সম্ভব। কেশব কে, তিনি কি ছিলেন, তাহা বুঝিতে পৃথিবীর এখনও শত শত বৎসর বাকী আছে। যে কার্য্যের উপাসক, সে কার্য্যের ভিতর দিয়াই কেশবকে চিনিয়াছে, কেশবের অন্ত গুণ জানা তাহার পক্ষে অসম্ভব। যে জ্ঞানের উপাসক, সে জ্ঞানের রাজ্যে কেবল কেশবকে দেখিয়াছে, অন্ত কোন গুণ জানা তাহার পক্ষে অসম্ভব। এই প্রকার মামব সমাজের কত লোক কত নূতন নূতন চক্ষে কেশবকে দেখিতেছেন। পবিত্রাত্মার কেশবকে এক দিকে পবিত্র বলিতেছে, পাপীরা অপর দিকে কেশ-

বের দোষের উল্লেখ করিয়া চরিত্রের দোষ ঘোষণা করিতেছে। ইহাই সম্ভব। কেশব প্রকৃত পক্ষে কি ছিলেন, তাহা জানিতে পৃথিবীর এখনও অনেক দিন লাগিবে। আমরা যদি কেশবচন্দ্রের কোন গুণ বর্ণনা করিতে প্রবৃত্ত হই, তবে তাহাও এই কারণে একদেশদর্শী হইবে, সমুচিত হইবে না। যে যেমন লোক, সে অন্তরে তাহার অতিরিক্ত কিছুই জানিতে বা বুঝিতে পারে না। আমাদের এমন শক্তি নাই যে, সেই পরলোকগত মহাত্মার গুণ-কীর্তন করিয়া তাঁহাকে প্রকৃত ভাবে জগতের নিকট উপস্থিত করিতে পারি। আমরা এবশ্বকার চেষ্টার অধিকারী কি না, এক মাত্র বিশ্বনিয়ন্তাই জানেন। উপকারী বন্ধুর প্রতি কৃতজ্ঞতা অর্পণ করা মানবের ধর্ম, সেই ধর্মের অহুরোধে আমরা ঈশ্বরকে স্মরণ করিয়াই আমাদের কর্তব্য পালনে বিরত থাকিলাম না। ইচ্ছাময়ের ইচ্ছা পূর্ণ হউক।

কেশবচন্দ্র কেবল যদি সংসারের লোক হইতেন, তবে আজ আমরা তাঁহার কথা লইয়া এত সময় বুঝা ব্যয় করিতাম না। কেশবচন্দ্র সংসারের অতীত জীব ছিলেন—প্রকৃত ঈশ্বর-বিশ্বাসী ভক্ত ছিলেন। এই জন্যই তাঁহাকে আমরা শ্রদ্ধা করি, তাঁহাকে বন্ধের গৌরব মনে করি। পৃথিবীতে জ্ঞানী অনেক আছেন, বক্তা অনেক আছেন, দার্শনিক পণ্ডিত অনেক আছেন, প্রকৃত ভক্তের সংখ্যা নিতান্ত অল্প। জ্ঞানে ভারত একদিন পৃথিবীর শীর্ষ স্থান অধিকার করিয়াছিলেন, এ কথাতে হয় ত কাহারও সন্দেহ থাকিলে থাকিতে পারে, কিন্তু ভক্তি বিশ্বাসে ভারত শ্রেষ্ঠ, ইহাতে আর কাহারও সন্দেহ নাই। কেশবচন্দ্র ভক্ত প্রধান ভারতের ভক্ত সন্তান। ভক্তি বিশ্বাস বাদ দিলে, পৃথিবীতে কেশবের সমতুল্য লোক আজ অনেক দেখিতে পাওয়া যাইতে পারে, কিন্তু এমন ভক্ত বিশ্বাসী আর কয়টা আছে, আমরা জানি না। ভারতের এক মাত্র সম্পত্তি ভক্তিতে কেশবের আর সমস্ত গুণ মিশ্রিত থাকায় কেশবকে আজ পৃথিবীর মধ্যে সর্বোচ্চ স্থান দিতে কেহই কুষ্ঠিত নহেন। কেশব বোগী, কেশব ভক্ত, এই জন্য আমরা কেশবকে এত সম্মান করি, এত আদর করি—বুঝি না, বুঝিতে পারি না, তবুও প্রাণের ভিতরে কেশবকে পুরিয়া রাখিতে ইচ্ছা হয়। কেশবের ভক্তি বিশ্বাস প্রত্যক্ষ ভাবে বুঝিতে পৃথিবীর আরো অনেক সময় লাগিবে। কথার বুঝা আর প্রত্যক্ষ করা, এক কথা নহে। কেশব যে পথের পথিক ছিলেন, আমরা যে পরিমাণে সেই পথে অগ্রসর হইতে পারিব, সেই পরিমাণে তাঁহাকে বুঝিতে পারিব। কত দিন আসিবে,

কত দিন যাইবে, তবে কেশবকে মানবজাতি প্রকৃতভাবে চিনিতে পারিবে। অভক্ত অবিখ্যাসী সংসার কেশবের যে চিত্র অঙ্কিত করিয়াছে, ঐ চিত্র কেশবের প্রকৃত চিত্র নহে, উহা ধূলির জিনিষ, মৃত্তিকায় মিশিবার উপযুক্ত,—উহা কেশবের নশ্বর শরীরের সহিত চিত্তীয় ভস্মীভূত হইয়াছে। কেশবের জীবন যাহা, প্রাণ যাহা, তাহা ঐ চিত্তার ভস্ম হইতে সংস্কৃত হইয়া বাহির হইয়া আসিবে। কেশবের ভক্তি, জলন্ত বিশ্বাস, অবিনশ্বর অক্ষরে পৃথিবীর ইতিহাসে, মানবের হৃদয়ে লিখিত থাকিবে। কেশব পৃথিবীর ভক্ত সাধক শ্রেণীর মধ্যে আসন পাইয়াছেন। কেশবকে যদি কেহ জানিতে ইচ্ছা করেন, ঐ ভক্তির ভিতর দিয়া যাইতে হইবে। কেশবের কথায় ভক্তি, দৃষ্টিতে ভক্তি, হৃদয়ে ভক্তি—জীবন ভক্তিময়। ভক্তিতে আরম্ভ, ভক্তিতে কেশবের শেষ—ষোড়শ বৎসরের শিশু কঠোর নীতির কষাঘাতে হৃদয় মনকে মাজিয়া যে ভক্তির জলন্ত কথা লিখিয়া রাখিয়াছিল, সেই ভক্তি জীবনের শেষ কথায় ক্ষুরিত,—“মা, আমার দ্বারা এই পর্য্যন্ত হইল”। কেশব পৃথিবীতে এমন অতি অল্প কথা বলিয়াছেন, যাহাতে ভক্তির লেশ মাত্র নাই। ভক্তের জীবন পাঠ, ভক্ত সহবাস লাভ, ভক্তি ব্রত, ভক্তি ধ্যান, ভক্তিই কেশবের একমাত্র সম্পত্তি ছিল। ভক্তবৎসল হরির নাম কেশবের একমাত্র সম্বল ছিল। ধ্যানে হরি, চিন্তায় হরি, কথায় হরি, স্মৃতি হরি, সম্পদে হরি;—হরিকে লইয়া কেশব। হরি বাদে কেশব অসার মৃত্তিকার জীব, অকিঞ্চিৎকর—অনাদরের। হরিকে ভুলিয়া কেশব পৃথিবীতে যে কথা বলিয়া গিয়াছেন, তাহা লইয়া কত বিবাদ বিসম্বাদ হইয়া গিয়াছে, তাহা মাটির জিনিষ মাটিতে মিশিয়া গিয়াছে,—লোক সে কথাকে তুণের জ্বায় উপেক্ষা করিয়াছে। হরিকে ভুলিয়া কেশব জগতে যে কার্য্য করিয়া গিয়াছেন, তাহার অস্তিত্ব বায়ুতে বিলীন হইয়া গিয়াছে, পৃথিবীর ঘুণার জিনিষ হইয়াছে। মানুষ দেবতা, মানুষ পশু। ঈশ্বর ভক্তিতে মানুষ দেবতা, ঈশ্বর অবিখ্যাসে মানুষ পশু। হরিকে সম্মুখে রাখিয়া, অন্তরে রাখিয়া, প্রাণে উপলব্ধি করিয়া কেশব যে কার্য্যের সূত্রপাত করিয়া গিয়াছেন, তাহা চিরকাল মানবের পূজা পাইবে, চিরকাল মানবের কল্যানসাধন করিবে। হরিকে প্রাণে উপলব্ধি করিয়া কেশব যখন যে কথা বলিয়াছেন, তখন সে কথা চকিত হইয়া উৰ্দ্ধ্বকর্ণে পৃথিবী শুনিয়াছে,—সে স্বর, সে মধুর কথা মানব রাজ্যের চিরসম্পত্তি হইয়া রহিয়াছে, লোক-সমাজ কখনও তাহা ভুলিতে পারিবে না,—ভুলিবে

না। হরি ভিন্ন কেশব আধার, ভক্তি ভিন্ন কেশব মুক্তিকার জীব—অসার। কেশবের জীবনে হরি, মৃত্যুতে হরি। হরির নাম প্রচারের জন্ত কেশবের জন্ম, হরির ইচ্ছা পূর্ণ করিবার জন্ত কেশবের মৃত্যু। তাঁহারই ইচ্ছিতে কেশবের জন্ম, তাঁহারই ইচ্ছায় কেশবের অপসরণ। তিনিই সব, তাঁহারই রাজ্য। তাঁহারই ভক্ত কেশব, তাই কেশব আদরের; তাঁহারই এই সংসার, তাই সংসার আদরের। হরিকে বাদ দিয়া যে জন কেশবের দিকে চাহিবে, সে প্রতারিত হইবে, প্রকৃত কেশবচরিত্র সে দেখিতে পাইবে না। হরির ভিতর দিয়া না চাহিয়া অল্প দিক দিয়া যাঁহারা কেশবের সহিত পরিচিত হইবেন, তাঁহারা হয় কেশবকে হরি জানে পূজা করিবেন, না হয় পশুর ন্যায় অবহেলার চক্ষে দেখিবেন। হরির ভিতর দিয়া যাঁহারা দেখিবেন, তাঁহারা হরিভক্ত কেশবকে উপযুক্তরূপে চিনিতে পারিবেন; তাঁহারা তাঁহার নিকট শিখিবার অনেক জিনিষ পাইবেন বটে, কিন্তু কখনও ঈশ্বর জানে পূজা করিবেন না। দীনবন্ধু দয়ালহরি, এই করুণ, আমরা তাঁহার ভিতর দিয়া তাঁহার ভক্ত সন্তানের প্রকৃত জীবন-সৌন্দর্য্য দেখিয়া কৃতার্থ হই। কেশবের মৃত্যু-স্মরণে জগৎ নূতন শিক্ষা লাভ করুক।

মহাতীর্থ দর্শন ।

পূর্বে ছিল এই কথা,—তীর্থ হইতেও যাত্রী দেশে ফিরিয়া আসিয়া থাকে; এখন শুনা যাইতেছে, আর একটা নূতন কথা—যাহার তীর্থ দর্শন হয়, সে আর স্বশরীরে ফিরিয়া দেশে আগমন করে না। পূর্বে যে, তীর্থ দর্শনপিপাসু মানবগণকে ভালবাসার কোল দিয়া বিদায় করিয়া দিত—শত্রুরাও মিত্রতা করিয়া বাড়ীতে বাড়ীতে তীর্থার্থীকে আহ্বান করিয়া ভোজনাদি করাইত, তাহার প্রকৃত কারণ এই, মনে মনে সকলের ধারণা থাকিত, আবার কিম্বদ্বিষ পরে, তীর্থার্থী ফিরিয়া আসিলে ষোলআনা ফিরাইয়া পাওয়া যাইবে। রেলগাড়ী হইবার পূর্বে পথকটে, কখনও বা রোগে কোন কোন যাত্রীর প্রাণ বিয়োগ হইত, সেই জন্তে কেহ কেহ বা বিদায়ের কালে, বিপদ কল্পনা করিয়া একটু আখটুক চক্ষের জলও ফেলিত, কিন্তু সে অনেক দিনের কথা,—এখন রেল ভারতের প্রায় সকল তীর্থস্থান ছাইয়া ফেলিয়াছে; এখন আর ভয়

নাই, ভাবনা নাই,—তীর্থে যেমন যাওয়া, অমনি ফিরিয়া আসা । পূর্বে, ভারতের ধর্মযুগে, তীর্থ হইতে মানুষ ফিরিত, না একেবারে শরীরকে তীর্থে ভাসাইয়া দিত, সে সময়ে আমাদের স্পষ্ট কোন জ্ঞান নাই । সে সময়ে লোক ফিরিত কি না ফিরিত, তাহা জানি না । আমাদের সময়ে, সেই কুটন্ত বাল্যকালে দেখিয়াছি—তীর্থে লোক যাইতেছে, আবার আসিতেছে, কোন পরিবর্তন নাই—কোন কিছুই নাই । আজ কাল একটা নূতন রাষ্ট্রের একটা নূতন তীর্থের কথা শুনিতেছি । শুনিতেছি, সে তীর্থে যাইয়া যে দেব-দর্শন পায়, সে আর ফেরে না । যে গেল, সেই শরীর ভাসাইল । কোথায় সেই তীর্থ, সেখানে যাইতে সকলেরই অধিকার আছে কি না, সকলই বলিতেছি ।

সংসার-ক্রীড়ালয়ে আমরা সকলেই এক একটা খেলা লইয়া রহিয়াছি । কেন খেলিতেছি, খেলার পরিণাম কি, কিছুই জানি না, শুধুই খেলিতেছি । খেলার উদ্দেশ্য ও পরিণাম জানিলে বোধ হয় মানুষ এমনি করিয়া খেলিত না । রূপের বাজারের রূপ দেখিয়া মোহিত হইতেছি, জ্ঞানের বাজারে জ্ঞান বিকাশের অস্পষ্ট ছবিতে মুগ্ধ হইতেছি । কে শিখাইল, কেন শিখাইল, জানি না ; কিন্তু দেখিলাম, মায়ের কোল হইতে নামিয়া কেবলই ভাল বাসিলাম । কে করিল, কেন করাইল, জানি না, কিন্তু বড় হইয়া বুঝিলাম, পৃথিবীতে আসিয়া কেবলই শিখিলাম । পৃথিবী কত করিয়া শিখাইল । হৃদয়ে হৃদয় ভালবাসার ভেজ, মনে বাসনার দারুণ হতাশন, মস্তিষ্কে বৈচিত্র্যময়ী জ্ঞান ক্রমেই যেন জলিয়া উঠিল । মানুষ কি ছিল, কি হইল ! প্রেম বল, পুণ্য বল, নীতি বল, ধর্ম বল, জ্ঞান বল, বিজ্ঞান বল, শক্তি বল, শোভা বল, সকলই ক্রমে হৃদয়ে ধারণা হইল । কেমন করিয়া হইল ? তোমরা বাহাই বল না কেন, আমি জানি, আমি বলি, একটু একটু করিয়া, ক্রম অনুসারে ধারণা হইল । বুদ্ধি একটু একটু করিয়া বিকাশ পাইল, মস্তিষ্ক একটু একটু করিয়া বড় হইল । হৃদয় এক একটু করিয়া বিস্তৃত হইল । অনন্ত শক্তি, অনন্ত দয়া, অনন্ত প্রেম, অনন্ত জ্ঞান বুঝিয়া পরে ক্ষুদ্র শক্তিতে, ক্ষুদ্র প্রেমে, ক্ষুদ্র জ্ঞানে অবতীর্ণ হইয়াছ ?—হইতে পার ?—না—তা কখনই পার না । কেন, তা বলিতেছি । ক্ষুদ্র হইয়া আমাদের আরম্ভ—বালুকণা অপেক্ষাও ক্ষুদ্র হইয়া মানুষ জন্মিয়াছিল । সেই মানুষ কালে বড় হইল, কালে আরো বড় হইবে । জ্ঞান পূর্বে ছিল না, এখন একটু হইয়াছে, পরে আরো হইবে । শক্তি, ভেজ, ধর্ম, কর্ম, প্রেম পুণ্য, এক দিন এ সকলের অক্ষুর তিল আর কিছুই ছিল

না । ক্রমে একটু পাইতেছি, কালে আরো পাইব । জরায়ু গর্ভে যখন ছিলাম, তখন হইতে এখন বড় হইরাছি, অনন্ত জীবনে আরো কত বড় হইব । তখন যাহা বুঝিতাম না, এখন তাহা বুঝি, আবার এখন যাহা বুঝি না, অনন্ত কালের পথে হাটিয়া তাহা বুঝিব । তুমি বল, তখন যাহা, এখনও তাহা, অনন্ত কালেও তাহাই ?—ভুল কথা—কল্পনার কথা । তুমি বল, তখনও অনন্তের ভিত্তর দিয়া ক্ষুদ্রত্বে অবতরণ করা যায়, এখনও যায়, পরেও যায় ; এ অসম্ভব কথা । ঐ যে জ্ঞানের বিকাশ, ঐ যে শরীরের বিকাশ, এ সকলই ক্রমের অধীন । প্রথমে একটু, পরে অনেক । লোক যখন অনেক পায়, তখন একটুতে আর ফেরে না, তখন একটু আর চায় না । একটু সুখ পাইলে আরো সুখ পাইতে, একটু জ্ঞান পাওয়ার পর আরো জ্ঞান পাইতে ইচ্ছা হয় ; কিন্তু অনেক সুখ পাইয়া একটু সুখে, অনেক জ্ঞান পাইয়া ক্ষুদ্র জ্ঞানে আসিতে কে সম্মত হয় ? এই জন্তই দেখি, বালকের যৌবনে পদার্পণ করিতে ইচ্ছা হয়, শিশুত্বে নহে ; যুবকের বার্ক্কো উপনীত হইতে সাধ, বালকত্বে নহে ; অতি বৃদ্ধের মরণে সাধ, জীবন ধারণে নহে । বালকের জ্ঞান, বালকের শক্তি, বালকের প্রেম লইয়া কে কবে অনন্তকাল থাকিতে বাসনা করিয়াছে ?—অনন্তের দিকে অবিরত মানব প্রাণ ছুটিয়াছে—বিশ্রাম নাই, বিরাম নাই । ভিতর গমন, বাহির গমনের অর্থ বুঝি না—কেবল এই বুঝি, এই সংসারেই থাকিতে হইবে—অনন্ততীরের পথে হাঁটিবার জন্ত । এই শরীর, এই হস্ত, এই পদ, এই ইন্দ্রিয় সকল, ঐ আকাশ, এই পাতাল, ঐ চক্ষু স্বৰ্ঘ্য নক্ষত্র, এই পৃথিবী—এই জল বায়ু, এই সকলের ভিতর দিয়াই যাইতে হইবে । কোথায় ?—ঐ অনন্ত মহাতীরে । মানব-জগৎ বুঝুক বা না বুঝুক, অবিরত সকলে এই মহাতীরের দিকেই ছুটিতেছে । পাখী কলকণ্ঠ বাজাইয়া গান গায়, ফুল হাসিয়া হাসিয়া অধীর হয় ; মেঘ ঝরে, বায়ু প্রবাহিত হয়, পৃথিবী নাচে, আকাশ হাসে,—যাত্রীদিগকে কেবল ঐ মহাতীরে আহ্বান করিবার জন্ত । চাহিয়া দেখ, এ রাজ্যে কত দালাল পথিকদিগকে তোষিতেছে ; দিনে দিনে, ক্ষণে ক্ষণে, পলে পলে কত সুখই দিতেছে । সুখ দিতেছে, কিন্তু তৃষ্ণা মিটিতেছে না, আরো যাইতে ইচ্ছা হইতেছে, মানুষ আরো যাইতেছে । মানুষ, তুমি কোথায় পলায়ন করিবে ?—পৃথিবীতে বা আকাশে এখন স্থান নাই, যেখানে এই দালালের দল বিদ্যমান নাই । ইন্দ্রিয় নিগ্রহ করিতেছ, মানুষ, সংসারকে ভুলিবার জন্ত ?

—অসম্ভব, তাহা পারিবে না। ইন্দ্ৰিয় থাকিবে, সংসার থাকিবে, তবে মহাতীর্থে যাওয়া যাইবে। এই সকল দালালেরাই পথ দেখাইয়া লইয়া যাইবে। এই যে মহাতীর্থের উদ্দেশ্যে মানব ছুটিতেছে—বাধা নাই, বিশ্রাম নাই, অবিরত ছুটিতেছে; কাহার ভাগ্যে কতদিন পরে দেবদর্শন—মহাতীর্থ দর্শন হইবে, জানি না। কেহ দশ বৎসর, কেহ পঞ্চাশ বৎসর, কেবলই হাঁটিতেছে, অথচ তীর্থ মিলিতেছে না, তীর্থের ধারেও পৌছিতে পারিতেছে না। কত রোগ, কত শোক, কত জালা, কত যন্ত্রণা, কত মায়া, কত মোহ, কত পাপ, কত তাপ আসিয়া পথিকদিগকে অধীনস্থ স্বীকার করাইয়া খাটাইয়া লইতেছে। যে এক বৎসরে যাইত, তাহার দশ বৎসর লাগিতেছে, যে দশ বৎসরে যাইত, তাহার পঞ্চাশ বৎসর লাগিতেছে—কাহারও বা স্বশরীরে আর তীর্থদর্শন হইতেছে না—দালাল সকল পলাইয়া যাইতেছে, তীর্থের স্বামী যাত্রীদিগের বিপদ দেখিয়া টানিয়া কোন্ অদৃষ্ট স্থানে লইয়া যাইতেছেন। যত দিনেই হউক, তীর্থ মিলিবেই মিলিবে, এই আশ্বাসে যাত্রীদল তবুও অবিরত চলিতেছে। চলিতেই হইবে, কারণ অনন্ত বিশ্রাম, অনন্ত পথ-ভুলার রোগ নাই। সংসার-সরাইখানায় বসিয়া সময়ে সময়ে ক্লাস্তি দূর করিতেছে, আবার হাঁটিতেছে। এই যে যাত্রীকের দল মহাতীর্থান্বেষণে চলিতেছে, ইহাদিগকে কেহই চিরকালের জন্ত ফিরাইয়া আনিতে পারে না—মহাতীর্থ না দেখিয়া আর ইহারা ফিরিবে না। আমরা সকলেই যাত্রা করিয়াছি, চলিতেছি। মাতার ভালবাসার জোড় কতক দূর অগ্রসর করিয়া দিয়াছে—বাল্যসহচরেরা কতক দূর—এখন সংসারে কত কত দালাল জুটিয়া লইয়া যাইতেছে। সংসারের লোকেরা বলে, তীর্থদর্শন হইলে আবার মনুষ্যসন্তান ফিরিবে। সংসারের লোকেরা বলে, পদ্মপলাশলোচন হরির সাক্ষাৎ লাভ করিয়া ঐব আবার সংসারে আসিয়াছিল। এ সকল ভুল কথা। হরির সাক্ষাৎ লাভ করিয়া পূর্বের সে ঐব আর ফেরে নাই। কি অসার তর্ক করিতে আসিতেছ, কুতর্কিক দূর হও, তীর্থে যাইয়া যে মানুষ দর্শন পায়, সে মানুষ আবার ফিরিতে পারে? অসম্ভব কথা। যে তীর্থে যাইয়া মানুষ আবার পুরাতন তনু লইয়া ফিরিয়া আইসে, সে সংসারের ধুলির তীর্থ, পাপের খেলা, কুসংস্কারের লীলাক্ষেত্র, তাহার কথা এখানে তুলিও না। যে তীর্থের কথা বলিতেছি, সে মহাতীর্থ দর্শন হইলে, পুরাতন তনু নতন হইয়া যায়—পুরাতন সকলই চলিয়া যায়। মহাতীর্থ কি?—অনন্ত প্রেম

বজ্রা সেখানে প্রবাহিত, অনন্ত জ্ঞান অবিরত ছুটিতেছে, অনন্ত পুণ্য, অনন্ত শান্তি,—অনন্ত সুখা কেবলই সেখানে। সকল মিলিত হইয়া এক মহাবজ্রের সৃষ্টি করিয়াছে। সে বজ্রের প্রজ্বলিত হতাশনে, পাপ, লোভ, কাম ক্রোধ, অশান্তি অধর্ম, মলিনতা, অপ্রেম, কুজ্ঞান সকল ভস্মীভূত হইতেছে। মহা-তীর্থে দলে দলে যাত্রী সকল যাই উপস্থিত হইতেছে, অমনি পরিবর্তন হইতেছে। গেল মাটি লইয়া, হইল সোণা ;—আর পূর্বের সে বেশ নাই, আর সে ভূষা নাই, আর সে কিছুই নাই। সংসারের ধুলির মলিন হর্গন্ধ-যুক্ত বসন ভূষণ সেই আশুনের সংস্পর্শ মাত্র দগ্ধ হইয়া গেল। সনাতনী তনু পাইয়া সকলে নাচিল, সকলে গাইল। অনন্ত প্রেমের ছবি, অনন্ত জ্ঞানের ছবি দেখিতে দেখিতে মানুষ অবাক হইয়া কেবলই ধ্যানে মননে প্রবৃত্ত হইল। সে দৃশ্য বর্ণনা করিতেই বা কে পারে, সে কীর্তি বিধোষিত করাই বা কাহার সাধ্য ঘটে! তীর্থদর্শন করিয়া মানুষ কোথায় গেল?—সংসারে ফিরিল?—সে মানুষ আর সংসারের ধার ধারিল না। জীর্ণ মলিন শরীর বখন সনাতনী তনু পাইল, তখন আর সংসারে, এই আমরা যে সংসারে আছি, এ সংসারে আর সে ফিরিল না। সে এমন রাজ্যে গেল—যেখানে পুরাতন বাতাস বয় না, পুরাতন চন্দ্র হাসে না, পুরাতন নদী চলে না, পুরাতন জীব বাস করে না। সেই রাজ্যে গেল, যেখানে মহাতীর্থাধিপতির জীড়ার ভূমি, তাঁহারই রাজ্য। সেই রাজ্যে গেল—যে রাজ্যে চন্দ্র সূর্য্য তাঁহারই জ্যোতি ঘোষণা করে, ‘নদী তাঁহারই মহিমা কুল কুল করিয়া প্রচার করে, পশু পক্ষী তাঁহারই কথা বলে। সেই মানুষেরও আর সেই পূর্বের চোক নাই, সেই কাণ নাই, সেই হাত নাই, সেই পা নাই, সেই শরীর নাই, সেই মন নাই, সেই জ্ঞান নাই, সেই হৃদয় নাই ; সেই রাজ্যে যাইয়া যাত্রী মানুষকে আর দেখে না, পশু পক্ষী আর দেখে না, চন্দ্র সূর্য্য আর দেখে না, আকাশ পাতাল আর দেখে না, দেখে, এক শক্তিসিদ্ধ খেলিতেছে, তাহা হইতে অগণ্য, বিচিত্র চেটে উঠিতেছে। দেখে, কেবলই তীর্থাধিপতির বৈচিত্র্যময়ী ভাব সর্ব্বত্র বিরাজিত,—কেবল অনন্ত পুণ্য, শান্তিপবিত্রতা প্রবাহিত। রিপু সেখানে বিলাসের কথা বলে না, ইন্দ্রিয় সেখানে প্রলোভনের টানে ভুলে না। সেখানে একই রূপ—সচ্ছিত্তানন্দ ঘন। দেখে কেবলই তাঁহার মহিমা, তাঁহার করুণা, তাঁহার জ্ঞান, তাঁহার বিজ্ঞান। সব বেন তখন তন্ময় হইয়া গিয়াছে। দেখে মানুষ আর মানুষ নয়,

পৃথিবী আর পৃথিবী নয়;—মানুষ দেবতা, পৃথিবী স্বর্গ, মানুষ আর ক্ষুদ্র নয়, চন্দ্র ও আর ক্ষুদ্র নয়, সকল তখন অনন্ত কণা বলিয়া বোধ হয়। বোধ হয়,—সকল অনন্ত সিঁজুর বৃন্দবৃন্দ মাত্র, তাহাতেই উঠিতেছে, তাহাতেই রহিয়াছে, তাহাতেই মজিতেছে। তখন আর ক্ষুদ্রত্ব বোধ থাকে না, সীমাবদ্ধ ও সঙ্কীর্ণ ভাব থাকে না,—সব একাকার—কেবলই অনন্ত। আমি তুমি, ছোট বড়, আপন পর, শত্রু मित्र, স্ত্রীপুরুষ, পশু পক্ষী, লতা পাতা, মাটি সোণা, এ সকল ভেদ জ্ঞান আর তখন থাকে না। ভেদাভেদ নাই—একই জ্ঞান, একই ধ্যান। মাটি সোণা, বিষ্ঠা চন্দন, স্ত্রী পুরুষ এক হইয়া যায়। কে ছোট কে বড়, কোন্টা ভাল, কোন্টা মন্দ, কোন্টা রাখা, কোন্টা পরিত্যজ্য, এ জ্ঞান আর নাই—সকলই তাঁহার, সকলই তখন আদরের বোধ হয়। ক্ষুদ্রত্ব তখন অনন্ত হয়, সীমা তখন অসীম হয়, কূল তখন অকূল হয়। অকূলে পড়িয়া মানুষ তখন হাবুডুবু খায়। সে যে কি সুখ পায়, তাহা সেই জানে। আমরা তাহা বুঝিতে, ধারণা করিতেও অক্ষম। সেই দিন কবে আসিবে, যে দিন আমরাও অকূলের-কূল মহাতীর্থ দর্শন করিয়া এমনি করিয়া হাবুডুবু খাইতে পারিব।

জাতীয় আন্দোলন ।

“He (Joseph Mazzini) was of those who recognise no law but that of conscience, and recur for aid to none but God.”

Memoir.

ভারতবর্ষে বর্তমান সময়ে আন্দোলনের তুমুল সংগ্রাম চলিতেছে। কোন কোন পণ্ডিত এই আন্দোলনের ভিতরে ভারতের ভাবী উন্নতির জীবনী শক্তির বিকাশ-প্রাপ্ত অন্ধুরের পরিচয় পাইয়া আনন্দে উৎফুল্ল হইতেছেন; আবার কোন কোন পণ্ডিত এই বাহ্য-বিকাশ-প্রাপ্ত হৃদয়-শূন্য আন্দোলনে হৃদয়ে ঘোরতর ষাটনা অহুভব করিতেছেন, এবং সময়ে সময়ে হৃদয়ের বেদনা জলদ গম্ভীর স্বরে জগতের নিকট প্রচার করিতেছেন। জীবনশূন্য আন্দোলন বায়ু-প্রক্ষিপ্ত ধূলিকণার স্তায় উড়িয়া যায়, আর জীবন্ত জাতীয় আন্দোলন দেশকে স্বর্গ করিয়া দেয়। আন্দোলন—ঘাত প্রতিঘাত ভিন্ন

মাহুৰ, মাহুৰ হয় না । আন্দোলন জাতীয় উন্নতির প্রথম সোপান । প্রথম সোপান গান্ধিবার সময়ে বিশেষ সতর্কতার প্রয়োজন । ভারতে আন্দোলন উঠিয়াছে, স্বেচ্ছা কণা । কিন্তু বিশেষ সতর্কতা অবলম্বন না করিলে পরিণামে ইহাতে কুফল ফলিবার বিলক্ষণ সম্ভাবনা আছে । আন্দোলন সাময়িক হজুগে পর্যাবসিত হইলে মঙ্গলের আশা থাকে না । সেই আন্দোলন চাই, যাহাতে হৃদয়ের অন্তঃস্থল পর্য্যন্ত পরিভ্রম হয় ।

আমরা পরাজিত জাতিই হই, আর যাহাই হই, আমাদের রাজা ইংরাজ ; সেই সমুদ্র-বেষ্টিত ব্রিটেনিয়ার রাণী ভারতের ভাগ্যদেবী,—বলে, ছলে, বা কৌশলে ইংলণ্ডের প্রতাপের বিজয়ভেরী ভারত-চিদাকাশে আজ নিনাদিত—গম্ভীর স্বরে, অতি গম্ভীরে । ইংলণ্ডের রাণী আজ ভারতেশ্বরী । এই জন্ত কেহ মনে করিবেন না, ভারতেশ্বরীই ইংলণ্ডেশ্বরী । ভারতেশ্বরী ভারতের সাম্রাজ্যী—ভারতের রক্ষাকর্ত্রী—পালয়িত্রী—ঋণশক্ত্রী ; ইংলণ্ডেশ্বরীর অস্ত্র অর্থ, প্রজার সমবেত শক্তির ঘনীভূত সমষ্টি বা মিলন । একই জিনিষ দুই প্রদেশে দুই রকম—এক দেশে প্রজা-শাসক বা প্রজা-নাশক ; আর এক দেশে প্রজার দ্বারা শাসিত বা রক্ষিত । একদেশে একই শক্তি অতুল মহিনারিত—প্রতাপাবিত—সকলের উপরে উন্নীত, আর এক দেশে সকলের নিম্নে—সকল প্রজার সমবেত শক্তিতে রক্ষিত বা জীবিত । এক দেশে রাজ্যী আপনিই ক্ষমতা বিস্তার করিতেছেন, আর এক দেশে রাজ্যীর দ্বারা প্রজা সমষ্টি ক্ষমতা বা প্রভুতা বিস্তার করিতেছে । এক দেশে রাজ্যী প্রজার আশ্রয়, আর এক দেশে রাজ্যী স্বয়ং প্রজার আশ্রিত । ইংলণ্ডের কোটি কণ্ঠ, কোটি হৃদয় মিলিত হইলে আজ ইংলণ্ডেশ্বরীর সিংহাসন পৃথিবীর চক্ষুর অন্তরালে লুকাইত হইতে পারে, আর এক দেশে মিলিত কোটি কণ্ঠকে, কোটি হৃদয়কে সাম্রাজ্যী মুহূর্ত্তের মধ্যে ভূতে বিলীন করিতে পারেন । সংক্ষেপে, এক দেশে রাজ্যের হাসিতে প্রজা হাসে, অন্য দেশে প্রজার হাসিতে রাজা হাসে । এমনি অবস্থা । ভারত আর ইংলণ্ডকে যাহারা এক চক্ষে দেখেন, আমাদের মতে তাঁহারা দৃষ্টিশক্তি থাকিতে অন্ধ । এই দুই দেশের অবস্থা কেন পৃথক, এক কর্তৃত্বাধীন হইয়াও কেন ভিন্ন দশা-প্রাপ্ত, ইতিহাসের মূলে সে ভ্রমের অঙ্গসন্ধান না করিয়া যাহারা কেবলই ইংলণ্ডের আন্দোলন ভারতে আনিতে চাহিতেছেন,—তাঁহারা যে একদেশ-দর্শী, সে কথা আর ভাবার ব্যক্ত না করিলেও চলে । ইংলণ্ড

আজ ইংলণ্ড, ভারত আজ ভারত । ভারতকে আজ উন্নত করিতে হইলে, যে সাধনায় ইংলণ্ড সভ্যজগতের শীর্ষস্থানীয়, ইংলণ্ডের সেই প্রকৃষ্ট সাধনার ছবি ভারতের সম্মুখে ধরা প্রয়োজন । ইংলণ্ডের প্রতিনিধি হইয়া যাঁহারা ভারতে আগমন করেন, এই জন্ত তাঁহাদিগের দায়িত্ব অতি মহৎ । তাঁহাদের স্বভাবের কালিমায় ভারতের অঙ্গ মলিন হইলে, সে মলিনতা বিধৌত করিবার আর উপায় নাই । আদর্শ-স্থানীয় শিক্ষা-গুরু মন্দ হইলে, ছাত্রের জীবন কলুষিত হইবেই । ইংরাজচরিত্রের সামান্য ক্রটিতে ভারতের মহা অনিষ্ট হইতে পারে, কারণ ইংলণ্ড ভারতের আদর্শ স্থানে দণ্ডায়মান । আর একটা কথা, ইংরাজ চরিত্রের আদি অন্ত ভারতের সম্মুখে থাকে না, কারণ পাঁচ সাত বৎসর পরে সকলেই দেশে প্রতিগমন করেন । যে কয়েক দিন ভারতে ইহাদিগকে দেখা যায়, সে কয়েকদিন কেবলই যদি স্বভাবের কালিমায় অংশ প্রকাশ পায়, তবে তাহাতে দেশের অপরিশোধ্য অপকার হয় । এই জন্ত ইংরাজ-চরিত্রের দোষের কথা লইয়া সর্বক্ষণই আলোচনার প্রয়োজন । তাহাতে ইংরাজগণ সতর্ক হয়—আমরাও সতর্ক হই । দোষ আর সংক্রামিত হইতে পারে না । কিন্তু আলোচনার উদ্দেশ্য ও লক্ষ্য সর্বদাই সম্মুখে রাখা কর্তব্য । আপনাকে ভুলিয়া—দেশকে ভুলিয়া বুঝা হজুগে মত্ত হওয়া কখনই উচিত নহে । বিশেষতঃ নিজের চরিত্র, দায়িত্ব ও দেশের অবস্থা ভুলিলে কোন আন্দোলনেই কলের আশা থাকে না । মানুষ ভিন্ন পণ্ডিত কথায় কে কাণ দেয় ? বর্তমান সময়ে ইংলণ্ডে যে প্রকার আন্দোলন চলিতেছে, ভারতে কখনই তাহা চলিতে পারে না । ইংলণ্ডে যে শক্তি, যে বীৰ্য্য, যে জ্ঞান, যে বিজ্ঞান, যে দর্শন, যে কাব্য, যে জীবন, যে হৃদয়, যে বিক্রম, যে প্রভুতা, যে ধর্ম, যে নীতি, যে ভারতে তাহা নাই, সে ভারত আজই ইংলণ্ডের সমান হইবে ? কখনই সম্ভব নহে । এক জাতীয়ত্বের গুণে ভারতের সম্রাজ্ঞী ইংলণ্ডের রাণীই রহিলেন, সম্রাজ্ঞী হইতে পারিলেন না । কঠোর সাধনায় বহু শতাব্দী পরে ইংলণ্ড আজ যে সিদ্ধি লাভ করিয়াছে, বিনা সাধনায়, বিনা চেষ্টায় ভারত তাহা কখনই লাভ করিতে পারে না । আমাদের পূর্ব পুরুষগণের মহত্ব ছিল, বীৰ্য্য ছিল, শক্তি ছিল, জ্ঞান ছিল, ধর্ম ছিল, চরিত্র ছিল, তাহাতে, কানুজ, দুর্জল, চরিত্রহীন ভারতের কি ? বাহা ছিল, তাহা বশ হইয়া গিয়াছে—সে স্বতিতে অহকারী হইও না, অমৃততত্ত্ব হও, সিংহের ওরসে পুস্পাদ ভাবিয়া,

ব্যথিত হও। যে জাতিতে জনব্রাইটের জায় শত শত মহাত্মা এই মুহূর্তে জীবিত, সে জাতির সাধনার বল স্থির চিন্তে চিন্তা করিতেও আমাদের হৃদয় অসমর্থ। সামান্য মূর্থ কৃষক নিউটনের জ্ঞানকে ধারণা করিতেও পারে না। ইংলণ্ডের সকল মহৎ আজও ইংলণ্ডে, ভারতে তাহার অল্পই প্রতি-
 রূপ আছে। সকলই যদি ইংলণ্ডে রহিল, তবে কেবল জীবনহীন, শক্তি-
 হীন আন্দোলনে ভারতের কি হইবে? আন্দোলনের পূর্ব শক্তি অগ্রে
 সঞ্চয় করিতে হইবে,—অগ্রে মহৎ লাভ করিতে হইবে,—অগ্রে চরিত্র লাভ
 করিতে হইবে—অগ্রে মনুষ্য লাভ করিতে হইবে। মনুষ্য লাভের জন্য
 যে ব্যক্তি আন্দোলনে রত, তিনি শ্রদ্ধেয় ব্যক্তি, তাঁহার চরণধূলি মাথায়
 করি। কি করিলে মনুষ্য লাভ করা ভারতের ভাগ্যে সম্ভব হইবে, সে
 কথা পরে বলিব। এক্ষণ এই মাত্র বলি—ইংলণ্ডের অমুকরণে ভারতে
 বর্তমান সময়ে রাজনীতি লইয়া যে আন্দোলন চলিয়াছে—উহা প্রকৃত
 আন্দোলন নহে, উহা নিন্দাপ্রচারনীতি,—এই জন্য কলুষিত, নিন্দিত,
 সভ্য সমাজের অনাদৃত। তোমাদের ঘরের দোষ বা ত্রুটি লইয়া আমি যখন
 আন্দোলন করিতেছি, সেই সময়ে আমার গৃহ যদি তদপেক্ষা অধিকতর
 নিন্দার জিনিষ হয়, তবে আমার সে আন্দোলনকে তোমরা কি বলিবে?
 যে আপনি দুর্দমনীয় বিপুল যন্ত্রনায় অস্থির হইয়া, পণ্ডর জ্ঞান, কত সতীর
 সতীত্ব,—কার্য্যে এবং কল্লনায়, নষ্ট করিতে একটুও কুণ্ঠিত হইতেছে না, সে
 কোকিলামুখের হৃদয়-বিদারক কাহিনী লইয়া ওয়েবের বিরুদ্ধে আর কেমন
 করিয়া আপন স্বর তুলিবে? ইহা অসম্ভব। সে স্বর তুলিলেও তাহার
 হৃদয়ের স্বর নহে—তাহাতে শক্তি নাই, তাহাতে পদার্থ নাই। শক্তিহীন
 স্বর বায়ুতে মিলাইয়া যায়—মানব-হৃদয়ে তাহার কোন আধিপত্য নাই।
 আমার কর্তব্য আমি করিব না, কিন্তু তোমার কর্তব্য তুমি পালন করিতেছ
 না বলিয়া তোমাকে তিরস্কার করিব; এ কথার মূল শক্তিহীন জীবন হীন।
 তোমার কর্তব্য পালনের ক্ষমতা অধিক, সুতরাং তুমি কর্তব্য পালন করি-
 তেছ না বলিয়া অনেকের অপকার হইতেছে, এ কথা তাহার বলিবার কি
 অধিকার, যে আপনি কর্তব্য পালনের শক্তি পাইয়াও কিছুই কর্তব্য পালন
 করিতেছে না? আপনাকে সংশোধন করিতে কাহার অধিকার বা শক্তি
 নাই? আপন পরিবারকে উন্নত করিতেই বা কাহার অধিকার নাই? অথচ
 এই বিদ্যুত ভারতে আজ গণনা করত, কত জন জিতেন্দ্রিয়—কত জন চরিত্র-

বান্ লোক আছেন !! সহরে যাও, নগরে যাও, পল্লীতে যাও, বাজারে যাও,—কোকিলামুখের ওয়েব-কাহিনীর জ্ঞান জঘন্না ঘটনা প্রতি মুহূর্তে প্রত্যেক স্থানে ঘটিতেছে। একের ভাল অন্তের চক্ষে নয় না—এক জন অন্তকে অপদস্থ করিবার জন্ত কত মিথ্যা নিন্দা প্রচার করিতেছে—এক জন আর এক জনের বুকে ছুরী হানিতেছে,—কত জাল, কত জুয়াচুরি, কত বদমায়েসী, কত ভ্রূণহত্যা—কত ব্যভিচার—কত নরক ভারতের বায়ুকে কলুষিত করিতেছে, এক বার স্মরণ কর! যে দেশে কলুষিত-চরিত্র পুরুষের অত্যাচারের ভয়ে কুলস্ত্রী ঘরের বাহির হইতে পারে না—ভয়ে জড়সড় হইয়া গৃহের কোণে সতীত্ব ধনকে অতি কষ্টে রক্ষা করে, সে দেশের লোক অন্ত দেশের লোকের চরিত্রহীনতার নিন্দা অগ্রে প্রচার করিবে, না অগ্রে দেশের লোকদিগকে চরিত্রবান্ করিতে চেষ্টা করিবে? অন্যের নিন্দা প্রচারে সুখ থাকিলে থাকিতে পারে, কিন্তু তাহাতে মহত্ব কি, পৌরুষত্ব কি? ওয়েব যে অপরাধে অপরাধী—ভারতের কোটি কোটি সন্তান সেই অপরাধে অপরাধী। যদি সংশোধনের কথা বলিতে চাও—অগ্রে এই কোটি সন্তানের সংশোধনের চেষ্টা করা কি উচিত নহে? আর যদি শাসনের কথা বল, তবে এই কোটি সন্তানের শাসন প্রণালী অগ্রে উদ্ভাবন কর না কেন? বর্তমান সময়ে সকল আন্দোলন স্বদেশবাসীদিগকে লইয়া হওয়া উচিত। তুমি দেশের হিতৈষী, অগ্রে তুমি আগনাকে সংশোধন কর, পরে দেশকে সংশোধন করিও। আন্দোলন করিতে চাও—দেশের দোষ লইয়া আন্দোলন কর। ভিন্ন-দেশীয়ের দোষের কাহিনী প্রচার করিয়া কলুষিত দেশকে আরো নিরাশার সাগরে নিক্ষেপ করিও না। মহত্ব স্মরণে আত্মা উন্নত হয়, দোষ স্মরণে আত্মা অবনত হয়। ইংরাজের পশুত্ব স্মরণে ভারত কখনও উন্নত হইবে না; হয় ত, দেবত্ব স্মরণে হইবে। দেবত্ব স্মরণে মানুষ দেবতা হয়। ইংরেজের পশু ব্যবহারের প্রতি ঘৃণা থাকুক, মহত্বকে কোল পাতিয়া লও। যদি কেবলই পশুত্ব দেখ, তবে অগ্রে তুমি মানুষ হইয়া তাহার বিরুদ্ধে কথা বল। অন্ধ অন্ধকে চালাইতে পারেনা। ভারতে যদি আদর্শ না পাও, বিদেশের ম্যাট্‌সিনিকে স্মরণ কর, ব্রাইটকে স্মরণ কর,—মানুষের উচ্চ আদর্শ পতিত দেশের ঘরে ঘরে ধরিয়া দেখাও, আমরা কি, আর ইহারা কি। মানুষ দেবত্ব লাভে সমর্থ, এই কথা প্রচার কর। ইংরাজকে চরিত্রহীন দেখিলে ছদ্ম বিবাসে মুলিন হউক,

সমবেদনার সমরানল গৃহে গৃহে অগ্নিয়া উঠুক, অত্যাচার নিবারণের মঙ্গল-ময়ী শক্তি হৃদয়ে ভবে ত সঞ্চিত হইবে ! তবে ত হৃদয়ে হৃদয়ে, কণ্ঠে কণ্ঠে সেই শক্তিক্ষুণ্ণ দীপ্তি পাইবে।—আমরা দেবতা হইব, এই প্রতিজ্ঞার রোল গৃহভেদ করিয়া ভারত আকাশকে পূর্ণ করুক। আমরা মনুষ্য লাভ করিতে পারিলে, অস্ত্রের পশুত্ব অনায়াসেই সংশোধন করিতে পারিব। আজ যে আমাদের কথায় কাজ হয় না, ইহার কারণ, আমরা চরিত্রহীন, একতাবিহীন, নিৰ্জীব জাতি ; নচেৎ কে প্রতিবাদকে অবহেলা করিতে পারে ? পরীক্ষায় শিক্ষা লাভ কর, মনুষ্য লাভ করিত না পারিলে কেহ আর ভারতের কথায় কর্ণপাত করিবে না। আমরা আপনারা মানুষ হইলে অত্যাচার যে অনেক কমিয়া বাইতে পারে, ইহার দুইটা দৃষ্টান্ত দিতেছি।

প্রথমত—শুনা যায়, সাহেবেরা মফঃস্বলের হাকিমি পাইয়া যদৃচ্ছাক্রমে লোকের প্রতি অত্যাচার করে। অত্যাচার করে।—কারণ আমরা পশু। আমরা অত্যাচারের উপযুক্ত কর্তিত ক্ষেত্র যদি না হইতাম, তবে অত্যাচার কেমনে করিত ? অত্যাচার করে, কারণ আমরা একতাবিহীন, নীতিবিহীন, সুতরাং দুর্বল,—অবীনতা স্বীকার করিয়া করিয়া আমাদের রক্তমাংস জড়ের জ্ঞান হইয়া গিয়াছে। নচেৎ সহস্র সহস্র লোকের সম্মুখে এক জন সাহেব সতীর সতীত্ব নষ্ট করে, বা কাহারও শরীরে বেজাঘাত করে—ঈশ্বর-প্রদত্ত স্বাধীনতার হস্তক্ষেপ করে, একদা সংবাদপত্রের স্তম্ভে পড়িতে হইত না। সংবাদ পত্রে সে সংবাদ প্রকাশিত হইবার পূর্বে মানব সমষ্টির সমবেত বিবেক আততায়ীর মস্তকে লগুড় মারিয়া অত্যাচারের প্রতিবিধান করিত। এক জন সাহেব যে স্থানে, সহস্র জন স্বদেশী সে স্থানে ; অথচ শুনা যায়, সাহেবেরা অত্যাচার করে।।—দোষ স্বদেশবাসীর—না দোষ সাহেবের ?—সংবাদ পত্রে সাহেবের অত্যাচারের ক্রন্দন-কাহিনী শুনিতে আর ইচ্ছা করে না !

দ্বিতীয়ত,—অনেকের বিশ্বাস, ইংরাজ বাণিজ্য করিবার ছলনে ভারতের সর্বস্ব অপহরণ করিয়া ভারতকে ধোরতর দরিদ্র করিয়া ফেলিতেছে। এ কথায় অনেক সত্য আছে—ভারত যে আজ শূন্যগর্ভ, তাহাতে বিন্দুমাত্র সন্দেহ নাই ; কিন্তু দোষ কাহার ? একবার চিন্তা কর। সৃষ্টি বৈচিত্র্যময়ী। দুটা ফুল এক রকম নয়, দুটা বৃক্ষ এক রকম নয়, দুটা নক্ষত্র এক রকম নয় ; দুটা পক্ষী, দুটা পুুষ, দুটা জীৱ এক রকম নয়। চন্দ্র সূর্য্য সাধনী—পৃথিবীতে

কোটা কোটা স্বপ্ন বস্ত সকলই পৃথক পৃথক ! কেন পৃথক পৃথক ! কেন পৃথক পৃথক হইল ? দুটি কারণ ; একটি কারণ,—অষ্টার স্বরূপের পূর্ববিকাশ বৈচিত্র্যময়ী প্রকৃতিতে প্রতিফলিত, এক একটি বস্ত তাঁহার এক একটি ভাব প্রকাশ করিতেছে । আর একটি কারণ—প্রত্যেকে প্রত্যেকের মহত্ব বুঝিবে, প্রত্যেকের বিশেষত্ব গ্রহণ করিবে,—প্রত্যেকে বিশ্বজনীন প্রেমে আবদ্ধ হইবে । তুমি ও আমি যে পৃথক, ইহার এক কারণ, বিশ্বজননীর এক ভাব তুমি প্রকাশ করিতেছ, আর এক ভাব আমি প্রকাশ করিতেছি । আর একটি কারণ, তুমিও আমার নিকটে শিক্ষার কিছু পাইবে, আমিও তোমার নিকটে কিছু পাইব ; সুতরাং তোমাকে ও আমাকে মিলিতেই হইবে—আদান প্রদান করিতেই হইবে—পরস্পরকে পরস্পরে উপকারী বন্ধু জানিয়া ভালবাসিতেই হইবে । ব্রহ্মাণ্ডের প্রত্যেক অণু, প্রত্যেক পরমাণু বিশেষত্বে পরিপূর্ণ । কাহাকে পরিত্যাগ করিবে, কাহাকে রাখিবে ?—সকলেই মঙ্গলময় শিক্ষা-গুরু হইয়া যেন বিশেষ বিশেষ শিক্ষা প্রদানের জন্য জগৎকে আলোকিত করিয়া রহিয়াছে । ফলকে ভালবাসিবে, ফুলকেও আদর করিবে, চন্দ্রকে ভালবাসিবে, সূর্য্যকেও আদর করিবে,—কারণ, সকলের নিকটেই বৈচিত্র্যময়ী বিশেষত্ব শিক্ষার জন্য রহিয়াছে । সুখেও শিক্ষা, দুঃখেও শিক্ষা, সম্পদেও শিক্ষা, বিপদেও শিক্ষা । দুঃখে যাহা শিখি, সুখে তাহা শিখি না ; সুখে যাহা শিখি, দুঃখে তাহা পাই না । সৃষ্টির নিগূঢ় রহস্য এই—প্রত্যেক অণু প্রত্যেক পরমাণুর বিশেষত্ব লইবে, সকলে সকলকে ভালবাসিবে—সকলে সকলের নিকট হইতে শিক্ষা লাভ করিবে ;—যাহা গ্রহণ করিবার, তাহা গ্রহণ করিবে । এই সংসার, মঙ্গলময় উদারতার রাজ্য, —স্বর্ণা বিবেকের রাজ্য নহে । এখানে চণ্ডাল ব্রাহ্মণ একই পদবীতে উপবিষ্ট—চন্দ্র, সূর্য্য, গ্রহ, নক্ষত্র, পণ্ড পক্ষী সকলেই সকলের শিক্ষা গুরু । জগতের বিশেষ ভাব এই—যাহা দিবার, দেও ; যাহা নিবার, তাহা নেও । যদি মানুষ হও, জগতের প্রত্যেকের বিশেষত্ব গ্রহণ কর, নচেৎ তোমার শিক্ষা অসম্পূর্ণ থাকিবে । ভারতকে সম্পূর্ণ করিয়া বিধাতা সৃষ্টি করেন নাই,—ইংলণ্ডকেও করেন নাই । আমেরিকা, আসিয়া, ইউরোপ, আফ্রিকা—বিধাতার চারি প্রদেশ চারি প্রকার । এই চারি দেশই বিশেষত্বে পূর্ণ—বৃক্ষ, লতা, পাহাড়, পর্বত, নদ, নদী, সাগর, প্রান্তর—পণ্ড, পক্ষী, নর নারী, এই চারি প্রদেশের এক প্রকার নহে ;—কত বিশেষত্ব, কত বৈচিত্র্য

পূর্ণ। বিধাতা যেন বলিতেছেন—আমেরিকা আসিয়ায় যাও, ইউরোপ আফ্রিকায় যাও, আফ্রিকা আমেরিকায় যাও, আসিয়া ইউরোপ ও আমেরিকায় যাও। সেই আদেশকে শিরোধার্য করিয়া পৃথিবীর কত মনুষ্য, স্বজন পরিজন পরিত্যাগ করিয়া, কত সাগর, কত পর্বত পার হইয়া দেশ বিদেশে যাইতেছে—কত ভাব গ্রহণ করিতেছে—কত ধন রত্ন লাভ করিয়া বড় মানুষ হইয়া দেশে ফিরিতেছে। পৃথিবী, এই প্রকার পরস্পরের বিশেষত্ব শিক্ষা করিয়া, আজ জানে, ধন মানে ও সভ্যতার কত উন্নত হইয়াছে। ইংলণ্ড ভারতের বিশেষত্ব গ্রহণ করিবার জন্য আসিয়াছে, বিশেষত্ব গ্রহণ করিতেছে—টাকা ত ছার জিনিষ, কত মহামূল্য রত্ন লইয়া দেশে ফিরিতেছে; দেশকে শূন্ত-গর্ভ করিতেছে। তাহাদের কর্তব্য ত তাহারা করিতেছে, কিন্তু আমাদের কর্তব্য আমরা কি করিতেছি? তাহারা কত পাহাড় পর্বত, সাগর উপসাগরকে উল্লঙ্ঘন করিয়া ভারতের বিশেষত্ব লইয়া যাইতেছে, ইহা দেখিয়া আমরা বিবেকে জলিতেছে, কিন্তু ইংলণ্ডের বিশেষত্ব গ্রহণ করিতে আমাদেরকে কে নিষেধ করিয়াছে? ইংলণ্ড ভারতে আসিয়াছে, ভারত আজ ইংলণ্ডে গেল না কেন? ইংলণ্ড ভারতের রত্ন লইয়া গেল, ভারত কেন বিদেশের রত্ন আনিল না? স্বাধীন বাণিজ্যের দ্বার মুক্ত। ভারত দরিদ্র হইল, এই চীৎকার করিতেছ, তাই, তুমি ভারতের ধন বৃদ্ধি করিবার জন্ত সাগর পার হইয়া ইংলণ্ডে, আমেরিকায় যাও না কেন? তাহা তুমি পার না, কারণ, জাতিভেদের পূজা তোমার হৃদয়ের বড় প্রিয় জিনিষ!! ভারতের দারিদ্র্যের কারণ ইংরাজ নহে; ভারতের জাতিভেদ-প্রথা। দোষ ইংরাজের নহে, দোষ আমাদের। আমরা গোলামী করিব, তবুও বহির্বাণিজ্য করিব না। আমাদের কর্তব্য অবহেলার জন্য ভারতকে যে দারিদ্র্য-পীড়নে কাতর হইতে হইয়াছে, সে দোষ ইংরাজের মস্তকে চাপাইয়া দেওয়া কখনই উচিত নহে;—তাহাতে উদারতা নাই—বিশ্ব-প্রেমের ভাব নাই,—মনুষ্যত্বের চিহ্ন নাই। আমাদের দোষেই ভারত আজ দরিদ্র।

উপরে যে সকল কথা বলা হইল, তাহাতে এই সিদ্ধান্তে উপনীত হওয়া যায়,—অগ্রে আমাদের মনুষ্যত্ব লাভ করিতে হইবে; স্বদেশপ্রেমে দীক্ষিত হইতে হইবে—জাতীয়ত্ব প্রতিষ্ঠা করিতে হইবে। এই সকল সাধনের জন্য রাজনীতির আন্দোলন ও সমাজনীতির আন্দোলন একই সময়ে হওয়া উচিত। কিন্তু এ দুই আন্দোলনের পূর্বে ধর্ম-আন্দোলন একান্ত প্রাধান্যীয়।

ধর্মের কথা দূরে রাখিলে, সামাজিক ও রাজনৈতিক শাসন মানুষকে মানুষ করিতে কখনই সমর্থ হয় না। অনেকের এইরূপ বিশ্বাস আছে, ধর্ম না থাকিলেও সমাজ ও রাজা মানুষকে সৎপথে রাখিতে পারে। বাস্তবিক কি এ কথা সত্য? সমাজ বা রাজা মানবের কোন স্থান দর্শনে সক্ষম?—বাহিরের কার্য ভিন্ন অন্তরের কিছুই সমাজ স্পর্শও করিতে পারে না—ভাল কার্যের প্রশংসা করিতে পারে না, মন্দ কার্যের জন্যও তিরস্কার বা শাসন করিতে পারে না। মানুষের মহত্ব কোথায়?—তাহা অন্তরে, না বাহিরে?—এক জন লোক ভাল কার্য করিল, ঐ কার্যটি তাহার মহত্ব নহে, মহত্বের পরিচয় মাত্র; ঐ কার্যের যে ইচ্ছার অন্তর হৃদয়ে জন্মিয়াছে, তাহাতেই তাহার মহত্ব। এক জন লোক সৎকার্য করে নাই, কিন্তু হৃদয়ের গুণ স্থানে সৎকার্যের ইচ্ছা ছিল, সেই লোক কি মহৎ নহে?—আবার আর এক দিক দেখ, ওয়েব ও আমি। ওয়েবের কার্য অতি দূষিত, আমিও যদি এই মুহূর্তে পরজীর প্রতি কুটিল নরনের বিষময় দৃষ্টিতে চাহিয়া থাকি, যদি এখনই তাহার সতীত্ব নষ্ট করিবার বাসনা আমার হৃদয়ে উদ্দীপিত হইয়া থাকে, তবে আমি কি অসৎ—নরাধম, পাপও নহি? মানবের মহত্বও হৃদয়ে, পশুত্বও হৃদয়ে;—দেবত্ব সৎ ইচ্ছায়, পশুত্ব অসৎ ইচ্ছায়। ইচ্ছাতেই এ রাজ্যের পরীক্ষা। অন্তরকে গরলময় করিয়া বাহিরে সুখা মাখিয়া আমি যে বেড়াইতেছি—অস্ত্রের চক্ষে ধূলি দিয়া জয় ডকা বাজাইয়া ভবের বাজারকে আমি যে প্রতিধ্বনিত করিতেছি, আমাকে কি তুমি ভাল বলিবে? অস্ত্রের দ্রব্য দেখিলেই চুরি করিতে ইচ্ছা হয়, অস্ত্রের ভাল অবস্থা দেখিলেই হৃদয়ে হিংসার উল্লেখ হয়, অস্ত্র সতী দেখিলেই রিপূর উত্তেজনা আরম্ভ হয়, এমন যে লোক, সে মানবাকারে পশু। অন্তর বাহ্যার গরলময়, এমন পশুর শাসন কে করিতে পারে? বাহিরের ঘটনা ভিন্ন রাজা বা সমাজ মানুষকে শাসন করিতে পারে না। এই জন্তই বাহির-ডাকা বিষ-অস্ত্র কত জঘন্য লোক সমাজে বর্তমান রহিয়াছে। স্তত্রাং স্পষ্টই দেখা যাইতেছে—পৃথিবীর অতি অল্প লোকের শাসনই সমাজ বা রাজা করিতে পারেন। এই জন্তই দেখা যায়, রাজার শাসন যতই তীক্ষ্ণ হয়, ততই গোপনে পাপ-কার্য করিতে প্রবৃত্তি হয়—বাহাতে ধরা না পড়ে তাহারই চেঁচা হয়, অন্তরকে শোধন করিতে চেঁচা হয় না। কারণ, হৃদয়ে বাহ্যার পাপ-স্বাধা বর্তমান, সে কেমন করিয়া তাহাকে বদন করিবে? সে শক্তি কোথায়?

সে বল কে দেয় ?—সে উপদেশই বা কোথায় পাওয়া যায় ? এই অন্ধ যোধ্যা যায়, রাজার শাসন তীক্ষ্ণ হইলেও দেশের পাপশ্রোত নিবারিত হয় না ;—বরং আইনের অটলতা ও কঠোরতার সহিত পাপের শ্রোতও প্রধর-তর হইতে থাকে । রাজার শাসনকে তুচ্ছ জ্ঞান করিয়া মানুষ যখন পাপ-শ্রোতে প্রাবৃত হইতে লাগিল, তখন সামাজিক শাসনও শিথিল হইয়া পড়িল । কারণ সমাজের সকলেই যখন একদশাগ্রস্ত হয়, তখন কে কাহাকে শাসন করিবে ? শাসনের শক্তি তখন আর মানুষের থাকে না । দোষী পিতার শাসনকে বালক তখন উপেক্ষা করে, দোষী ভ্রাতার আজ্ঞাকে ভ্রাতা তখন লঙ্ঘন করে ; এই প্রকারে সমাজ ক্রমেই উচ্ছৃঙ্খল দশায় উপস্থিত হয় । বর্তমান ভারতেরও সেই দশা উপস্থিত হইয়াছে । গ্রামে বাও, নগরে বাও, পল্লীতে বাও,—রাস্তা, ঘাট, বাজার, যেখানে ইচ্ছা যাও, দেখিবে—মলুষ্যের ব্যবহারে আর মলুষ্যত্ব নাই—কেবলই পশুত্ব—ব্যভিচার, স্বেচ্ছাচার, অনাচার, কদাচারের শ্রোত কেবলই চলিয়াছে । রাজা দোষীকে ধরিতে পারে না—কারণ সাক্ষী জোটে না, সকলই মিথ্যা ও প্রতারণাময় । দোষী আদালতে মিথ্যা সাক্ষী ও ঘুবের দ্বারা নির্দোষী সাব্যস্ত হইতেছে । সমাজের সকল লোকই যখন পশুত্ব-প্রাপ্ত, তখন পুলিশই বল, আর বিচারালয়ই বল, এ সকল স্থানে আর সুবিচারের আশা থাকে না । মকদ্দমার বিচার ভাল হয় না, জেলার এক জন ইংরাজ বিচারকের কেবল সে দোষ নহে,—দেশীয় সহস্র সহস্র লোকের । দেশীয় লোকের দোষে ধর্ম্মাধিকরণও বর্তমান সময়ে অধর্ম্মের ক্রীড়াস্থল হইয়া উঠিয়াছে । ভিতরের পাপ ইচ্ছা ত কাহারও ধরিবার শক্তি নাই, বাহিরের বদমায়েনী ও জঘন্যতা এই প্রকারে সমাজ ও রাজার চক্ষুকে ফাকি দিতেছে ! এক্ষণে দেশের আশা কোথায় ? বাহু-আন্দোলনে কি কিছু ফলের আশা আছে ? রাজনীতির আন্দোলন চাই, না প্রজানীতির আন্দোলন প্রয়োজন ? বাহির শোধনের আন্দোলন করিবে—না ভিতর শোধনে হাত দিবে ? বাহারা আন্দোলন করিবে, তাহাদেরও অধিকাংশ ভিতর-শূন্য,—নীতিহীন । কুসংস্কার কথা বলিব কি, দেশের কোন কোন দেশহিতৈষী সংবাদপত্রের সম্পাদকের বাড়ী পর্য্যন্ত মদ ও বেস্তার পূর্ণ । আমি হাহাকার করিতেছি, তুমিও করিতেছ—কিন্তু আমরা উভয়েই ঐ দশাগ্রস্ত—কলুষিত জঘন্য হইয়া বাস করিতেছি । ইংরাজের দোষ দেখিতেছি, কিন্তু স্বদেশীর দোষ দেখি-

তেছি না ; আমার নিজের দোষের কথাও ভাবিতেছি না । এই কারণে আন্দোলনও একদেশদর্শী হইতেছে—বাহির দেখিয়া বাহির ধরিতে বাই-তেছে, হৃদয়কে স্পর্শ করিতে পারিতেছে না, হৃদয়ের ভাব ধরিয়া টানিতে পারিতেছে না । হৃদয়কে স্পর্শ কে করিতে পারে ? হৃদয়কে সংশোধনই বা কে করিতে সক্ষম ? একমাত্র ধর্ম ভিন্ন এখানে আর সকল শক্তি পরাহ । হৃদয়কে বলীয়ান করিতে ধর্ম ভিন্ন কেহ নাই—সংস্কৃত করিতেও ধর্ম ভিন্ন কেহ নাই । দোষের বিচারক আছেন, পরকাল আছে, ইহকালই লক্ষ্য নহে—ইঞ্জিরাদি ছদ্মিনের, পৃথিবীর স্তম্ভস্ফূট ছদ্মিনের, এ চিন্তা ভিন্ন মানুষ কখনও অন্তরকে পবিত্র রাখিতে পারে না । পবিত্র জীবনের পবিত্র সহবাস ভিন্ন মানুষ পবিত্র হইতে পারে না । বিবেকের স্পষ্ট আদেশ পালন ভিন্ন মানুষ সং পথে চলিতে পারে না । ধর্ম ভিন্ন অন্তরকে জীবন্ত করিতে, পবিত্র করিতে পৃথিবীতে আর কোন শক্তি নাই । এমন বল, এমন শক্তি আর কোথাও মিলে না । ধর্মকে ভুলিয়া, ধর্মকে পরিত্যাগ করিয়া যে সমাজ চলিতে চাহে, সে সমাজ, এই কারণে, কখনও নির্দোষ পুণ্য, শান্তি, পবিত্রতা লাভে সমর্থ হয় না । পূর্বকালে ভারতে যে পবিত্রতা ছিল, সে কেবল ধর্মভাব ছিল বলিয়া । সমাজ ও রাজার হৃদয় তখন ধর্মে পূর্ণ ছিল ; তখন দেশের লোক ধর্মের অনাবিল পবিত্র শাসনে শাসিত ছিল । লোক ধর্মের ভয়ে সং থাকিত, লোক ধর্মের চিন্তায় তখন পবিত্র থাকিত । প্রজা ধর্মের প্রতিনিধি বলিয়া রাজাকে মানিত, রাজা ধর্মের প্রতিনিধি বা অবতারের জ্ঞায় প্রজার বিচার করিতেন । প্রজার ভালবাসা রাজা পাইতেন, রাজার সং ইচ্ছা প্রজার মঙ্গল করিত । মানবের অন্তরে অন্তরে তখন ধর্মের মিল ছিল ; ধর্ম রাজ্যের পালন ও শাসন তখন ধর্মই করিত । ধার্মিকের চক্ষু সহজে তখন দোষীকে ধরিতে পারিত ; দোষী তখন ধার্মিকের নিকটে আসিয়া ভয়ে কম্পিত হইত । যে গ্রামে একজন ধার্মিক থাকিত, সে গ্রামের লোকের হৃদয় পাপ করিবার সমর কম্পিত হইয়া বাইত । সেই এক দিন ছিল, আর আজ এই এক দিন । আজ কথা উঠিতেছে, ধর্ম ভিন্নও রাজ্যশাসন চলিতে পারে, সমাজ চলিতে পারে । ইংরাজ এই বুঝা ধরিয়া বখেজা অত্যাচার করিতেছে, উচ্ছৃঙ্খল ভারত সেই অত্যাচারে অত্যাচারিত হইয়া হাহোন্নি করিতেছে । এটা নাকি স্বাধীনতার যুগ ? কাঙ্ক্ষিত ইহা স্বাধীনতার যুগ নহে, খেজাচারের যুগ—উচ্ছৃঙ্খল-রাজ্য প্রাচীর যুগ । আজ যে আন্দোলন

উঠিতেছে—ইহা যে জাতিভেদের আর এক সূত্রি, তাহা কেহই ভাবিতেছেন না। যে দেশ জাতিভেদের অসংখ্য কথামাত-পীড়নে দুর্বল, সেই দেশে ইংরাজকে এক অভিনব জাতিতে পৃথক করিবার চেষ্টা হইতেছে। বাঙ্গালির দোষ দোষ নহে, ইংরাজের সামান্য দোষও মহাদোষ, এই কথারই প্রতিধ্বনি উঠিতেছে। দেশীয় জমীদার, দেশীয় ডেপুটী বাবু, উকীল বাবু, মোক্তার বাবু, মুন্সেফ বাবু, ক্ষুদ্র ক্ষুদ্র নবাবের দল, শিক্ষা ও নীতির মন্তকে পদাঘাত করিয়া, যে সকল বীভৎস কাণ্ড করিতেছেন, তাহা কে দেখিবে, কে তাহার গণনা করিবে? তুমি সে কথা বলিতে যাও, তুমি দেশহিতৈষী নহ। ইংরাজের দোষ প্রচার কর, তবেই হইল!! হায়, মানুষ সার্বভৌম জাতিভাব পরিত্যাগ করিয়া এত অন্ধতায়ও পরিণত হইতে পারে?—হায়, সোণার মানুষ উদারতার বিশ্ব-বিস্তৃত প্রেম পরিহার করিয়া এত সঙ্কীর্ণতায়ও পরিণত হইতে পারে!! এ আন্দোলন, এ ধর্মতাব বিবর্জিত একদেশদর্শী ইংরাজের দোষ প্রচারে ভারতের সর্বনাশ উপস্থিত হইবে। আমরাদিগকে বাহা বলিতে ইচ্ছা কর, বল, আমরা বাহা সত্য বুঝিয়াছি, তাহা বলিবেই বলিব। ভারতের একগুণ ইংলণ্ডের নিকট অনেক শিক্ষা করিতে হইবে—ইংলণ্ডের নিকট হইতে অনেক পাইতে হইবে। সামান্য সামান্য ব্যক্তিগত দোষের কথা ভুলিয়া ইংরাজ-শাসন-নীতি আলোচনা করিলে কি আমরা ইংরাজের উদারতা দেখিতে পাই না? সংসারে সং অসং, দুই বর্তমান। মধুকরের ন্যায় ফুলের গণনা না করিয়া মধু সংগ্রহ করিতে হইবে। অসং-রাংশ বাদ দিয়া সর্ব স্থান হইতে সার গ্রহণ করিতে হইবে। ইংরাজের মধ্যে এমন কিছু আছে, বাঙ্গালীর মধ্যে বাহা নাই। তাহাদের দোষ আছে, গুণ কি নাই? টমসনের যে উদারতা নাই, রিপনের তাহা আছে,—জন ব্রাইটের তাহা আছে। স্বদেশকে মানি বলিরাই বিদেশকে মানিতে হইবে, বিদেশের নিকট শিথিতে হইবে। স্বদেশও চাই, বিদেশও চাই। বিশেষতঃ বিদেশকে এমন উদারভাবে ইংলণ্ডের ন্যায় আর কোন রাজা শাসন করিতে পারে নাই; ইহা স্বরণ রাখিরা, ইহাদের মহত্ব গ্রহণ করিতে হইবে। তার পর আমরা বাহাতে মানুষ হইতে পারি, তজ্জন্য চেষ্টা করিতে হইবে। ধর্ম তিন্ন তাহা কখনও হইবে না। ধর্মকে সমাজনীতির রাজা করিয়া লইতে হইবে,—রাজনীতিকে অজ্ঞানীতি করিতে হইবে। ধর্মেরই চরিত্র, ধর্মেরই বীৰ্য, ধর্মেরই একতা হইবে। ধর্মেরই পুণ্য, ধর্মেরই বল, ধর্মেরই নীতি সফা-

রিত হইবে। ধর্ম অমুপ্রাপ্ত হইয়া প্রজার হস্ত যখন ধর্মবীর ম্যাট্‌সিনির ন্যায় বিবেকের আদেশ পালন করিতে উদ্বিগ্ন হইবে,—তখন এমন কোন্ রাজা আছে, বাহার অধর্মের সিংহাসন উলিবে না?—কোন্ ওরেব আছে, পাপ কার্য করিয়া যে সমাজে দূষিত না হইয়া বাস করিতে পারিবে? বিবেক যখন মাহুঘের রাজা হয়, তখনই মাহুঘ স্বাধীন হয়। বিবেকের কথা মতে যে চলে, কোন রাজার সে অধীন নহে। বিবেক যখন মানব রাজ্যের রাজসিংহাসন পাইবে, তখন দোষী ব্যক্তি সমাজে নিম্নিত, দণ্ডিত না হইয়াই পারিবে না। নিম্নিত হইয়া সে চরিত্র সংশোধন করিবে। পুণ্যময় শ্রীক্ষেত্রে আর তখন জাতিভেদ থাকিবে না। পরশমণির স্পর্শে মাটি তখন সোণা হইয়া যাইবে। চরিত্রের সংস্পর্শে বনের পশুরও চরিত্র ভাল হইবে। পুণ্যের সংস্পর্শে মাহুঘের পাপ চিন্তা তিরোহিত হইবে, ধর্মের মিলনে অধর্ম ভয়ে পলায়ন করিবে। ভারতে ধর্মশূন্য রাজনীতির আন্দোলনের অর্থ আমরা বুঝি না—তাহাতে ভারতের সর্বনাশ করিবে। রাজনীতি ও সমাজ-নীতির মূল ধর্মনীতি—সেই নীতিকে উপেক্ষা করিলে চলিবে না। যদি ভারত ধর্ম পায়, তবেই সকল পাইবে;—যদি বিবেকের কথা মত চলিতে পারে, তবেই স্বাধীন হইবে; যদি চরিত্র পায়, তবেই একতা সম্ভব হইবে। নচেৎ ব্যভিচার, ভ্রম ইত্যাদি, বৈষম্য, অত্যাচার, ও অধীনতার যে ক্রন্দনের রোল উঠিয়াছে, ইহা থামিবে না, ইহা থামিবার নহে। ভাই ভারতবাসি, কেবলই হুজুগ করিবে, একবার কি ভারতের মূল শক্তির সেবা করিবে না?—শক্তি সাধন কর—তবেই আন্দোলনে ফল পাইবে, তবেই স্বাধীনতা পাইবে। তবেই সমাজ স্বর্গ হইবে, তবেই ইংরাজ পরাস্ত হইবে,—দেশ পুণ্যক্ষেত্র হইবে।

কর্তব্যনিষ্ঠ প্রেমাবতার বা ম্যাট্‌সিনি ।

পণ্ডিতেরা বলেন, হৃদয়ের শক্তি পৃথিবীর সকল শক্তি অপেক্ষা শ্রেষ্ঠ শক্তি। তাহার বলেন, হৃদয়শক্তি পৃথিবীর মূলশক্তি, আর সকল শক্তি তাহারই ছায়া বা প্রতিচ্ছবি। হৃদয়শক্তির প্রাথমিকই মাহুঘ-দেবতা বা ঈশ্বরবতার। হৃদয়শক্তির অপর নাম প্রেমশক্তি। এক প্রেমের বিকাসে আত্মার পরমাত্মার যোগ, আর এক প্রেমের বিকাশে সকলের সমানার,

জীবজন্তু সমস্ত সৃষ্ট পদার্থের সহিত আত্মার বসিষ্ট বোগ । মানুষ কে ?—
 ক্ষুদ্র হইতেও ক্ষুদ্র, কীটাপুং—চর্যল—শক্তিহীন । কোটা কোটা সৃষ্ট-
 পদার্থের একটা ক্ষুদ্র সৃষ্টি মানবসমাজ—সিদ্ধুর একবিন্দু । এক একটা
 মানুষ আবার সেই বিন্দুর এক অংশ । বিন্দুরও পরিমাণ করা যায়, কিন্তু
 প্রত্যেক মানুষ, স্বতন্ত্র ভাবে ক্ষুদ্র যে, তাহার পরিমাণও হয় না । বধন
 অগণ্য চন্দ্রতারকাখচিত নভোমণ্ডলের দিকে তাকাই, আর তাকাই বিশ্বর-
 পূর্ণ বিচিত্র সৌন্দর্যের লীলাক্ষেত্র এই পৃথিবীতলে, তখন মনে হয়,
 মানুষ কে যে, তাহাকে গণনা করিব ?—মানুষ কোথায় ?—বিন্দু তখন
 সৃষ্টিসিদ্ধিতে বিলীন হইয়া যায়, তাহার পরিমাণও করা যায় না । পরমাণুকে
 বিভিন্ন করিতে করিতে শেষে এত ক্ষুদ্র প্রাপ্ত হয় যে, তাহাকে
 করনাও করা যায় না । অতি ক্ষুদ্র, অতি ক্ষুদ্র—অতি সর্গীয় মানুষকে
 বিভিন্ন অবস্থায় চিন্তা কর; বুঝিতে পারিবে—সৃষ্টির সহিত তুলনায়
 মানুষ কত ক্ষুদ্র । পরমাণু মিলিতে লাগিল,—মিলিতে মিলিতে
 পাহাড় হইল, পর্বত হইল—নদ হইল, নদী হইল—সকল মিলিয়া সৃষ্টি-
 সিদ্ধ উৎপন্ন হইল । ক্ষুদ্র মানব-পরমাণুও মিলিতে লাগিল, মিলিতে
 মিলিতে কত বড় মানব-সমাজ হইল । কত ক্ষুদ্র জিনিষ কত বড় হই-
 রাছে । কতই জ্ঞান, কতই বিজ্ঞান, কতই দর্শন, কতই কাব্য মানুষের
 মস্তক হইতে নির্গত হইতেছে । সমষ্টিতে মানুষ কত বড় । দশ জনের জ্ঞান
 আমার চতুর্দিকে আছে বলিয়াই আমি এত শিখিতেছি—দশ জনের চিন্তা-
 শ্রোত আমাকে বেষ্টন করিয়া রহিয়াছে বলিয়াই, সেই শ্রোত ধরিয়া, চলি-
 তেছি । বংশ পরম্পরার জ্ঞান, শিক্ষা, ধর্মবল, চরিত্র-বল আমাকে পশ্চাৎ
 হইতে ঠেলিয়া অগ্রসর করিতেছে বলিয়া, আজ এত উন্নত হইয়াছি । ক্রমে
 যে পৃথিবী উন্নত হইতেছে, সে এই জন্ত, একের সাহায্য অপরে পাইরাছে ।
 সমষ্টির সমবেত শক্তি ভিন্ন মানুষ অতি ক্ষুদ্র—অতি অল্পমত । যদি পৃথি-
 বীর কোন মানুষ কোন মানুষের জন্ত না ভাবিত—কোন মানুষ মস্তক
 খাটাইয়া কোন মানুষের জন্য কিছুই জ্ঞান বিজ্ঞান সঞ্চর করিয়া না রাখিত,
 —সামাজিক, বা ধর্মনৈতিক, পারিবারিক বা পারলৌকিক কোন তর্কই
 যদি না রাখিয়া বাহিত, তবে পৃথিবী কখনই আজ এত উন্নত হইত না ।
 একের বলে ; অপরের বল, একের জ্ঞানে, অপরের জ্ঞান বৃদ্ধি । পরম্পরের
 প্রতি নির্ভর করিতেই হইবে । গৃহের বাহ্যিক, আর গৃহের বাহিরই হও—যদি

মানুষ হইতে চাও, পরস্পরের লান গ্রহণ করিতেই হইবে। উপেক্ষার সাক্ষ্য এখানে নাই। মহাসিদ্ধুর সহাবিন্দু পৃথক থাকিতে পারিবে না; মিলিবেই মিলিবে। মিলিতে মিলিতে, পাইতে পাইতে, লইতে লইতে পৃথিবী আজ কত উন্নতি লাভ করিয়াছে, জ্ঞান পরিমার কত বড় হইয়াছে। স্পেন্সর বিলাতে বসিয়া প্রদান করিতেছেন, আমি এখানে বসিয়া লইতেছি, কেশবচন্দ্র ভারতে বসিয়া জ্যোতি বিকীর্ণ করিয়াছেন,—পৃথিবী তাহা লইতেছে, ও লইবে। সকল মানব-পরমাণু মিলিয়া মিশিয়া এক মহাসিদ্ধু, সেই সিদ্ধুব নাম সমাজ। সমাজে যে আজ সতীর্ণ সাম্প্রদায়িকতা প্রবেশ করিয়া বিবাদ বিসম্বাদ তুলিয়া বিচ্ছেদের আগুন জ্বালাইয়া সর্বনাশ করিতেছে, তাহা জানি; কিন্তু তাহা স্বার্থ-প্রণোদিত ব্যক্তিত্ব ভিন্ন আর কিছুই নহে। সমাজ এক—অকূল সমুদ্র। খ্রীষ্টান, মুসলমান, হিন্দু, বৌদ্ধ—সব মিলিয়া এক মহাসিদ্ধু। সব মিলিয়া মিশিয়া একাকার। ছোট বড়, ধনী দরিদ্র, জ্ঞানী মুর্থ—সব একাকার। আদান প্রদান চলিতেছে—প্রাণে প্রাণে বিনিময় হইতেছে—সাম্প্রদায়িকতার শক্তি পরাস্ত হইতেছে, এক মহাবাগীর দুর্জয় নিনাদে সব মিলিয়া একাকার হইয়া বাইতেছে। বিন্দু উঠিতেছে—সিদ্ধুতে মিশিতে। বৃন্দ বৃন্দ জন্মিতেছে—পৃথকত্ব নাশ করিয়া সিদ্ধুতে মিলিতে। এক স্ত্রে সকল বাধা পড়িয়াছে। সত্য-যুগে কলিযুগে, স্বাপরে ত্রেতার দুশ্চন্দ্য দৃঢ় বন্ধন। শতাব্দীতে শতাব্দী দৃঢ় বন্ধনে বাধা। কালিদাস সেক্ষপিয়র, শঙ্করাচার্য্য আর বুদ্ধদেব, নিউটন আর গ্যারিবল্দি, চৈতন্য আর বিগুত্রীট, ম্যাটসিনি আর পার্কার—সকলেই এক দুশ্চন্দ্য শৃঙ্খলে আবদ্ধ—সেই শৃঙ্খল আবার বর্তমান নরনারীকে অলক্ষিত ভাবে বাধিয়া কেলিতেছে। এই যে স্ত্র, এই যে বন্ধন, ইহা মহাবন্ধন—মহামারার মহামারা-বন্ধন। ইহারই অপার নাম প্রেম। প্রেমই প্রথম বন্ধন, জ্ঞান পরে। প্রেমে মিলিয়া—তবে জ্ঞান পাইলাম। জড়জগৎকে প্রেমালিঙ্গন করিয়া মানুষ্য বিজ্ঞান পাইল, জীবজগৎকে আলিঙ্গন করিয়া দর্শন পাইল। প্রেম আদিত্তে ছিল, তাই আর সকল ষটিল, আর সকল মিলিল। প্রেম মূলে ছিল—তাই সকলে পরস্পরের বিশেষত্ব গ্রহণ করিতে পারিল—জ্ঞানী হইতে সঙ্কর হইল। প্রেমে জগৎ বাধা ছিল বলিয়া বর্তমান শতাব্দী অতীত শতাব্দীর অর্জিত বস্তুর উত্তরাধিকারী হইল—পূর্ব পিতার ঐশ্বর্য পাইল। বৃত্ত মানুষ

এক প্রেমোত্তেই এত উচ্চ মনুষ্যকে আজ অবস্থিত। মানুষ প্রেমের অবতার—
 তাই মানুষ আজ শ্রেষ্ঠ জীব—জ্ঞানে বিজ্ঞানে, বিদ্যা বুদ্ধিতে আজ এত
 উন্নত। এই যে প্রেমের মহাসমুদ্র—অগণিত—অখণ্ড উজ্জল,—চেউ-শূন্য,
 অখণ্ড বিহ্বল; এই সমুদ্রে মানুষ পড়িয়া মিলিয়া কেবলই পান করিতেছে।
 কৃত্র মানব-পরমাণু সকল একবার পান করিয়া পৃথক হইতেছে,—হইয়া
 আপন অস্তিত্ব জগতে প্রচার করিতেছে, আবার স্বাতন্ত্র্যকে সাগরে ডুবাই-
 তেছে। একবার আমি আমিষে আসিতেছি, আবার তোমাতে ডুবিতেছি—
 জগতে ডুবিতেছি—কূল কিনারা ভুলিয়া অকূলে মিশিতেছি। সব পরমাণু
 পৃথক, আবার সব পরমাণু একাকার। একবার সকলে আদান প্রদানের জন্য
 মিলিতেছে, আবার সকলে পৃথক হইয়া পড়িতেছে। এই প্রকার মিলিতে
 মিলিতে, ডুবিতে ডুবিতে, পান করিতে করিতে, এক এক জন, মহামায়ার
 মহা প্রেমে, মত্ত হইয়া যাইতেছেন। তাঁহাদের স্বতন্ত্র পরমাণু যেন সেই
 সিদ্ধিতে একেবারে মিলাইয়া যাইতেছে। আপনার অস্তিত্ব জগতের অস্তিত্বে
 মিলিয়া এক হইয়া যাইতেছে। তাঁহাদের আপনার বলিবার আর কিছুই
 থাকিতেছে না—সমস্ত জগৎ তাঁহাদের আপনার হইয়া যাইতেছে—অথবা
 তাঁহারা জগতের হইয়া যাইতেছেন; এমনই হইয়া যাইতেছেন যে, মানুষ
 দেখিয়া অবাক হইয়া যাইতেছে। তখন তাঁহাদের হৃদয়ে আর স্বার্থ নাই—
 কেবলই পরার্থ; সঙ্কীর্ণতা নাই কেবলই উদারতা,—সীমা নাই কেবলই
 অসীমতার লীলাখেলা দেখিয়া মানুষ চমকিত, বিস্মিত হইয়া যাইতেছে।
 মানুষ মানুষের সে অপরূপ দেখিয়া আর তাঁহাকে মানুষ বলিয়া
 চিনিতে পারিতেছে না। মানুষের বুদ্ধি বিদ্যা পরাস্ত হইয়া যাইতেছে—
 চিন্তা ও জ্ঞান বিলুপ্ত হইতেছে—অবাক হইয়া মানুষ মানুষদিগকে প্রেমের
 অবতার না বলিয়া ঈশ্বরাবতার বলিয়া পূজা করিতেছে। বুদ্ধদেব, নানক,
 চৈতন্য, যিশুখ্রীষ্ট—এই জন্য আজ জগতে—ঈশ্বরাবতার। এই কারণেই
 আজ আবার কোন একদেশদর্শী বাঙ্গলার পণ্ডিত শ্রীকৃষ্ণকে ঈশ্বরাবতার
 বলিয়া প্রতিপন্ন করিতে চেষ্টা পাইতেছেন। অসীমে সীমাত্ম আছে,
 সিদ্ধিতে বিন্দু আছে, কিন্তু সীমা ও বিন্দুতে অসীম সীমাপ্রাপ্ত,—সিদ্ধ
 বিন্দু-প্রাপ্ত। বিন্দু বলিলে সিদ্ধকে বুঝায় না। বিন্দুতে সিদ্ধর অংশ আছে—
 থাকিতে পারে, কিন্তু বিন্দুই সিদ্ধ নহে। এই কথাটা পৃথিবীর নরনারী
 বুঝিতে পারিল না। বৃক্ষে ঈশ্বর, কলে ঈশ্বর, ফুলে ঈশ্বর,—জলে ঈশ্বর,

হলে ঈশ্বর আছেন, সভ্য কথা ; কিন্তু তাই বলিয়া ফুলকেই ঈশ্বর বলিলে ঈশ্বরের কিছুই বলা হইল না ;—সিদ্ধ সেখানে বিন্দু হইয়া গেল ; অনন্ত-পূর্ণ-স্বরূপ সর্বাঙ্গ হইয়া গেল । আমাতে জ্ঞান আছে, কিন্তু তাই বলিয়া সে জ্ঞান এই রক্তমাংস নহে । আমাতে ঈশ্বর আছেন, কিন্তু তাই বলিয়া আমিই ঈশ্বর নহি । বিন্দু সিদ্ধর অংশ, কিন্তু বিন্দুকে সিদ্ধ বলিলে সিদ্ধর কিছুই বলা হইল না । এ কথাটি অনেকে বুঝে নাই, আজও অনেকে বুঝিতেছেন না । বুঝিতেছেন না বলিয়াই, আজও চৈতন্য এবং যিশুখ্রীষ্ট ঈশ্বরের অবতার বলিয়া পূজিত হইতেছেন । সে বাহা হউক, মানুষ যে আপনার অস্তিত্ব জগতের সহিত মিশাইয়া এক করিয়া দিতে পারে, সে কথা ঠিক ;—মানুষ যে আপন স্বার্থকে পরার্থ করিয়া লইতে পারে, তাহা নিশ্চয় । যুগে যুগে পৃথিবীতে এমন স্বার্থ-বিবর্জিত অনেক মহাত্মা জন্মিয়াছেন । ঊনবিংশ শতাব্দীর স্বার্থ-বিবর্জিত, পরদুঃখে কাতর, ভোগ-বিলাস-বিরত ম্যাটসিনি ইহার অলস্ত দৃষ্টান্তের স্থল । ঊনবিংশ শতাব্দীতে প্রেমের অবতার মহাত্মা ম্যাটসিনি । এক প্রেমতে ম্যাটসিনি দরিদ্র ও অসহায় হইয়াও প্রভূত শক্তিশালী—জ্ঞানী—পৃথিবীর পূজ্য । এই মহাত্মার উদ্দেশ্যে প্রবন্ধারম্ভে শত শত প্রণাম । ইনি প্রাতঃস্মরণীয়,—ইনি প্রতিভাশালী বীর,—ইনি শক্তি । যে শক্তি প্রভাবে ইটালি আজ গুনকথিত, ইনি সেই শক্তির অবতার ।

ম্যাটসিনিকে প্রেম-ধনি বলিলেও চলে, ম্যাটসিনি বলিলেও চলে । জীবনের অতি প্রত্যয়ে—ফুটন্ত বাল্য-কালে এই প্রেমের লীলা-খেলা আরম্ভ হইল । যখন ম্যাটসিনি ষষ্ঠ বৎসর বয়সের শিশু, তখন একদা জননীর সহিত উপাসনালয়ে গিয়াছিলেন । সিঁড়ির উপরে একটা বৃদ্ধ ভিক্ষুক উপবিষ্ট ছিল । ম্যাটসিনি দেখিবামাত্র ব্যগ্র হইয়া ভিক্ষুকের নিকটে বাইয়া গলা ধরিয়া মুখচুষন করিলেন, এবং জননীকে কাতর-স্বরে বলিলেন, “মা ইহাকে কিছু দেও ।” শিশুর প্রথম সংসার-দর্শনের দিনের এই আশ্চর্য্য ব্যবহার, এই মধুর কথা জননীর কর্ণে সুধাবর্ষণ করিল—সে কথা জননী জীবনে কখনও ভুলিলেন না । বৃদ্ধ ভিক্ষুক চমকিত হইয়া জননীকে বলিল—“Love him well, lady ; he is one who will love the people.” পৃথিবীর বালকগণ যখন পুলি-খেলার মত্ত থাকে, ম্যাটসিনির প্রাণে তখনই প্রেমের এমনি আবরণ পড়িল ;—বালকের খেলা হইল,

হুঃখীর হুঃখের কাহিনী প্রবণ করা,—আমোদ হইল, হুঃখীকে সাহায্য করা । বাড়ীতে ভিক্ষুক আসিলে যতক্ষণ পর্য্যন্ত ম্যাট্‌সিনির জননী ভিক্ষুককে সম্বোধন করিয়া বিদায় না করিতেন, ততক্ষণ বালকের মন সুস্থ হইত না—চক্ষের জল থামিত না । ম্যাট্‌সিনি বিবাদ ও হুঃখপূর্ণ কাহিনী শুনিতে বড়ই ভালবাসিতেন ; গল্প শুনিতে শুনিতে চক্ষের জল পড়িত । মাতৃ-ক্রোড় প্রেম-বিকাশের প্রথম স্থল ; সেই মাতৃ-ক্রোড়ের প্রতি ম্যাট্‌সিনির অপরাঞ্জিত ভালবাসা ছিল,—সে ভালবাসা ভাষায় ব্যক্ত হয় না । বাল্যকাল হইতে মায়ের মুখচ্ছবি ম্যাট্‌সিনির সকল হুঃখের সাঙ্গনা ছিল । ম্যাট্‌সিনি এক স্থানে লিখিয়াছেন—“মাতার অকৃত্রিম ভালবাসার দৃষ্টান্ত দেখিয়াই আমি পৃথিবীর জন্ত অশ্রু ফেলিতে শিখিয়াছিলাম !” নির্বাসনের অবস্থায় মাতার কথা মনে হইলেই অলক্ষিত ভাবে অশ্রু গড়াইয়া পড়িত । এমন ভালবাসার বস্তুকেও, কর্তব্যের অহুরোধে, প্রসন্ন চিত্তে পরিত্যাগ করিয়াছিলেন । এক দিন প্রহরীরা ম্যাট্‌সিনিকে বন্দী করিয়া লইয়া যাইতেছিল, ম্যাট্‌সিনির পিতা সে সংবাদ শুনিয়া বিহ্বলতার জ্বালা ছুটিয়া সম্মানকে দেখিতে আসিলেন ; প্রহরীদিগের অত্যাচারে ম্যাট্‌সিনির সহিত পিতার সাক্ষাৎ হইল না, ম্যাট্‌সিনি লোকের মুখে বলিয়া পাঠাইলেন, “মাকে বলিও, আমি কয়েক দিবস পরেই ফিরিয়া আসিব, কোন ভয় নাই ।” নির্বাসনের অবস্থায় মাতার নিকট পত্র লিখিতে দিত না, কিন্তু ইহা ম্যাট্‌সিনির প্রাণে সহিত না, তিনি সাক্ষাতিক চিহ্ন ব্যবহার করিয়া মাতার নিকট সর্বদাই সাঙ্গনামুচক পত্র লিখিয়া পাঠাইতেন । মা কাদিতেছেন, ইহা ম্যাট্‌সিনির প্রাণে বড়ই কষ্ট দিত । এক স্থানে তিনি বলিয়াছেন—“More powerful upon me than any advice or any danger, were the exceeding grief and anxiety of my poor mother, had it been possible for me to have yielded, I should have yielded to that.” আবার দেখ, কর্তব্যের অহুরোধে এমন দেবছন্দ মাতৃপ্রেমকেও ম্যাট্‌সিনি তুচ্ছমান করিয়াছিলেন । দারুণ কষ্ট বরণ্য সহ করিয়া একহলে ম্যাট্‌সিনি বলিতেছেন,—“My own mother—blessed be her memory !—with the earnest, deep-sighted love that looks forward to the future, had prepared me to stand, unshaken in the midst of every misfortune.” কি গভীর প্রেমের কথা !

বাল্য খেলা শেষ হইলে, স্কুলের খেলা আরম্ভ হইল,—মাতৃ প্রেমের পাশে লেখানে বিকাশ পাইল—এক দিকে প্রতিভা, আর এক দিকে স্নেহ-প্রেম ।

—“In school he was loved and respected by his fellow-students, for his good qualities of head and heart.” স্কুলের বালকদিগের প্রতি অত্যাচার দেখিলে ম্যাটসিনির চক্ষের জল সঞ্চার হইত না । কাহারও অভাব দেখিলে সে অভাব দূর না করিয়া থাকিতে পারিতেন না ; আপনার পাঠ্য পুস্তক, পরিধানের বস্ত্র পর্য্যন্ত দরিদ্র ছাত্রদিগকে বিতরণ করিতেন । স্কুলে থাকিতে থাকিতেই স্বদেশ ইটালির কালিমাময় চিত্র তাঁহার হৃদয়কে আকর্ষণ করিল । ইটালির দুর্দশা—দুঃখ দারিদ্র্য—বিদেশীর অত্যাচার—ঈশ্বর-প্রদত্ত স্বাধীনতার অপলাপ দেখিয়া প্রাণে দারুণ আলা আরম্ভ হইল । বালকের মুখ মলিন, পরিধেয় বস্ত্র মলিন । দিবসে, রজনীতে—গৃহে, বাহিরে এক প্রবল চিন্তাপ্রোত ম্যাটসিনিকে আক্রমণ করিল । যৌবন আগমন করে—মহুষ্যকে বিলাসী করিতে,—সুখে মাতাইতে ; ম্যাটসিনির যৌবন আসিল—হৃদয়ে স্বদেশ-প্রেম-হতাশন প্রজ্জ্বলিত করিতে । কি করিলে মানবসমাজের অভাব দূর হইবে, কি করিলে দেশের অভাব দূর হইবে, কি করিলে ইটালি স্বাধীনতা পাইবে, কি করিলে সাধারণ লোকের উন্নতি হইবে, এই চিন্তা ম্যাটসিনির প্রাণকে যৌবনের প্রারম্ভেই আক্রমণ করিল । তিনি জীবন-চরিতে লিখিয়াছেন ;—“My spirit was crushed by the impossibility I then felt of even conceiving by what means to reduce it to action……in the midst of the noisy, tumultuous life of the scholars around me, I was sombre and absorbed, and appeared like one suddenly grown old. I childishly determined to dress always in black, fancying myself in mourning for my country... Matters went so far that my poor mother became terrified lest I should commit suicide.” এই মলিন হৃদয়ের ও মলিন চিত্রের দারুণ প্রেমের টানে, স্কুলের ছাত্রবর্গ সজ-ছাড়া হইত না, স্কুলের ছুটি হইলে ম্যাটসিনির বাড়ীতে আসিয়া তাহার উপস্থিত হইত । প্রাণে দেশের অধীনতার চিত্র, বাহিরে ছাত্রদের জীবনের অভাব, ম্যাটসিনিকে মাতাইয়া তুলিল । লোকের অভাব দেখিলে তাহা দূর না হইলে আর সুস্থ হইতে পারিতেন না । স্কুলের পাঠ এক প্রকার শেষ হইলে, প্রথমে চিকিৎসা বিদ্যা অধ্যয়ন করেন, কিন্তু শব-ছেদনে ম্যাটসিনির নীড়া হওয়ার তাহা

পরিত্যাগ করিয়া আইন পড়িয়া নব্য উকীল হইলেন। ম্যাটসিনি যখন উকীল হইলেন, তখন পিতা মাতার হৃদয়ে আর আনন্দ ধরিল না। কিন্তু তিনি ওকালতি কি করিবেন?—উকীল হইয়া ভাবিতে লাগিলেন,—পিতা মাতার আশা ভরসার মূল উচ্ছেদ করিয়া দেশের জন্ত জীবনকে কেমন করিয়া উৎসর্গ করিবেন, কেমন করিয়া লোকের সেবা করিবেন। ইটালিতে ওকালতির যে দুই বৎসর দরিদ্রদিগের মর্কদ্দমা অবৈতনিক ভাবে গ্রহণ করিতে হয়, সে দুই বৎসর ভাল ভাবেই গেল,—হুঃখীর চক্ষের জল কতক নিবারণ করিতে পারিলেন, সমহুঃখী দরিদ্রদিগের অভাব দূর করিতে পারিয়া কতক সুস্থ হইলেন। তৎপরে তিনি দেশোদ্ধারের জন্ত প্রতিষ্ঠিত একটা গুপ্ত সভায় যোগ দান করিলেন। সে সভায় যোগ দিয়া তাঁহার হৃদয় তৃপ্ত হইল না;—কারণ সে সভার সভ্যগণের ধর্মবিবর্জিত উচ্ছৃঙ্খল ব্যবহারে তিনি মর্ম্মপীড়িত হইলেন। কিন্তু এ সভার সহিত সম্বন্ধ ছিন্ন করবার পূর্বেই তিনি উক্ত গুপ্ত সভা-সংশ্লিষ্ট কোন অপরাধে সেভনার হুর্গে হয় মাসের জন্ত বন্দী হইলেন। বন্দী অবস্থায় ইটালির অভ্যুদয়ের মূলমন্ত্র তিনি আবিষ্কার করিলেন—“উপরে ঈশ্বর, নিম্নে মানব-সন্তান, ইহার মধ্যে আর কোন মধ্যবর্তী নাই। অনন্তের ধ্যান ভিন্ন মানবের আর পরিত্রাণের পথ নাই। ধর্ম্মবল ভিন্ন স্বাধীনতা লাভের আর সহায় সম্বল নাই। মানব কেবল রাজার অধীন নহে, আচার ব্যবহার, টাকা কড়ি, বিলাস প্রলোভন—পৃথিবীর সকলে মিলিয়া মানুষকে দারুণ অধীনতায় পুরিয়া রাখিয়াছে; ইহাদের হস্ত হইতে মানুষকে উদ্ধার করিতে হইলে ধর্ম্ম ভিন্ন আর উপায় নাই।” এই চিন্তা ম্যাটসিনির মনে সেই সেভনার ক্ষুদ্র হুর্গে উদ্ভিত হইল। সেভনার ক্ষুদ্র গৃহের এক দিকে অনন্ত আকাশ, অল্প দিকে বিস্তৃত সমুদ্র, ম্যাটসিনির প্রাণে অনন্তের ভাব জমাইয়া দিল। জলন্ত নিরাশার মধ্যে আশা পবন বহিল;—মনে উদ্ভিত হইল—“All great national enterprises have even been originated by men of the people, whose sole strength lay in that power of *faith* and of *will* which neither counts obstacles nor measures time.” এই চিন্তাতে সিংহের বল ক্ষয় হইল;—“মানুষ ঈশ্বরের সন্তান—ধর্ম্মযাজক বা রাজার অধীনতার হস্ত হইতে অবশ্য মুক্তি পাইবে, চেষ্টা করিলে সকল অসম্ভব সম্ভব হইবে,” এই চিন্তায় বিভোর হইয়া লিখিলেন,—

“And I saw Europe, weary of scepticism, egotism, and anarchy, accept the new faith with acclamations” “Such” he says, “were my thoughts in my little cell at Savona ;” অন্য স্থলে ৪০ বৎসর পরে লিখিতেছেন—“ I think the same thoughts still, on broader grounds, and with maturer logic in the little room, no longer than that cell, wherein I write these lines. And during life they have brought upon me the title of Utopist and madman, together with such frequent disenchantments, and outrage as have often caused me—while yet some hopes of individual life yearned within me—to look back with longing and regret to my cell at Savona between Sea and Sky, and far from the contact of men.”

কারাবাসের অবস্থায় কখনও ম্যাটসিনি ক্ষুণ্ণচিত্ত হন নাই; কর্তব্য পালন করিয়া মরিতে পারিলেও সুখ, সদাই মনে হইত। বন্দীভাবে ছয়-মাস অতীত হইলে ফ্রান্স দেশে নির্ক্ষাসিত হইলেন। ফ্রান্সের মার্সি লিস্ নগরে গুপ্তভাবে তিনি “নব্য-ইটালি সভা” প্রতিষ্ঠিত করেন, এবং ঐ নামে একখানি পত্রিকা প্রকাশ করেন। ঈশ্বরের নামে নব্য-ইটালিকে উৎসর্গ করিয়া, মনুষ্যত্ব লাভের এক মাত্র উপায়, স্বাধীনতার বীজ বপন করিলেন। কিন্তু নব্য-ইটালি ধর্মশূন্য স্বাধীনতাকে লক্ষ্য হইয়া গঠিত হইল না। কেবল স্বাধীনতাই তাঁহার জীবনের লক্ষ্য ছিল না। এ সম্বন্ধে তাঁহার নিজের লেখা কত সুন্দর!—

“Liberty is but a means. Your task is to found the Universal Family, to build up the City of God, and unremittingly to labour towards the active, progressive fulfilment of His great work in Humanity.” মানুষ ভাই ভাই,—বড় ছোট সকলেই ঈশ্বরের সম্মান,—ভেদাত্মক নাই—রাজা প্রজা নাই—সকলেই অনন্ত উন্নতিশীল, সকলেই এক পথের পথিক। সকলকে মিলাইয়া ঈশ্বরের-রাজ্য প্রতিষ্ঠা করাই তাঁহার জীবনের ব্রত ছিল। নব্য-ইটালির কঠোর নিয়মাবলীতে ম্যাটসিনি আপনি অগ্রে নাম লিখিলেন—চিরজীবনের জন্ত ইটালির এবং মানব সম্মানের উদ্ধারের জন্ত জীবনকে উৎসর্গ করিলেন। ১৮৭৫ খ্রীষ্টাব্দে ম্যাটসিনি জন্মগ্রহণ করেন, নব্য-ইটালি ১৮৩১ খ্রীষ্টাব্দে প্রতিষ্ঠিত হয়। গুরুতর ব্রত গ্রহণ করিয়া ম্যাটসিনিকে জীবনে যে কষ্ট সহ করিতে হইল, তাহা আর সংক্ষেপে কি বলিব! হলনার, লোকের অত্যাচারে সমস্ত জীবন প্রায়

কারাবাসে ও নির্কাসনেই অভিযাহিত হইল। নির্কাসনে থাকিয়াও মান-
বের উন্নতির চেষ্টা করিতেন, শিক্ষাবিস্তারের চেষ্টা করিতেন, সংবাদ পত্রে
লিখিতেন, সাধারণের কলুষিত জীবনকে সংস্কৃত করিতে চেষ্টা করিতেন ;
মানুষের কল্যাণের অস্ত্র সেখানেও অবিরত পরিশ্রম করিতেন। উপবাস—
অনাহারে ম্যাটসিনিকে জীবনের অনেক সময় থাকিতে হইয়াছে, কিন্তু
সে সময়েও পরোপকারের কথা বিস্মৃত হন নাই। মানুষ মানুষের নিকট
উপকার পাইয়াও প্রত্যাশা করে না, ম্যাটসিনি শত্রুতার জালা যন্ত্রণা
আজীবন ভোগ করিয়াও পরোপকারে ব্রতী রহিলেন। লোকের সামান্য
উপকার করিতে বাইরা একটু কতি হইলে, মানুষের প্রাণ হিংসা-পীড়নে
অধীর হয়, ম্যাটসিনি সমস্ত জীবন কত কষ্ট সহ করিলেন—পরের উপ-
কারের জন্য! স্বার্থভাগ ম্যাটসিনির প্রতি শিরায় শিরায়, প্রতি ধমনীতে
ধমনীতে লেখা। কি এক গভীর প্রেমের খেলায় মত্ত, কোন কষ্টই কষ্ট বলিয়া
বোধ হইত না। ম্যাটসিনির জীবন-কাহিনীর প্রতি ঘটনার সেই প্রেমের
স্পষ্ট পরিচয় পাওয়া যায়। আমরা সামান্য প্রবন্ধে আর কত ঘটনার উল্লেখ
করিব। জীবনে এত কষ্ট সহ করিয়াছেন, কিন্তু তবু এক দিনের জন্তও মুখ
মলিন হয় নাই,—সদাই প্রসন্ন, সদাই গভীর মুখ,—কারাবাসও যেন ম্যাটসি-
নির স্বর্গবাস। প্রসন্ন চিত্ত—প্রীতিপ্রফুল্ল হৃদয়, সেখানেও হৃৎখীর হৃৎখ যন্ত্রণা
অপনয়নে ব্রতা। নির্কাসনেও হৃদয়ের অপরাজিত দয়া। জীবনের কোন
অবস্থাতেই পৃথিবীর নরনারীকে ভুলিয়া থাকিতে পারিতেন না, সর্বদাই বলি-
তেন—‘Say not I, but we,’ এই কথা ম্যাটসিনির জীবন বাক্য-ছিল, কেবল
আমি নহি, আমরা সকলে। ম্যাটসিনির মাতা কষ্টের কথা শুনিয়া সন্তানের
জন্ত বাহা পাঠাইতেন, তিনি কয়েদীদিগকে প্রসন্ন চিত্তে তাহা বিতরণ করি-
তেন, আপনি উপবাস করিয়াও অন্যের ক্ষুধা নিবৃত্তি করিতেন। রাস্তার
লোক ধরিয়া ধরিয়া উপদেশ দিতেন। যুব বৃদ্ধ সকলে সে উপদেশ শুনিত।
নির্কাসনের অবস্থায় বধন হৃৎখ কষ্ট ভীষণ হবে ম্যাটসিনিকে আক্রমণ
করিল, তখন কতিপয় বন্ধু লক্ষ্য পথ পরিত্যাগ করিতে ম্যাটসিনিকে পরামর্শ
দিয়াছিল ; কিন্তু ম্যাটসিনি তাহাদিগকে অটলভাবে বলিতেছেন—“If you
love me, let me die with Rome.”—আমার এই ইচ্ছা, রোমের উন্নতির
চিন্তা নইরা যেন মরিতে পারি। ইহাপেক্ষা প্রেমের জীবন্ত বাক্য আর
কি হইতে পারে !

এক সময়ে ম্যাটসিনির মনে সন্দেহের রেখা উদ্ভিত হইল,—আমি বাহ্য করিতেছি, ইহাই ঠিক কি না ? ভাবিতে ভাবিতে কুল কিনারা পাইলেন না—চতুর্দিক আঁধারময় বোধ হইল । ম্যাটসিনি সেই চিন্তার উন্মত্তের স্তায় হইলেন । গভীর রাত্রে স্বপ্ন দেখিয়া জাগিয়া উঠিতেন—পাগলের ন্যায় জানালার নিকটে ছুটিতেন ; এই ভাবে কিয়দ্বিবস গত হইল । কিয়দ্বিবস পরে চিন্তা করিয়া কুল পাইলেন, বিবেকের স্পষ্টবাণী শুনিলেন,—স্বপ্ন হইলেন । বিবেকের আদেশে কর্তব্যের দৃঢ় জ্ঞান প্রাণে উদ্ভিত হইল ;—ক্ষুদ্র প্রাণে আগুন জ্বলিয়া উঠিল, আপন দলের লোকদিগকে সন্মোদন করিয়া বলিলেন,—“ You are cowards, unfaithful to your own future, if, in spite of sorrows and delusions, you do not pursue it to the end.”

*** Whether the sun shine with the serene splendour of an Italian morn, or the leaden corpse-like hue of the northern mist be above us, I cannot see that it changes our duty.” কষ্ট যন্ত্রণা পাইয়া যে কর্তব্য ভুলিয়া যায়, তাহার স্তায় মূৰ্খ কে ? সূর্য্যের প্রথর রশ্মিই দীপ্তি পাউক কিম্বা প্রবল ঝড়ই বহুক, বুঝি না, কেন কর্তব্য পরিত্যাগ করিব । কঠোর কর্তব্য বোধে ম্যাটসিনি আজীবন জালা যন্ত্রণা সহ করিলেন—মানবের উদ্ধারের জন্ত প্রাণকে ভাসাইলেন ; আপন সুখ-বিলাস,—পিতার স্নেহের মধুর সম্ভাষণ ও বিচলিত করিতে পারিল না । লোক যখন মত্ত হয়, তখন এমনি করিয়াই হয় । ম্যাটসিনির মাতার মুখ-ছবি জীবনের বড় প্রিয় জিনিষ । কিন্তু মানবজাতির প্রেমের টানে তাহাকেও তুচ্ছ করিলেন,—জগতে নিঃস্বার্থ ভাবের কি দৃষ্টান্তই রাখিয়া গেলেন !—কিছুতেই ম্যাটসিনিকে বিচলিত করিতে পারিল না—

“But even were these consolations denied me,
I believe I should still be what I am.”

অনেকের বিশ্বাস, ম্যাটসিনি সর্কার দেশ-উদ্ধারের জন্যই বিশেষ চেষ্টা পাইয়াছিলেন, মানবজাতির কল্যাণের জন্য কিছুই করেন নাই । এ কথাটা অত্যন্ত ভ্রমপূর্ণ । ম্যাটসিনি সর্কারই মানবজাতির কল্যাণের কথা বলিতেন । প্রতি কথা, প্রতি চিন্তাতে—মানবজাতির কিসে উন্নতি হইবে, এই ভাব ক্ষুরিত । বাহার ইচ্ছা হয়, তাহার প্রবন্ধগুলি পাঠ করিয়া দেখিবেন । আপন দেশ সংশোধনের চেষ্টা করিতেন, সে এই জন্য যে, এক দেশ

উদ্ধার হইলেই অন্য দেশের উপকার হইবে। তাঁহার নিজের ভাষা এই,
 “In labouring for our own country, we labour for humanity.”

মানবের মঙ্গলের কথা তাঁহার জীবন-ভূষণ ছিল। ম্যাটসিনির বিশ্বাস ছিল, সমগ্র দেশের উন্নতি করিতে হইলে এক সীমাবদ্ধ স্থান হইতেই আরম্ভ করিতে হইবে। আপনার দেশকে সংশোধন, পরিবারকে সংশোধন, এবং আপনাকে সংশোধন করিলেও মানবজাতির কল্যাণের জন্য অনেক করা হইল। কারণ এত শুনি লোক সংশোধিত হইলে, দৃষ্টান্ত-স্বরূপে পৃথিবীর অনেক উপকার হইবে; অন্তত ইহাদের দ্বারা পৃথিবীর যে অপকার হইত, তাহা তা হইল না। সুপ্রসিদ্ধ পণ্ডিত স্পেন্সার ঠিকই বলিয়াছেন ;—

“Since the goodness of a society ultimately depends on the nature of its citizens ; and since the nature of its citizens is more modifiable by early training than by anything else ; we must conclude that the welfare of the family underlies the welfare of society.”

আপনার জন্য ম্যাটসিনি আর কিছুই রাখিলেন না—আপনার সর্বস্ব দেশের উদ্ধারের জন্য, মানব সমাজের কল্যাণের জন্য উৎসর্গ করিলেন, উদার প্রেমিক সন্ন্যাসী বলিতেছেন,—“I bade a long, sad farewell to all individual hopes for me on earth. I dug, with my own hands, the grave, not of my affections,—God is my witness, that now, greyheaded, I feel them yet as in the days of my earliest youth—but of all the desires, exigences, and ineffable comforts of affection, and I covered the earth over that grave, so that none might ever know the *Elgo* buried beneath,” বিরাম নাই, বিশ্রাম নাই, হৃৎকষয় যন্ত্রণার মুহূর্ত্তমান হইয়াও মানবের হিত চিন্তায় রত রহিলেন। অত্যাচারী রাজার অত্যাচার একদিকে, ম্যাটসিনির অধ্যবসায় ও চেষ্টা অপরদিকে। গোপনে কত সংবাদপত্রে প্রবন্ধ লিখিলেন, কত বক্তৃতা সহিত পরামর্শ করিলেন। গোপনে গোপনে কত লোককে মাতাইয়া তুলিলেন। একজনের প্রেমে ইটালি মাতিয়া উঠিল—দুর্ব্বল প্রাণে বল ও সাহস আসিল। বিলাসী বিলাস পরিত্যাগ করিয়া দলে যোগ দিল, বৃদ্ধ নববলে বলীরান হইয়া ম্যাটসিনির সহায় হইল। বাহা ষটিবার, দটিল। কত যুদ্ধ কত বিপদের পর ১৮৪৯ খ্রীষ্টাব্দে রোমে স্বাধীন-তত্ত্ব ঘোষিত হইল।

ম্যাটসিনির জীবনের সুখের দিন উপস্থিত হইল। পবিত্র রোম নগরে তিনি বলিতেছেন,—“Rome was to me, as, in spite of her present degradation, she still is, the temple of humanity. From Rome will one day spring the religious transformation destined, for the third time, to bestow moral unity upon Europe.”

কিন্তু লোকের চক্রান্তে ম্যাটসিনির সুখের স্বপ্ন ফুরাইল, আবার বুদ্ধবিগ্রহ উপস্থিত হইল, শেষ ফল এই হইল,—স্বাধীন ইটালিতে রাজতন্ত্র-প্রণালী প্রতিষ্ঠিত হইল। দারুণ যন্ত্রণায় ম্যাটসিনির হৃদয় আবার আচ্ছন্ন হইল। শেষ জীবনের কষ্ট ম্যাটসিনির আর বুটিল না—সকল চেষ্টা পরাস্ত হইল। বিবাদের মধ্য হইয়া ১৮৭০ খ্রীষ্টাব্দে ইংলণ্ড হইতে সিলিলীতে যাত্রা করিলেন। কিন্তু পথি মধ্যে আবার বন্দী হইলেন। জৈশ্বের রূপায় একটি রাজপুত্রের জন্ম উপলক্ষে এবার মুক্ত হইলেন। মুক্ত হইয়া বাল্যাকীড়ামূল—জীবনের আশা-স্থল রোমকে সজল নয়নে দূর হইতে জন্মের মত দেখিয়া যাত্রা করিলেন। ইটালি “Profaned by monarchy,” দেখিতে প্রাণে দারুণ ব্যথা পাইলেন। জেনোবাতে মাতৃ গোর-স্থান, তীর্থস্থানের ন্যায়, দর্শন করিয়া ইংলণ্ডে জীবনের অবশিষ্ট দিন কাটাইবেন, স্থির করিয়া, যাত্রা করিলেন। কিন্তু ইংলণ্ডে কর্তব্যপরায়ণ ম্যাটসিনি দেশের কথা ভুলিয়া থাকিতে পারিলেন না—কর্তব্যের মর্মদাহ সেখানেও ব্যতিব্যস্ত করিয়া তুলিল; তিনি জুগালোতে ফিরিয়া আসিয়া ‘রোমের প্রজা,’ নামক পত্রিকা চালাইতে লাগিলেন। এই খানেই জীবনের শেষ অভিনয় হইল—কয়েক বৎসর অতিরিক্ত পরিশ্রম করার শরীর অবসন্ন হইয়া পড়িল। অবসন্নতা দূর করিবার অভিপ্রায়ে আবার বুদ্ধ বয়সে ইংলণ্ডে যাত্রা করিলেন। কিন্তু দুর্বল শরীর আশ্রয় পর্বতের দারুণ ছঃসহ শীত সহ করিতে পারিল না; ১৮৭২ খ্রীষ্টাব্দে হৃৎকুস-প্রদাহে আক্রান্ত হইয়া ৬৭ বৎসর বয়সে মানবলীলা সম্বরণ করিলেন। জন-প্রাণী-হীন প্রদেশে, চির-নির্বাসিত অমরাত্মা শরীরকে পরিত্যাগ করিল। মৃতদেহ জেনোবাতে আনীত হইল, এবং সেইখানে অস্থিপঙ্কর প্রোথিত হইল। ম্যাটসিনির জীবন এইভাবে শেষ হইল। মাটার শরীর মাটিতে পড়িয়া রহিল। প্রেমের শেষ-লীলা সে দিন জন্মের মত নিবিয়া গেল। প্রেমে যে জীবন আরম্ভ—প্রেমের অহুরোধ পালনেই সেই জীবন শেষ হইল। মৃত্যুর পরে লোকেরা বুঝিল, কি সোণার পাখী উড়িয়া পলাইল। সামান্ত লোক হইয়াও লোকের এত ভালবাসা পাইরাছিলেন যে, মৃতদেহ

যখন গোরস্থানে নীত হইতে লাগিল, তখন ৮০ সহস্র লোক সঙ্গে সঙ্গে চলিল। চতুর্দিক হইতে ক্রন্দনের রোল বিশাল আকাশে অমরাভ্যাক্তে ধরিতে উঠিল। দীনহুঃখীর প্রাণ অধীর হইল। সাধারণ লোকের এমন ভালবাসা, আর কে কবে পাইয়াছে ?

ম্যাটসিনি এখন স্বর্গে,—প্রেমের অবতার প্রেমময়ীর চরণাশ্রয়ে শান্তি লাভ করিয়াছে। ম্যাটসিনির ন্যায় কর্তব্যনিষ্ঠ প্রেমিক ধার্মিক উনবিংশ শতাব্দীতে আর জন্মগ্রহণ করিয়াছেন কি না, জানি না। জগতের উদ্ধারের জন্ত, এক দিন প্রাণ ভাসাইয়াছিলেন—খ্রীষ্ট;—আর সে দিন, চক্ষের সম্মুখে প্রাণ ভাসাইলেন—ম্যাটসিনি। শয়নে, স্বপনে, চলনে, উপবেশনে, আহারে বিহারে, প্রেমবিহ্বল ম্যাটসিনি ক্ষীণ কণ্ঠে গাইলেন—কেবল ঈশ্বরের নাম। ভোগ-বিলাস-প্রলোভন-অনাসক্ত—ইন্দ্রিয়-সুখ-চাঞ্চল্য-বিরহিত বীর, অবিচলিত ভাবে স্বদেশের—সমগ্র মানবজাতির উন্নতির জন্ত, তাঁহাদের চরণতলে জীবনকে বিক্রয় করিয়া চলিয়া গেলেন। কার্যের জন্ত জন্মগ্রহণ করিয়াছিলেন, আজীবন খাটিয়াই মরিলেন। যেমন মুখে বলিতেন, “God created us, not to contemplate, but to act. He created us in His own image, and He is *Thought* and *Action*, or rather, in Him there is no *Thought* which is not simultaneous *Action*.” কার্যেও তেমনি করিতেন।—“কেবল চিন্তার জন্ত নহে—ঈশ্বর কার্যের জন্ত আমাদের সৃজন করিয়াছেন। তিনি আপন প্রকৃতিতে মানুষকে সৃজন করিয়াছেন। তাঁহাতে কার্য এবং চিন্তা একত্র সম্মিলিত, অথবা তাহাতে কার্যশূন্য চিন্তা নাই।” ক্ষুদ্র মানবশিশু গম্ভীরভাবে এই কথা বলিলেন, এবং জীবনের শেষ দিন পর্যন্ত এ কথার জীবন্ত সাক্ষ্য প্রদান করিলেন। ম্যাটসিনিকে কর্তব্যের অবতার বলিলেও চলে, কিম্বা প্রেমের অবতার বলিলেও হয়। প্রেম আর কর্তব্য একত্রে। যেখানে প্রেম নাই, সেখানে কর্তব্য নাই। মানুষকে ভালবাসিতে না পারিলে, আর তাহাদের উন্নতির জন্ত প্রাণ কাঁদিলে কেন ? প্রাণ না কাঁদিলে প্রকৃত প্রস্তাবে লোকের উপকার করা যায় না। জীবনে কর্তব্য-পালনের জীবন্ত দৃষ্টান্ত দেখাইলেন, এবং লেখনীতে অবিনশ্বর অক্ষরে, ‘মানবের কর্তব্য’ সম্বন্ধে, অমৃতময় ভাষার, উৎকৃষ্ট প্রবন্ধ লিখিয়া রাখিলেন। আজ তাঁহার সেই গম্ভীর প্রসন্ন মুখ পৃথিবীর অন্তরালে লুকায়িত হইয়া গিয়াছে; কিন্তু তাঁহার লেখনীর অমৃতবর্ষী কথা-লহরী মানবের চক্ষুকে তৃপ্ত করিতেছে;—স্বর মিলাইয়া গিয়াছে—কিন্তু ভাবা আজও পৃথিবীর

প্রাণকে আকর্ষণ করিতেছে । সাধারণ লোকদিগের জন্তই ম্যাটসিনির জন্ম, তাহাদের উন্নতির জন্তই জীবন-পাত, এবং তাহাদের উন্নতির জন্তই লেখনী ধারণ । মুখে বলিতেন, একই কথা—কি করিলে দেশের লোকের উন্নতি হইবে,—কেমনে মানুষ ধার্মিক হইবে ; লেখনীতে লিখিতেন তাহাই—কিসে সাধারণ লোকের মঙ্গল হইবে, কি করিলে ঈশ্বরের রাজ্য প্রতিষ্ঠিত হইবে । তাঁহার লেখার প্রতি পংক্তি ঈশ্বরের ভাবে পূর্ণ । এমন পৃষ্ঠা নাই, যাহাতে ঈশ্বরের মহিমা কীর্তিত হয় নাই । এমন একটা প্রবন্ধ নাই, যাহাতে মানবের উন্নতির কথা নাই । ‘মানবের কর্তব্য’ নামক প্রবন্ধের প্রতি ছত্রে তাহার অলস্তু ধর্মভাব, বিশ্বাস ও প্রেমের ছায়া প্রতিকলিত রহিয়াছে । উহা এতই সুন্দর যে, এক ছত্র রাখিয়া আর এক ছত্র তুলিয়া উপহার দেওয়া যায় না । এমন আশ্চর্য্য জিনিষ পৃথিবীতে অতি অল্পই আছে । ঈশ্বর ভিন্ন তাঁহার কার্য্য ছিল না, ঈশ্বর ভিন্ন কথা ছিল না । আপন জীবনে যাহা, অন্তরেও তাহাই বলিতেন ;—“Be your country your Temple, God at the summit, a people of equals at the base.”

একমাত্র পরব্রহ্মই মুক্তির সোপান—তিনিই আশ্রয়, তিনিই গতি, ইহাই তাঁহার প্রাণগত বিশ্বাস ছিল । ঈশ্বর ও আত্মা, ইহার মধ্যে আর কোন মধ্যবর্তী নাই, এইটী প্রাণের কথা ছিল । সরল বিশ্বাসীর সরল কথা,—“There is not, there cannot be, infallibility either in Man or Powers * * * there is not and there cannot be need of any interpreter between God and man.” স্বথে হুঃখে, সম্পদে বিপদ, সকল সময়েই অনন্তের ভাব তাঁহার প্রাণকে পূর্ণ করিয়া রাখিত । ম্যাটসিনি যদি ঈষ্ট-সমাজের লোক হইতেন, আজ তাঁহার গৌরব-কাহিনীতে পৃথিবী টলমল করিত । আমাদের বিশ্বাস,—লুথার ও সেন্টপলের জীবন অপেক্ষাও ম্যাটসিনির জীবন ভক্তি বিশ্বাসে অনেক উন্নত, কিন্তু ঈষ্ট-বিশ্বাসবিরোধী বলিয়া আজ ম্যাটসিনির নাম অনাদৃত । ম্যাটসিনি এক মাত্র ঈশ্বর-বিশ্বাসী ছিলেন ; সাম্প্রদায়িকতার প্রতি অত্যন্ত বিরক্ত ছিলেন ; পৌরহিত্য-প্রচার অত্যন্ত বিদ্বেষী ছিলেন । মানুষ মানুষের দাস হইবে—সম্প্রদায়ের দাস হইবে, গুরুর দাস হইবে—ইহাও তাঁহার সম্ব হইত না । মানুষকে ঈশ্বরাবতার বলিতে প্রাণে বড়ই ব্যথা পাইতেন, “We own but one Master in heaven, — God, and but one interpreter of His law

on earth,—the People.” মানুষ পরস্পর ভাই ভাই ; ভাই ভাইয়ের উন্নতি করিবে—ভাইকে ভালবাসিবে—মানবজাতির কল্যাণের চেষ্টা করিবে । মানবজাতির উন্নতির চেষ্টাই মানবের এক মাত্র কর্তব্য ; এই কর্তব্য-পালনই মানবের লক্ষ্য—কর্তব্যের মূলে ঈশ্বর । তাঁহার নিজের ভাষা এই,—*This principle is Duty. We must convince men that they are all sons of one sole God, and bound to fulfil and execute one sole law here on earth: that each of them is bound to live, not for himself, but for others ; that the aim of existence is, not to be more or less happy, but to make themselves and others more virtuous ; that to struggle against injustice and error (wherever they exist), in the name and for the benefit of their brothers, is not only a right but a Duty ; a duty which may not be neglected without sin, the duty of their whole life.*” ‘একমাত্র কর্তব্যপালনের জন্তই মানবের সৃষ্টি । মানুষ এক ঈশ্বরের সন্তান, এবং প্রত্যেকে তাঁহার আদিষ্ট কর্তব্য পালনের জন্ত দায়ী । জীবন আপনার জন্ত নহে, পরের জন্ত । আপনার সুখ লাভের জন্ত জীবন-ধারণ নহে,—কিন্তু অন্তকে সুখী করা ও আপনাকে ও অতকে নীতিপরায়ণ করার জন্তই জীবন । এ কর্তব্য সকলকেই পালন করা উচিত । যিনি পালন না করেন, তিনি মহাপাপে পানী ।’ কি উদার কথা, কি উচ্চ নীতি ! এমন উদার কথা উচ্চ প্রেমিক ভিন্ন কে বলিতে পারে ? কেইবা বুঝিতে পারে ? মানুষ কেবল পরের জন্যই জীবন ধারণ করিবে, একথার জীবন্ত দৃষ্টান্তই বা কয়-জনে দেখাইতে পারে ? প্রেমিক ভক্ত বলিতেছেন ;—

“Preach duty to the Classes above you, and fulfil, as far as in you lies your own. Preach virtue, sacrifice, and love ; and be yourselves virtuous, loving, and ready for self-sacrifice.”

হানান্তরে—“And so long as you are ready to die for Humanity, the life of your country will be immortal.”

কত কথাই বা তুলিব, আর কত কথাইবা বলিব । ঈশ্বার লেখার প্রতি পংক্তিতে প্রেমের অক্ষুট ছায়া, কথার প্রতি অক্ষরে প্রেমের অপূর্ণ জ্যোতি, তাঁহার কথা, অপ্রেমিক আমরা, আর কি বলিব ? যিনি তাঁহার লেখা কখনও পাঠ করেন নাই, তিনি আমাদের কথায় তাঁহার প্রেমের কিছুই আভাস পাইবেন না, এই চিন্তায় প্রাণে আঘাত লাগিতেছে । কথা ছুরাইয়া বার, অথচ ভাব প্রকাশ হয় না, এ কথা কোথায় রাখিব ?

ম্যাটসিনি প্রেমিক ছিলেন, ইহাই অদ্যকার প্রবন্ধের আলোচ্য । উচ্চ অঙ্গের প্রেমিকই উচ্চ অঙ্গের জ্ঞানী । ম্যাটসিনির জ্ঞান এবং অজ্ঞাত গুণ আজ কাল সভ্যজগতের চক্ষুকে আকর্ষণ করিতেছে । এমন কি, ম্যাটসিনির ন্যায় উচ্চ রাজনীতিজ্ঞ ঊনবিংশ শতাব্দীতে আর জন্ম গ্রহণ করেন নাই, এ কথা অনেক মহা মহা পণ্ডিতগণও বলিতেছেন । ম্যাটসিনি যে মহা পণ্ডিত ছিলেন, সে কথাও অনেকে বলিতেছে । অনেকে বলিতেছে, ত্রিবিধাতে আরো অনেকে বলিবে । প্রেম ও ধর্ম্য ভাবের কথা বলাই আমাদের উদ্দেশ্য ছিল ; কিন্তু আমরা দেখিতেছি, আমাদের দ্বারা তাহার কিছুই হইল না । প্রেমহীন-জীবন, প্রেমিক-জীবনের গুণ-কীৰ্ত্তনে, কেমনে সক্ষম হইবে ? বিনীত ভাবে প্রার্থনা, ম্যাটসিনির গভীর প্রেমতত্ত্ব, এই মলিন ভাষার পড়িয়া, তাঁহার প্রতি কেহ বিরক্ত হইবেন না । তিনি ভগবৎ-প্রেম-ভক্তিতে মানব সমাজের আদর্শ ও পূজ্য ।

এক দিন শক্তির বিষয় ভাবিতেছিলাম । ভাবিতেছিলাম, মানুষ কুদ্র, কি মানুষ মহৎ ! মানুষ কুদ্র তখনই—যখন মানুষ আপনার সর্কারী স্বার্থ লইয়া ব্যস্ত । মহৎ তখনই, যখন প্রেমে অল্পপ্রাণিত হইয়া মানুষের প্রাণ অত্যন্তে আলিঙ্গন করে—অন্তের অশ্রু মুছাইয়া দেয়—পর-হৃৎ অপরসরণে জীবনকে বলি দেয় । প্রেম-হীনতার মানব কুদ্র—অতি কুদ্র । এক প্রেমে মানুষ অতি উচ্চ, অতি মহৎ । প্রেমের বন্ধা যে জীবনে প্রবাহিত, সে জীবন কি না করিতে পারে ?

লোকে বলে অর্থ নাই, বল নাই, ঐশ্বর্য্য নাই, পৃথিবীর কি কার্য্য করিব ? আমরা বলি, কার্য্য করি না, কারণ আমাদের ইচ্ছা নাই, প্রেম নাই । প্রেমেই ইচ্ছা, ইচ্ছাতেই কার্য্য । ইচ্ছা করিয়া দেখ, পাহাড় পর্ব্বত সমান বাধাবিহীন চলিয়া যাইবে । অর্থহীন, সহায়হীন, সম্বলহীন একা ম্যাটসিনি ইটালিতে সে দিন কি করিয়া গেল, একবার চিন্তা কর । সূত্রধরের সন্তান একাকী পৃথিবীতে কি করিয়া গিয়াছেন, চিন্তা কর । টাকাতে পৃথিবীর কার্য্য হয়, যে মনে করে, তাহার দ্বার ব্রাহ্ম আর নাই । কেশবচন্দ্র বলিয়াছেন—“আমি সকল করিতে পারি, এই জন্ত যে, আমার কিছুই নাই ।” প্রেমেই টাকা, ইচ্ছাতেই কার্য্য । ধর্ম্মের কথা নহে, এ সংসারের সোজা কথা । টাকা অগ্র্যে সঞ্চয় করিয়া কেহ পৃথিবীর কোন মহৎ কার্য্য করিতে পারিয়াছে, ভুলিয়াছে কেহ ? টাকা সঞ্চয় কর—আমো বাসনার

আগুন বাড়িবে । কে খাওয়াইবে, কে দিবে, কে পরাইবে, ভাবিয়া ভাবিয়া
 বে অস্থির হয়, সে পৃথিবীর কি কার্য্য করিবে ? প্রেমে ভাবনা চিন্তা নাই ;—
 কর্তব্য কার্য্য সম্পন্ন করিতেই হইবে, এই মাত্র জানি, না করিলে প্রাণ অস্থির
 হয়, এই মাত্র বুঝি, আর কিছুই জানি না ; এই প্রকার দৃঢ়তার সহিত
 যে কার্য্য করিতে যার, সেই সিদ্ধ হয় । যিনি মঙ্গলময়ী, তিনিই অভাব
 পূর্ণ করিবেন ; আমরা কেবল কার্য্য করিব—খাটিব—মরিব । যার মা আনন্দ,
 তার ঘরে চিন্তা, বিষাদ—নিরানন্দ থাকিবে না । সে আনন্দ—মহানন্দ-
 সচ্চিদানন্দ । প্রেমে অধুরঞ্জিত হও—আর সকল ভাবনা চলিয়া যাইবে ।
 প্রেমে পূর্ণ হও, সকল জ্ঞানলাভ হইবে । প্রেমে পূর্ণ হও, সকল অভাব
 দূর হইবে । বিশ্ব-জননী উপরে, নিম্নে মানব সন্তান । তাঁহার প্রেমে রঞ্জিত
 হইয়া ভাতা ভগিনীর উন্নতি-সাধনের জন্ত প্রাণকে ভাসাও, হৃৎখীর অশ্রু
 মুছাইতে ধাও । আপনাকে ভুলিয়া অস্ত্রের জন্ত জীবনকে উৎসর্গ কর ।
 করিয়া দেখ—অসাধ্য সাধিত হয় কি না ? অপ্রেমিক, তুমি করিবে, ভাবি-
 তেছ ?—মূৰ্খ মানব, দূর হও । বিশ্ব-প্রেম অবতীর্ণ না হইলে কিছুই পারিবে
 না । প্রেমের সাধনা কর । পাহাড় বিদীর্ণ করিয়া জল বাহির কর, তবে ত
 অসাধ্য সাধিত হইবে । শিক্ষা-বিস্তারের কথা বল, একতা বল, জ্ঞান বল,
 সকলের মূলে প্রেম ; প্রেমেই শক্তি, প্রেমেই মুক্তি । প্রেমেই বল, প্রেমেই
 জ্ঞান । প্রেমহীন মানুষ পশু, প্রেমেই মানুষ দেবতা । সিন্ধুতে বিন্দু
 হইয়া ডুবিয়া প্রেমে রঞ্জিত হও—বিশ্বের অন্তরালে যে চিদ্বন আনন্দ—
 সদানন্দ-স্রোত প্রবাহিত, তাহাতে নিমগ্ন হও । নিশ্চয় বলিতে পারি,
 দেশ উদ্ধারের জন্ত আর কোন শক্তির প্রয়োজন নাই—কেবল প্রেম চাই ।
 ‘সবে ধন নীলমণিকে’ পাইলেই হয় । আর কিছুই চাই না—কেবল প্রেম
 চাই । প্রেম আসিলে জ্ঞান অবতীর্ণ হইবে—বুদ্ধি অবতীর্ণ হইবে, কল্যাণ
 অবতীর্ণ হইবে, মঙ্গল অবতীর্ণ হইবে, অর্থ ঐ অনন্ত নীলিমা ভেদ করিয়া
 নামিবে । মানবের যদি কোন কিছুই অভাব থাকে, তবে সে অভাব কেবল
 প্রেমের ;—বিশ্ব-প্রেমের—উদার প্রেমের । সেই প্রেম, যে প্রেমে ভেদাভেদ,
 সর্বপ্রকার জাতিভেদ ও সাম্প্রদায়িকতা নাশ করে । সেই প্রেম, যাহাতে
 ধনী দরিদ্রের গণনা থাকে না । সেই প্রেম, যাহা পাইলে মানুষ চূপ
 করিয়া অলসভাবে বসিয়া থাকিতে পারে না । সেই প্রেম, যাহা পাইলে
 মানুষ অস্ত্র মুছাইতে উৎসাহিত হইয়া থাকিত হয় । বোণী শব্দের যে

প্রেম ছিল না, তাহা চৈতন্তের ছিল ; তাহা জীঠের ছিল, তাহা ম্যাটসিনির ছিল । যে প্রেম কর্তব্য-বোধ জন্মায় না, সে প্রেম প্রেম নহে । যে প্রেমে কার্য্য নাই, তাহা প্রেমের অপভ্রংশ মাত্র,— সে প্রেমে জীবন নাই, তাহা শুষ্ক, তাহা মৃত প্রেম । প্রেমিক নিতাই গৌরের প্রেম দেখে, আর প্রেম দেখে, প্রেমিক ম্যাটসিনির । ‘মানুষ আর তোকে বুকে পুরি—আয় তোর চক্ষের জল মুছাই, আর হৃদয়ে মিলিয়া ভগবৎ-প্রেমের গান পাই ।’ এই ভাবে পূর্ণ হইয়া একবার হরির গান গাইল, সোণার কণ্ঠে—গৌর আর নিতাই, আর সেদিন গাইল—ইটালিকে মাতাইয়া, দরিদ্র ম্যাটসিনি । লেখক প্রেমসিদ্ধ ; সেই সিদ্ধিতে—জীঠ, গৌরানন্দ, নিতাই, ম্যাটসিনি, বিন্দু । প্রেমসিদ্ধের কৃপায় মানুষ বিন্দু হইয়া পৃথিবীতে কি কাণ্ড বাধাইয়া পেল, মানুষ একবার ভাব, একবার চিন্তা কর ।

আশার কথা ।

ঊনবিংশ শতাব্দীর শেষ ভাগে প্রাচীন ভারত ‘নব্যভারত’ নামে অভিহিত হইয়াছে । পৃথিবীর বড়ি বুঝিবার শক্তি থাকে, তবে পৃথিবী বুঝিবে— প্রকৃত পক্ষেই ভারত বর্তমান সময়ে ‘নব্যভারত’ নামে পৃথিবীর কাহিনীতে আখ্যাত হইয়াছে । ভারত যে নববেশ ভূষিত হইয়া নবজীবন লাভ করিয়াছেন, একথা আমরা প্রচার না করিয়া থাকিতে পারি না । সত্য-কাহিনী প্রচার করিবার সময় বাধা বিঘ্ন স্বরণ করিয়া যে নিরন্ত থাকে, সে মূর্থ । প্রাচীন ভারত নববেশে জগতের নিকট উপস্থিত হইয়াছেন, আমরা একথা বলিব—কাহারও কথা শুনিব না । ইতিহাস-লেখকগণও সকল প্রকার বাধা বিঘ্ন অতিক্রম করিয়া, কলম ধরিয়া এই কথা স্বর্ণাক্ষরে ইতিহাসের পৃষ্ঠায় লিখিয়া রাখিবেন ।

কি ?—ভারত নূতন ? প্রাচীন ভারত আবার নূতন হইল ? বৃহৎ কি যুবকে পরিণত হইতে পারে ? এ কি শাস্ত্র ? পুনর্জন্মে কি-ভাবে বিশ্বাস করিতে হইবে ? প্রাচীন ভারত আরও প্রাচীন হইবেন, না পুন নবীন হই পরিণত হইলেন ? আমরা বলি, এ সকলি সম্ভব । জড়জগৎ হইতে প্রাণি-জগৎ পর্য্যন্ত, সকলেরই উত্থান ও পতন আছে । বৃক্ষের পুরাতন গাছ ধরিয়া

পড়ে—আবার নূতন পত্র শাখা প্রশাখাকে শোভিত করে;—মহুযের নিস্তেজ ও মলিন অঙ্গও সময় বিশেষে সতেজ হইয়া কত শোভা ধারণ করে। একবার মহুয নীতি সম্বন্ধে হীন হয়; পতিত হয়—আবার উজ্জ্বল বর্ণে শোভিত হয়—সুনীতিতে ভূষিত হয়। এই মর্ত্যজগতে এমন লোকের অস্তিত্ব অনুভব করা যায় না, যে একবার পতিত হইয়া না উঠিয়াছে,—একবার মরিয়া যে না বাঁচিয়াছে। মহুয একবার মরে, আবার বাঁচে; একবার বৃদ্ধ হয়, আবার নবীন হয়—আবার নবরসে পূর্ণ হয়। মহুয সম্বন্ধে যাহা, দেশ সম্বন্ধেও তাহাই; ইহার একটুও ব্যতিক্রম নাই। পৃথিবীর অবিশ্রান্ত গতিতে ঘূর্ণায়মান হইতে হইতে কোন দেশ ভূষিতেছে, কোন দেশ উঠিতেছে,—কোন দেশের মৃত্যু হইতেছে,—কোন দেশের পুনর্জন্ম লাভ হইতেছে। কালের অনন্ত লীলায় একবার যে দেশ মৃত্যুযুগে পড়িয়াছিল, সে দেশ সময়ে আবার জীবন লাভ করিতেছে। এই প্রকার জন্ম মৃত্যু যেন পৃথিবীর সর্বত্র ঘুরিয়া ফিরিতেছে। একবার ইটালীর উত্থান, আবার পতন, আবার উত্থান। ইতিহাসে যাহা ইটালী সম্বন্ধে ঘটয়াছে—ইতিহাসে তাহাই হতভাগ্য ভারত সম্বন্ধে ঘটয়াছে ও ঘটিতেছে। প্রাচীন ভারতের স্থিতি নব্যভারতের এক সম্পত্তি বিশেষ বটে, কিন্তু প্রাচীন ভারতের আর কি আছে? সকলেই জানেন—কিছুই নাই। সে গার্মী নাই, সে ধনা নাই, সে লীলাবতী নাই, সে সাবিত্রী নাই, সে যুধিষ্ঠির নাই, সে ভীম নাই, সে রামচন্দ্র নাই, সে কপিক নাই, সে চার্কক নাই, সে কালিদাস নাই, সে আর্য্যভট্ট নাই, সে বরাহমিহির নাই,—সে কালের আশা ভরসা, কিছুই নাই। কিছুই নাই—ভারতের পূর্বকাহিনী স্বপ্ন হইয়া অতীত কালের সহিত মিশাইয়া গিয়াছে;—সে কালের কোন বস্তুর সহিত একগুণকার আর সাদৃশ্য নাই। সহস্র বৎসর স্তব্ধ জ্ঞতি করিলেও আর সে সকল ফিরিবে না। সে লাস্ত; যে আজও সেই সকল মায়াময় স্বপ্ন ভারতবর্ষে—এই হিন্দুস্থানে বর্তমান শতাব্দীতে দেখিয়া ভুলিতেছে। সে কালের কিছুই নাই। ভারতের পূর্বের সকলই কালের অনন্ত সাগরে বিজীন হইয়া গিয়াছে—কিছুই নাই। ভারতের পূর্ব জীবনী শক্তি বধন একেবারে বিলুপ্ত হইল, যখন একে একে সকল রত্ন ভারত-বন্ধকে শূন্য করিয়া গলারন করিল; তখন ইতিহাস-লেখকগণ শোকার্ত-হৃদয়ে চক্কর জলের দ্বারা ইতিহাসে লিখিলেন—ভারত মৃত্যু যুগে পতিত হইয়াছে। সেই হইতে কলিকলগন অন্ধকারে আচ্ছন্ন হইল,—সেই

ভীষণ বিজীবিকাময়ী অন্ধকারে বীনচেতা পত্ন সকল মনে মনে বিচরণ করিতে লাগিল ;—কেহ কাহাকে দেখেনা—কেহ কাহাকে মানে না ;—এই প্রকারে ভারত কতকাল মৃত্যুর করাল কবলে পড়িয়া রহিল। ভারতের দুর্দশার সে কাহিনী কেবা বলিতে পারে, কেবা শুনিতে জানে ? সেই সময়ে মৃত-ভারতের ইতিহাস আর কেহ লিখিল না। কত শত বৎসর চলিয়া গেল—দরিদ্র ভারত বে মৃত, সেই মৃত। সকলের আশা-দীপ একেবারে নির্বাপন হইয়া গেল—ভারত আবার জীবন পাইবে, এ আশা আর কাহারও মনে স্থান পাইল না।

আমরা ভারতের সেই অতীত কাহিনী শ্রবণ করিয়া আজ চক্কের জলে ভাসিতেছি—সকল ঘটনা লিখিতে ইচ্ছা হইতেছে না ;—সকল কথা ব্যক্ত করিতে হৃদয় অগ্রসর হইতেছে না। এই মরুভূমিতে আবার সরসী সৃজিত হইবে, অন্ধকার গৃহে আবার উজ্জ্বল আলোক শোভা পাইবে—ভারতে আবার সূর্য উদিত হইবে, তখন এ চিন্তা কাহারও মনে স্থান পায় নাই। কিন্তু পৃথিবীর ইতিহাস কি দেখিল ? সবিনয়ে অগত দেখিল—ধীরে ধীরে ভারত-গগনে আবার নবীন সূর্য উদিত হইতেছে। ভারত-অন্ধকারে আবার দীপ জলিতেছে দেখিয়া, সেই সময়ে পৃথিবী কলরব করিয়া উঠিল। ভারত তখন ঐ আলোকের মর্ম্ম কিছুই বুঝে নাই,—ভারতের তখন বুঝিবার শক্তি ছিল না। ভারতভূমির সেই সূর্য্যোদয়ের কাল ইংরাজ-রাজত্বের সময় হইতে গণনা করা যায়। যে কারণেই হউক, ইংরাজ ভারতকে উদ্ধার করিলেন,—ভারতকে জীবিত করিলেন। তারপর কি হইল ? সূর্য্য ধীরে ধীরে গগনে উঠিতে লাগিল ; যে জাতি শত শত বৎসর অন্ধকারে বাস করিয়া চক্ষুর জ্যোতি হারাইরাছিল, সেই জাতির আলোক সঞ্ছ হইল না,—তাহারা কলরব করিয়া উঠিল,—অভ্যাচার—অধিচার—অধীনতা এই প্রকার কত কর্কশ শব্দ জাতিতে লাগিল। ইংরাজ-রাজত্বকে হৃৎপের বলিতে চাও, বল, কিন্তু ভাই, নিষ্ঠুর জানিও, ঐ সূর্য্য কখনও এত শীঘ্র ভারত-গগনে উদিত হইত না, যদি ইংরাজ ভারতে পদাধীন না করিত। বাউক, সে কথা আর প্রয়োজন নাই। সূর্য্য ভারতকে আলোকিত করিবার জন্য আসিয়াছিল—আলোকিত করিল। ভারতের সকলে তখন মূব সেলাচেনি করিতে লাগিল—‘আর ভারতের আর’ এই শব্দ চক্ষু-দিকে ঘোরিত হইতে লাগিল,—পূর্ব্ব দৃষ্টি হৃদয়ে অধিয়া উঠিল,—কেহ

বক্ষে আঘাত করিয়া হাহাকার করিতে লাগিল,—কেহ ইংরাজকে তাড়াইবার জন্য অলীক আশার স্বপ্ন দেখিয়া সময় কাটাইতে লাগিল। কিন্তু এ সময়ও দীর্ঘকাল স্থায়ী হইল না ;—সৌভাগ্যবশত শিকার সহিত ভারতের উৎকরজ একটু শীতল হইল ;—ভারতবাসী স্বাভাবিক কোমলভাবে পরিপূর্ণ হইতে লাগিল। এই প্রকারে ক্রমে ক্রমে ভারত জীবন পাইলেন ; কেবল জীবন নহে, শক্তি পাইলেন ;—ভাল মন্দ বুঝিবার জ্ঞান জন্মিল,—নীতির আদর বুঝিলেন। ভারত তখন ইংরাজকে নমস্কার করিতে শিখিলেন,—ভারতের মস্তক নত হইল। এই সময়ে আমরা ভারতকে ‘নব্য-ভারত’ বলিয়া অভিহিত করিলাম ;—পৃথিবীর সত্য, অসত্য, অসংখ্য জাতি এই সময়ে ভারতকে একবাক্য ‘নব্যভারত’ বলিয়া ব্যাখ্যা করিল।

কেহ কেহ বলিতে পারেন—সেই প্রাচীন ভারতই যে এই, তাহার প্রমাণ কি ?—প্রমাণ চাও ?—ভারতের উত্তরদিকে তাকাইয়া দেখ—ঐ হিমালয় অদ্যাবধি মস্তক উত্তোলন করিয়া—আপন বক্ষে স্থিতির গৌরব-চিহ্ন সকল অঙ্কিত করিয়া রাখিয়া তোমার কথার উত্তর দিবার জন্য দাঁড়াইয়া রহিয়াছে ;—ঐ স্থিতিময়ী তরঙ্গসঙ্কুল গঙ্গা যমুনা রহিয়াছে ;—ঐ কীর্ত্তিময়ী অযোধ্যা রহিয়াছে। আর কি চাও ?—ঐ দেখ, ভারতবাসীর হৃদয়ে, সম্বন্ধমতীর উজ্জল অক্ষরে, প্রাচীন ভারতের স্থিতি-চিহ্ন বিদ্যমান রহিয়াছে ;—দেখ, ধর্ম-প্রধান প্রাচীন ভারতের দয়া ধর্ম কি প্রকারে নব্যভারতের হৃদয়কে অধিকার করিয়া রহিয়াছে ; দেখ, ঐ স্তূপাকারে প্রাচীন সংস্কৃত গ্রন্থ সকল ‘নব্যভারতের’ ভাষার সৌন্দর্য্য কি প্রকারে বৃদ্ধি করিতেছে,—ভাষার মূলে কি প্রকার শক্তি সঞ্চার করিতেছে। সে ভ্রান্ত, যে প্রাচীন ভারতের অসংখ্য প্রমাণ পাইয়াও তাহাকে তুচ্ছ করে—এবং প্রাচীন ভারত যে নব ভূবনে ভূষিত হইয়া পৃথিবীর চক্ষুকে আকৃষ্ট করিতেছে, তাহা যে অস্বীকার করে। ভারত-ইতিহাসের গুঢ় অন্বেষণ সত্য সকলকে যে অস্বীকার করিল, তাহার কি বিড়ম্বনা ! !

প্রাচীন ভারতের সহিত নূতন ভারতের কি ঐক্য, একথার আলোচনার আমরা অন্য প্রবৃত্ত হইব না। প্রাচীন ভারত জেষ্ঠ, কি ‘নব্যভারত’ জেষ্ঠ, সে বিষয় লইয়াও তর্ক-যুদ্ধে প্রবৃত্ত হইব না। আমরা এই মাত্র বলি, সে সময়ের ভাল সেই সময়েই ভাল লাগিয়াছে—আর এ সময়ের ভাল এ সময়েই ভাল লাগিতেছে—এই একটা কথা আমরা এখানে বলিব,

সে সময়ে বাহুবলে যাহা সংশিষ্ট হইত, এ সময়ে বুদ্ধিবল ও জ্ঞানবলে তাহা সংসাধিত হইবে, আশা হইতেছে । ‘নব্যভারত’ এখন বুঝিতে পারিতেছেন—নীতিবলের ন্যায় পৃথিবীতে আর বল নাই ; পাপের ভাৱ আর ভয়ানক শত্রু নাই । ‘নব্যভারত’ আর কি বুঝিতে পারিতেছেন ?—বুঝিতেছেন—একতাই মানবের মহাশক্তি ;—প্রথম একতার মূল সূত্র, নীতি ও গুণ্য একতার প্রাণ ;—বুঝিতেছেন—এক সময়ে পৃথিবী হইতে পাশব শক্তির আদর উঠিয়া বাইবে,—নীতির আদর সর্বত্র ব্যাপ্ত হইবে ;—শোণিত-পাত—অত্যাচার—হিংসার চরমকল যুদ্ধবিগ্রহ এক সময়ে পৃথিবী হইতে পলায়ন করিবে । ইহা বুঝিয়া, নব্যভারত দিন দিন সেই বলে বলীয়ান হইতে চেষ্টা করিতেছেন । অনেকে মনে করিয়া থাকেন, ‘নব্যভারত’ ও ‘নব্যইটালী’ একই প্রকার । আমরা বলি, ‘নব্যভারত’ ও ‘নব্যইটালী’ একপ্রকার নহে । ‘নব্যইটালীতে’ নীতির আদর থাকিলেও যুদ্ধাত্মের সহিত সম্বন্ধ একেবারে রহিত হয় নাই ; কিন্তু যুদ্ধাত্মের সহিত ‘নব্যভারতের’ কোন সম্পর্ক নাই,—‘নব্যভারত’ একমাত্র নীতি ও গুণ্যের উপর দণ্ডায়মান হইয়া পৃথিবীর চক্ষুকে আকৃষ্ট করিবে । নব্যভারত জানেন, মানবের শত্রু বাহিরে নাই, তাহা অন্তরের ভিতরে । অন্তরকে পরিপূর্ণ করিতে পারিলে, বাহিরের সকল শত্রু মিত্র হইয়া যায় । ‘নব্যভারত’ শরীরের বলের আদর দিন দিন বিস্মৃত হইয়া, জ্ঞানবল ও ধর্মবলে বলীয়ান হইতেছেন । ‘নব্য ইটালীর’ আবার পতন হইতে পারে,—আবার অত্যাচার আসিয়া ইহাকে আক্রমণ করিতে পারে ; কিন্তু ঈশ্বরকে ধন্যবাদ দেই, ‘নব্যভারত’ যদি অটলভাবে আপন লক্ষ্য পথে অগ্রসর হইতে পারেন, তবে ইহার সে পতনের আর সম্ভাবনা নাই । নির্দোষ ভারতবাসি ! কেন বালকের ন্যায় ম্যাটসিনির অভ্যুত্থান কামনা করিয়া সময় কেপণ করিতেছে ? সময়ের বিশেষ ভাব হৃদরক্ষা করিয়া, জগদীশ্বরের শুভাশীর্বাদকে শিরে ধারণ করিয়া, মাঠে মাঠে রবে ‘নব্যভারতের’ সেবা কর দেখি, নীতি পাও কি না, শক্তি পাও কি না, একতা পাও কি না ?

‘নব্যভারত’ নব বেশে কুসংস্কারের সহিত যুদ্ধ ঘোষণার প্রস্তুত হইয়াছেন । এই সময়ে, যদি কেহ, অগ্রসর হইয়া ‘নব্যভারতের’ খণ্ড অস্ত্র কি ? একথা জিজ্ঞাসা করেন, তবে আমরা তাঁহাকে নির্ভরচিন্তে বলিব,—নব্যভারতের এক হস্তে পবিত্রতা, অন্য হস্তে উদারতা—মতিহে-জ্ঞান ও বাহীন চিন্তা,

হৃদয়ে প্রেম,—আর সমস্ত শরীরে ওতোপ্রোত ভাবে মানবের রাজ্য স্বয়ং
ঈশ্বর অধিষ্ঠিত। ‘নব্যভারতের’ শক্তির পরিমাণ কে করিতে অগ্রসর
হইবে ? ভারতের পূর্বস্বতি ভারতকে এই মন্ত্রে দীক্ষিত করিতেছে,—ঈশ্বর
বিশ্বাসই সকল শক্তির মূল। ভারতবর্ষে বাহারা এই মন্ত্র অস্বীকার
করিল, তাহারাই পাগে ডুবিল—অত্যাচারে মরিল—পৃথিবীতে কলঙ্কের
পুতিগন্ধযুক্ত নিশান তুলিয়া রাখিয়া অপমৃত হইল। ‘নব্যভারতে’ যদি এ
প্রকার লোক থাকেন, তবে ‘নব্যভারত’ সতর্ক ভাবে, যত্ন সহকারে, প্রেমের
দ্বারা তাহারিগকে আবার লক্ষ্য পথে আনিবেন, একজনকেও অশ্রু লগ্নে
রাহিতে দিবে না। ‘নব্যভারত’ জানে, শরীরের এক অঙ্গের পতনে অশ্রু
অঙ্গের বল হ্রাস হয়। ‘নব্যভারতের’ হৃদয়ে ও মনে ঘৃণা থাকিবে না,
অহঙ্কার থাকিবে না;—উদারভাবে বিনীত অন্তরে ‘নব্যভারত’ সকলের
সেবা করিবে না। ঠাট্টার ‘নব্যভারত’ বিচলিত হইবেন না, নিন্দায় কর্তব্য—ভ্রষ্ট
হইবেন না;—শুণ্ড মন্ত্র সাধনে রত থাকিলে, পৃথিবীর সকলকে তুচ্ছ করিতে
পারিবে না। ‘নব্যভারত’ বিশেষরূপে জানেন, অন্তর ও বাহিরকে এক প্রকার
করাতেই মনুষ্য,—কপটতা সর্বনাশের মূল,—যেখানে অন্তরে কিছু নাই,
সেখানে বাহির-আচ্ছাদন দিয়া ঢাকিয়া, জগতের প্রশংসা পাইলেই, উন্নতি
লাভ করা যায় না।

অনেকের মনে সন্দেহ আছে, ‘নব্যভারতের’ ভাষা বাঙ্গালা ভাষা হইবে
কি না ? যে দেশে বহু ভাষা প্রচলিত, সে দেশে এক ভাষা টিকিবে না,
ইহাই অনেকের বিশ্বাস। একথার উত্তর এই—বাঙ্গালা ভাষাই ‘নব্যভার-
তের’ ভাষা—আজ না হইলেও কালে হইবে। “ভাই, তুমি ইংরাজি ভাষার
উন্নতির চেষ্টার রত হইয়া, দিন দিন উন্নত হইতেছ, তোমার নাম সংবাদ-
পত্রে বিবোধিত হইতেছে, তুমি কি আত্মাভিমানকে বিলুপ্ত দিয়া কখনও
বাঙ্গালা ভাষার গভীরতা অহুভব করিয়াছ ?—ইহার উন্নতির পরীক্ষা করি-
য়াছ ?—আর ভারতের সমস্ত ভাষার ইনাবস্থা হৃদয়ঙ্গম করিতে পারিয়াছ ?
যদি তোমার পক্ষে এসকল সম্ভব হইয়া থাকে, তবে তুমি ভাই, দরিদ্রের
এই কথাটিকে স্মরণ করিয়া রাখ,—বাঙ্গালা ভাষাই কালে সমস্ত ভারতে
পরিব্যাপ্ত হইবে। যে হিন্দুস্থানী বাঙ্গালীর সহিত একত্রে ছয় মাস কাল-
রূপের করিয়াছে, সে হিন্দুস্থানী আর বাঙ্গালীর সহিত হিন্দিতে কথা
কহিতে ভালবাসে না। গবর্ণমেন্টের সাহায্যে ভারতের এখন স্থান

নাই, যেখানে বাঙ্গালীর গমন হয় নাই; সুতরাং ভারতে এমন জ্ঞান নাই, যেখানে কোন না কোন লোক একটু বাঙ্গালা না জানে। ভারতের বাঙ্গালা ভাষা হইতে উৎপন্ন, ভারতের আর প্রায় সমস্ত ভাষাই সেই মূল সংস্কৃত ভাষা হইতে উৎপন্ন; না হইলেও মূলের সহিত সে সকলের অনেক সাদৃশ্য আছে। সংস্কৃত ভাষা হইতে যত ভাষা উৎপন্ন হইয়াছে, তাহার মধ্যে বাঙ্গালা ভাষার অধিক পরিমাণে উন্নত হইয়াছে, এবং হইতেছে। বাঙ্গালা ভাষাতে যত ভাল ভাল পুস্তক আছে, ভারতের আর কোন ভাষাতে তেমন নাই। যে কারণে ইংরাজি ভাষা সমস্ত পৃথিবীতে ব্যাপ্ত হইয়াছে, সেই কারণেই বাঙ্গালা ভাষা কালে ভারতের ভাষা হইবে। অবশ্য, তাহা ১০১২ বৎসরে হইবে না। জাতীয় ভাষার উৎ কৰ্ষ ভিন্ন কোন জাতির উন্নতি হইতে পারে না; ভারতের সেই পরিমাণে উন্নতি হইবে, যে পরিমাণে ভাষার উন্নতি হইবে। এক দেশে বিভিন্নধর্ম প্রচলিত থাকিলে যেমন একতা অসম্ভব, একদেশে বিভিন্ন ভাষা প্রচলিত থাকিলেও সেইরূপ একতা অসম্ভব। প্রাচীন ভারতে এক সংস্কৃত ভাষা প্রচলিত ছিল বলিয়াই, ভারতের হৃদয়ে হৃদয়ে মিল ছিল। এক প্রকার অভাব, এক প্রকার ধর্ম, এক প্রকার ভাষা, এ সকলই একতার জন্য বিশেষ প্রয়োজন। কেহ কেহ বলেন, ইংরাজশাসনে সমস্ত ভারত শাসিত, এক শাসনাধীন সকলের অভাবই এক প্রকার, অতএব ভারতের একতার জন্ত ধর্ম, ভাষা প্রভৃতির একরূপ হওয়ার আবশ্যকতা নাই। পৃথিবীর ইতিহাস তাঁহাদের এ কথাকে নিতান্ত অসার বলিয়া প্রতিপন্ন করিতেছে। সুতরাং আমরা আর এই কথার অর্থোক্তিকতা প্রমাণ করিতে চাহি না। একতার মূল কি, এ সম্বন্ধে ধর্ম জগতের ইতিহাস, ও ভাষা জগতের ইতিহাস সুস্পষ্ট-ভাবে উদাহরণ দিতে বর্তমান রহিয়াছে। তবে এ কথা আমরা বলি না যে, পৃথিবীর কোন দেশেই এসত্য অপ্রমাণীকৃত হয় নাই। এক ধর্ম এবং এক ভাষা প্রচলিত হওয়া সময় সাপেক্ষ, তাহা জানি; কিন্তু পৃথিবীতে কোন কার্য একদিনে সম্পন্ন হয়? বাহারা মানবজাতির অভ্যাসের মূল ইতিহাস নিবিষ্ট চিত্তে অধ্যয়ন করিয়াছেন, তাঁহারা জানেন—এক ধর্ম, এক ভাষা ভিন্ন কখনও কোন দেশে এক হৃদয় প্রতীতি হইতে পারে না। যদি ভারতে ইহা অসম্ভব হয়, তবে ভারতে একতাও অসম্ভব। এক খ্রীষ্টধর্ম ও ইংরাজি ভাষা পৃথিবীর অসংখ্য জাতিকে কি প্রকারে একতাহুজে বাধিতেছে, একবার পরীক্ষা করিয়া দেখ। বাহারা জাতীয় ভাষার উন্নতি ও ধর্মোন্নতিকে

লক্ষ্য না করিয়া, কেবল রাজনীতির অনুসরণ করিয়া পরাহুকরণে রত আছেন, তাঁহাদিগকে আমরা পশুশ্রমে রত দেখিয়া সময়ে সময়ে অশ্রুপাত করিয়া থাকি। আমরা বলি, ভারতে ভাষার একতা এবং ধর্মের একতা সমর-সাপেক্ষ হইলেও একেবারে অসম্ভব নহে ; যদি অসম্ভব হইত, তবে ভারতকে আজ আমরা 'নব্যভারত' নামে অভিহিত করিতে প্রয়াসী হইতাম না। কেহ কেহ মনে করেন, ইংরাজি ভাষাই কালে ভারতের ভাষা হইবে। ইহা মনে করিয়া, অসংখ্য ভারত-সন্তান ইংরাজি ভাষার উৎকর্ষ সাধনে জীবন ক্ষয় করিতেছেন,—ঐ ভাষার কাল্পনিক অভাব দূর করিতে চেষ্টা করিতেছেন। ইহারা জানেন না, জাতীয় ভাষা ভিন্ন কোন ভাষা হৃদয় স্পর্শ করিতে পারে না ; হৃদয়স্পর্শী ভাষা না হইলে ছোট বড় সকলে তাহা গ্রহণ করে না। অসংখ্য নর নারী যে ভাষা গ্রহণ না করিল, সে ভাষাও কি জাতীয় ভাষা—একতার ভাষা হইতে পারে ? এই জন্ত আমরা বলি, ইংরাজি ভাষা, নব্যভারতের শিক্ষার বস্ত্র হইলেও, সাধারণের হৃদয়স্পর্শী নহে—সুতরাং একতার মধ্যবিদ্ধ হইবে না। সোজা কথায় সোজা ভাব ব্যক্ত করা মানবের স্বভাব। এই জন্ত আমরা মনে করিয়া থাকি, যাহারা ইংরাজির উন্নতি-চর্চায় রত আছেন, তাঁহারা কেবলই ভয়ে ঘৃত নিক্ষেপ করিতেছেন। এই কাল্পনিক পথ পরিত্যাগ করিয়া ইহারা যদি জাতীয় ভাষার উন্নতি সাধনে রত হইতেন, তবে ভারতের কত অভাব দূর হইত। বাঙ্গালা ভাষা অতি অল্প সময়ের মধ্যে যে প্রকার উন্নতি লাভ করিয়াছে, এই ভাষাই যে কালে ভারতের ভাষা হইবে, সে বিষয়ে বিন্দুমাত্রও সন্দেহ নাই। বর্তমান সময়েই বাঙ্গালা ভাষার কোন কোন পুস্তক ভারতের অন্যান্য ভাষায় রূপান্তরিত হইতেছে। কেবল অনুবাদে বধন লোকের তৃষ্ণা নিবৃত্ত হইবে না, তখন এই ভাষা শিক্ষা করিতে সকলেরই ঝুঁটি হইবে। সুতরাং বাঙ্গালা ভাষা কালে কেবল বঙ্গদেশেই ব্যাপ্ত হইয়া থাকিবে না,—ক্রমে ক্রমে সমস্ত ভারতে বিস্তৃত হইবে। যত দিন তাহা না হয়, তত দিন ভারতে একতা অসম্ভব। এই জন্ত আমাদের বিশ্বাস, ভারতের ভাষা বাঙ্গালা ভাষা হইবে, কালে এই হৃদয়স্পর্শী ভাষা ভারতের নরনারী সকলের হৃদয়কেই স্পর্শ করিবে,—কালে সকলের মুখেই এই এক ভাষা ক্রম হইবে। ভারতের এই অক্লিনব ভাষা ভারতকে সজীব করিবে—এক করিবে, সকলকে প্রাণে প্রাণে জিয়াইবে।

আর একটা কথা বলা হইলই আমাদের বক্তব্য শেষ হয় । ‘নব্যভারতের’ কাল দশ বৎসর পূর্ব হইতে ধরা যায় কি না ? আমরা বলি, তাহা যায় না । যখন সুশোখিও ভারতবাসী ইংরাজকে অন্তরে অন্তরে ভারতবর্ষ হইতে বহিষ্কৃত করিয়া দিবার কামনা করিত, যখন ‘ভারতজয়, ভারতজয়’ পান করিয়া সুখ পাইত, বিদ্যালিকাকে চাকরী বা দাসঘরে কেন্দ্র বলিয়া তাহার অমুমরণ করিত, স্ত্রীশিক্ষাকে ঘৃণা করিত, বাঙ্গালী বাঙ্গালা ভাষাকে বিঘ্নের চক্ষে দেখিত, পরামুর্করণে জীবনকে ডুবাইয়া সুখী হইত, ধর্ম্মের নামে উপহাস না করিয়া অলগ্রহণ করিত না, একজন আর একজনকে কাদিতে দেখিলে হাস্য সংবরণ করিতে পারিত না, ভারতবাসী দেশহিতৈষী নাম গ্রহণ করিত কেবল বশমানের জন্ত, পরোপকার করিত ইংরাজের কৃপা পাইবার জন্ত—এবং ভাই ভাই কাটাকাটা করিয়া মরিত, সে সময়ে ‘নব্য-ভারতের’ কাল বলিয়া নির্দেশ করা যায় না । বর্তমান সময়ে আর ভারতের সে সময় নাই, এখন ভারত জাতীয় ভাবের ও জাতীয় ভাবার আদর শিখিতেছেন,—এক হৃদয়ের ছুঃখে অস্ত্র হৃদয় কাদিতেছে ; জাতিভেদকে সর্বনাশের মূল বলিয়া বুঝিতেছেন, স্বাধীনতার আদর বুঝিতেছেন, জ্ঞানের মর্যাদা ও বিদ্যার জন্ত বিদ্যার আদর করিতে শিখিতেছেন । আর যখন ‘জয় ভারতের জয়,’ বলিয়া ইংরাজকে তাড়াইতে ভারতবাসীর ইচ্ছা নাই ;—একপক্ষে ভারতবাসী বুঝিতেছেন—আরও অনেককাল ইংরাজের নিকট শিক্ষা লাভ করিতে হইবে । ভারতবাসী একপক্ষে স্ত্রীশিক্ষার আদর বুঝিতেছেন, ধর্ম্মের নামে আর উপহাস করিতে ইচ্ছা নাই,—কাহারও কৃপা পাইবার জন্ত, বা যশের জন্ত পরোপকার করাকে ঘৃণার কার্য্য বলিয়া বুঝিতেছেন । একপক্ষে বিদ্যা শিখিয়া ভারতবাসী দেশের উপকার করিতে ধাবিত হইতেছেন ;—বিলম্বিত হইতে শিক্ষা লাভ করিয়া ভারতে আসিয়া জাতীয় ভাব ও ভাবার উন্নতির চেষ্টা করিতেছেন । এই সময়ে ভারতের যে কি এক অপক্লেশ শোভা হইয়াছে, তাহা সকলেই বুঝিতেছেন । এই অতিমম্ব সময়কেই আমরা ‘নব্যভারতের’ সময় বলিয়া নির্দেশ করিলাম । স্বাধীন-শাসনের আন্দোলনে ভারত দেখাইয়াছেন, ভারত রাজনীতি চায়,—ভারত একতার জন্ত উৎসুক । কোজদারী কার্য্যবিধির বিল সহকারী আন্দোলনে, ভারত দেখিয়াছেন, ভারতকে আর পদতলে রাখিতে উদার-চেতা ইংরাজগণের ইচ্ছা নাই,—ভারত ও নানাবিধে দেখাইয়াছেন, ভারত আর বিচ্ছিন্ন নাই—একের

হুখে অস্ত্রের ছন্দর ছন্দ হয়, একের হুখে অস্ত্রের ছন্দর ব্যর্থিত হয়। ভাবার আদরের সহিত সংবাদপত্রের আদর বাড়িতেছে, ভারত আলস্ত পরিহার করিয়া কার্যকর হইতে প্রয়াসী হইয়াছেন। প্রজা ভূম্যধিকারী-আইনের আলোচনায় ইহা সুস্পষ্টভাবে প্রমাণীকৃত হইয়াছে, ভারতে দুঃখী প্রজাদের জন্ত কাঁদিবার অনেক লোক আছে। আরও অসংখ্য কারণে আমরা উদার চেতা মহামতি লর্ড রিপণের শাসন কালকেই ‘নব্যভারতের’ কাল বলিয়া নির্দেশ করিলাম। ইহার জায় উদারনৈতিক শাসনকর্তা আর কখনও ভারতবর্ষে পদার্পণ করেন নাই। ইনিই যেন ভারতকে নবভূষণে সাজাইয়া ভুলিতেছেন। ইহাকে ভারত কখনও ভুলিতে পারিবে না। সকলে আশীর্বাদ করুন, স্বাধীনতা, পবিত্রতা ও উদারতা নব্যভারতের মূল-মন্ত্র থাকুক;—একতা—শান্তি এবং সাম্য ইহার চরম লক্ষ্য হউক। এই মূলমন্ত্র ও লক্ষ্য চিরকাল আগে থাকিলে কখনই নব্যভারতের অবনতি হইবে না।



নিরাকারের ধ্যান।

নিরাকারের পূজা সম্ভব কি অসম্ভব, এই কথা লইয়া বঙ্গপ্রদেশে বড়ই গোলযোগ উপস্থিত হইয়াছে। যাহারা এক নিরাকার ঈশ্বরবিশ্বাসী, তাহারা অবশ্য নিরাকারের পূজাই প্রতিষ্ঠা করিবার জন্ত চেষ্টা করিতেছেন, কিন্তু মধ্য হইতে এক দল পণ্ডিত উঠিয়া, তাহার প্রতিবাদ আরম্ভ করিয়াছেন, পৌত্তলিক দেবদেবীর পূজা প্রচার করিয়া আপনাদের কীর্তিস্তম্ভ প্রতিষ্ঠিত করিতেছেন। সাধারণ লোকমণ্ডলী উভয় সম্বন্ধে পড়িয়া, হতবুদ্ধি হইয়া কেহ বা ধর্মরাজ্য হইতে বিদায় গ্রহণ করিতেছেন, কেহ বা সুবিধামত যে কোন দলে যোগদান করিতেছেন। দলাদলির ইতিহাসের এক অভিনব পরিচ্ছেদ বঙ্গপ্রদেশে অভিনীত হইতেছে। কোন কথা সত্য, ইহা আলোচনার সকলেরই অধিকার সমান। এ সম্বন্ধে আমরা যাহা বুঝিয়াছি, বলিতেছি।

ঈশ্বর প্রত্যেক মনুষ্যকেই কতকগুলি শক্তি দিয়াছেন। শক্তি দিয়াছেন এবং তাহা পরিচালনার উপযুক্ত স্থান দিয়াছেন। ঈশ্বর-দত্ত অধিকার মানবের চির-সম্পত্তি;—তাহা যত দিন আছে, যাহুব ততদিন আপনার পায়ের

উপর দাঁড়াইয়া থাকিবেই থাকিবে। শক্তিগুলি আপন অধিকারক্ষেত্রে উপযুক্ত রূপ পরিচালনা করিয়া করিয়া দিন উন্নত হইতেছে। একদিন যে শক্তি সকলের কেবল অঙ্গুর মাত্র শিশুমানবে ছিল, তাহাই কাল-সহকারে কত বড় হইতেছে। জরায়ু গর্ভের ভ্রূণ আর বিংশ বৎসরের যুবক, উভয়কে চিন্তা কর, মানবের শক্তির কত উন্নতি হইয়াছে, বুঝিতে পারিবে। প্রকৃতির শক্তি, মানবের শক্তি-সকলের বিকাশের প্রায় সর্বদাই সহায়তা করিতেছে; কিন্তু কখনও কখনও ভুল ক্রমে মানুষ আর প্রকৃতিতে দ্বন্দ্ব উপস্থিত হইতেছে,—জল বায়ু কখনও কখনও মানবের শক্তিস্বাধীনতার বাধা দিতেছে। তখনই তুমুল সংগ্রাম বাধিতেছে। বাহিরের বিষ যখন মানব-শরীরের শক্তি-বিকাশের প্রতিবন্ধক হইয়া শরীরে ঢুকিল, তখনই শরীর-নিহিত এক শক্তি তাহাকে বাহির করিয়া দিতে অবিরত চেষ্টা করিতে লাগিল। অনেকেই দেখিয়া থাকিবেন, রোগের সময় শরীরের স্বাভাবিক শক্তি, অনেক স্থলে, বিষকে বাহির করিয়া দিতে পারে। যে দ্রব্যে শরীরের অপকার হইবে, তাহা আহার কর, দেখিবে, যতক্ষণ তাহা বাহির না হয়, ততক্ষণ আর শরীর স্থির হয় না; ভেদ, বমি, প্রস্রাব, ঘর্ম্ম, এই সকল উপায় দ্বারা সেই বিষকে বাহির করিয়া দিবেই দিবে। অঙ্গ দ্বারা হাত কাট, কিয়দ্বিবস পরে দেখিবে, আপনা আপনি তাহা যোড়া লাগিয়া যাইবে। রোগ আর কিছুই নহে, ভিতরের শক্তির সহিত প্রকৃতির বিরোধী শক্তির সংগ্রাম মাত্র। প্রকৃতির শক্তির সহিত সংগ্রামে, শরীরের শক্তি যখন পরাস্ত হয়, তখনই ঔষধ প্রয়োগের প্রয়োজন হয়; নচেৎ নহে। এ গুলি বিজ্ঞানের অপ্রাস্ত সত্য। মন সম্বন্ধেও কতকগুলি অপ্রাস্ত সত্য আছে। মানসিক উন্নতির সহায়তার জন্ত প্রকৃতিতে অনেক পদার্থ রহিয়াছে। সেই সেই পদার্থ সকল অবিরত মানব-মনের উন্নতির সহায়তা করিতেছে; কিন্তু কখন কখন প্রতিরোধও করিতেছে। যখন প্রতিরোধ করিতেছে, তখনই মন আপন বীরত্ব লইয়া সংগ্রামে প্রবৃত্ত হইতেছে। কখন মানসিক শক্তি পরাস্ত হইতেছে, কখনও বা প্রকৃতির শক্তি পরাস্ত হইতেছে। যখন মানসিক শক্তি পরাস্ত হইতেছে, তখন মানুষ প্রকৃতির নিকট স্বাধীনতা বিক্রয় করিয়া আপন উন্নতির ব্যাঘাত করিতেছে। কিন্তু অনেক সময়েই মন আপন পথ পরিষ্কার করিয়া লইতেছে। বিরোধী শক্তির অত্যাচার, মানব-শরীরই বল, কিম্বা মনই বল, ইহারা কেহই সঙ্ঘ করিতে পারে না।

নিগূঢ়রূপে প্রকৃতির সকল বিভাগ তন্ন তন্ন করিয়া দেখিলে, স্পষ্টই প্রতীতি হইবে যে, মানুষ স্বাধীন, কোন প্রকার অধীনতা তাহার অসহ্য। স্বাধীনতার পথে কোন প্রকার প্রতিবন্ধকই সে সহিতে পারে না। স্বাধীনতা কাহাকে বলে ?—যে শক্তি মানুষকে উন্নতির পথে লইয়া যায়। আপনার বিশেষ বিশেষ পথে হাটিতেই মানুষ সদা লালায়িত। প্রতিরোধ, অবরোধ সে সহিতে পারে না। পৃথিবীতে যত রোগ, যত ধর্মযুদ্ধ, এ সকলই স্বাধীনতার পথে প্রতিবন্ধকের চরম ফল। মানুষ কেন স্বাধীনতার জন্ত লালায়িত ? কারণ, ইহাই উন্নতির একমাত্র সহায়, বিশেষত্ব-লাভের প্রধান সোপান।

শক্তি-বিকাশের ক্ষেত্র কি, তাহা প্রত্যেক মানুষেরই বুঝিবার শক্তি আছে। স্থির চিত্তে ভাবিয়া দেখিলে সকলেই আপন আপন লক্ষ্য, আপন পথ বাছিয়া লইতে সক্ষম। ভাল মন্দ বুঝিবার শক্তি সকলেরই আছে, সকলেই ইষ্টানিষ্ট বুঝিতে পারে। এমন এক শক্তি মানুষের ভিতরে আছে, যে অবিরত মঙ্গলের ক্ষেত্র মানুষকে দেখাইয়া দিতেছে। সকল সময়েই সে শক্তির স্পষ্ট আদেশ স্পষ্ট বুঝা যায়। দক্ষিণে যাইব, কি বামে যাইব ? জিজ্ঞাসা কর, উত্তর পাইবে। ছোঁলার ডাইল খাইব, কি মশুরির ডাইল খাইব ? লোভ-স্বার্থ পরিহার করিয়া জিজ্ঞাসা কর, স্পষ্ট উত্তর পাইবে। এটা ধর্ম, কি ওটা ধর্ম ? জিজ্ঞাসা কর, স্পষ্ট উত্তর শুনিতে পাইবে। সৎ অসৎ, ভাল মন্দ, ধর্ম অধর্ম বুঝিবার যে ঈশ্বর-প্রদত্ত শক্তি মানবের সহায়, সেই শক্তি না থাকিলে আজ পৃথিবীতে সত্য অসত্য, পাপ পুণ্য, ধর্ম অধর্ম লোকে বাছিয়া লইতে পারিত না। এই যে শক্তি মানবের প্রাণে, যাহাকে ভাষায় বিবেকশক্তি বলা যায়, এই শক্তি অনবরত মানুষকে আপন আপন বিশেষত্বের পথে লইয়া যাইতেছে। প্রত্যেককে বিশেষ বিশেষ পথে লইয়া যাইতেছে, কিন্তু প্রত্যেকের আবিষ্কৃত সত্যে ঘনীভূত মিলন দেখা যাইতেছে। এই জন্ত পণ্ডিতেরা ঠিক করিয়াছেন, ঈশ্বর-বাণী বিবেকের কথা সকলের একরূপ—বিবেকের আবিষ্কৃত পৃথিবীর সকল ধর্মের সত্য একরূপ। কিন্তু অনেক স্থানে সামান্য সামান্য বিষয়ে মতভেদ দৃষ্ট হয়। সে সকল বিবেকের কথা নহে ; সে সকল ব্যক্তিগত ভাবের অর্জিত ফল মাত্র। সে সকল কথা এখানে থাকুক। বিবেক মানুষকে ভিন্ন ভিন্ন, বিশেষ বিশেষ পথে লইয়া যাইয়া আবার একস্থানে মিলাইতেছে। পথে হাটিবার সময়ে বিভি-

মৃত্যু দৃষ্ট হইতেছে, কিন্তু লক্ষ্য স্থানে যাইয়া দেখা যাইতেছে, সকলেই এক স্থানে আসিয়াছে। আপন আপন পথে, বিবেকের কথা মতে চলিলে, মানবের কখনও বিচ্ছেদ বা অমঙ্গল ঘটে না। শিক্ষা, অবস্থা ও জল বায়ু-অর্জিত ব্যক্তিত্ব বিবেকের স্থানকে অধিকার করিলেই মানবের অমঙ্গল ঘটে; নচেৎ বিবেকই মানবকে বিভিন্ন পথে চালাইলেও পরিণামে একই লক্ষ্যে উপস্থিত করিবে। বৈষ্ণব শাক্ত, খ্রীষ্টীয়ান মুসলমান, ব্রাহ্ম বৌদ্ধ, সকলকেই একস্থান মিলাইবে। কিন্তু মানুষের এই যে বিবেকের স্বাধীনতা, পৃথিবীর লোকেরা, গুরুগিরি বজায় রাখিবার জন্ত, এই স্বাধীনতাকে অপ-হরণ করিয়া বড়ই গওগোল বাধাইয়া দিতেছে। ধর্মের স্থানে অধর্ম আনি-তেছে, পুণ্যের স্থানে পাপ-গরল উৎপন্ন করিতেছে। করিতেছে, কিন্তু তবুও ধর্মের জয় হইতেছে—বিবেকের জয় হইতেছে,—মানবের আবিষ্কৃত সত্যে, ঘনীভূত মিলন দেখা যাইতেছে। মানুষ পৃথিবীর অর্জিত ব্যক্তিগত ভাব পরিত্যাগ করিয়া, আপন বিবেকের কথা মতে চলিয়া, যদি প্রাণগত বিশ্বাসের সহিত মাটিকে শক্তির অবতার বলিয়া বিগুহ প্রেমভক্তিতে পূজা করে, তবে তাহাতেও তাহার অমঙ্গল নাই। কারণ, অনাবিল প্রেমভক্তির পথে চলিতে চলিতে, শেষে, সাধক রামপ্রসাদের ত্রায়, তাহাকে নিরাকার শক্তি-সিদ্ধুর নিকটে আসিয়া মস্তককে অবনত করিতেই হইবে। কিন্তু শিক্ষা, সমাজ, অবস্থা যদি তাহাকে ঐ জ্ঞানে উপস্থিত করিয়া থাকে, তবে তাহার অমঙ্গল ঘটিবে। কারণ বিবেক তখন মলিন হইল। সংসারের কথায় ধর্ম হয় না, বিবেক-বাণীকে আধিপত্য না দিলে, ধর্ম টিকে না। ধর্ম পলায়ন করিলে, মানবের মঙ্গল আর কোথায় রহিল? মানুষ আপনার প্রাণগত বিশ্বাসে যদি সৃষ্ট কোন পদার্থকে ঈশ্বর জ্ঞানে প্রেমভক্তিতে পূজা করে, তবে তাহার অমঙ্গল হইবে না; কিন্তু যে জন কাহারও কথা মতে করে, তাহার অমঙ্গল হইবেই; কারণ সে স্বাধীনতা হইতে বঞ্চিত হইল। স্বাধীনতা ভিন্ন মানু-বের কল্যাণ ও মঙ্গলের পথের আর নেতা নাই। স্বাধীনতার মূলশক্তি বিবেক। আপন বিবেকের কথায়, যে পৌত্তলিকতার উপর দৃঢ় বিশ্বাস স্থাপন করিয়া পুতুলকে ভালবাসিতে পারিয়াছে, তাহার অমঙ্গল নাই। ঈশ্বরের কৃপায়, এক প্রেমের বলে, ধর্মের পথে সে অটল থাকিতে পারিবে—সংসা-রের পাপ প্রলোভন—অমঙ্গল, তাহাকে স্পর্শও করিতে পারিবে না ॥ কিন্তু অর্জিত বিশ্বাসে যে ধর্মপথে অগ্রসর হয়, তাহার পদে পদে বিপদ ঘটিবে।

ভিতরের জ্ঞান, বিশ্বাস ও প্রেম ভিন্ন, মানুষ দৃঢ় ও অটল থাকিতে পারে না ।

ঈশ্বর-জ্ঞান এবং তাঁহার প্রতি অচলা ভক্তি, স্বতই, মানবের মধ্যে বর্তমান রহিয়াছে। পৃথিবীর আদি সময় হইতেই এই জ্ঞান, এই ভক্তি ছিল। এ জ্ঞান, এ ভক্তি, অর্জিত নহে। এই জ্ঞান ও ভক্তির অঙ্গুর আদি সময় হইতে মানবের অন্তরে নিহিত দেখিয়া, ঊনবিংশ শতাব্দীর মহাপণ্ডিত হার্বার্ট স্পেন্সার পর্য্যন্ত মোহিত হইয়া গিয়াছেন। আদি সময় হইতে ঈশ্বরের সত্তাবোধ (Consciousness of God) যদি মানবের প্রাণে না থাকিত, তবে মানুষ কখনও ধর্মের নামে মাতিত না। এই সত্তাবোধের পথ, বিবেক সর্বদাই পরিষ্কার করিয়া রাখিতেছে। এই জন্তই আজও পৃথিবী, সকল শক্তির পরাক্রমকে পরাজয় করিয়াও, প্রেম-পুণ্যের বিজয় নিশান, অপ্রভি-হত প্রভাবে বক্ষে ধারণ করিয়া থাকিতে সক্ষম হইয়াছে। এই যে ঈশ্বরের সত্তাবোধ, ঈশ্বরবোধ, ইহা কি প্রকার, ক্রমে দেখাইতেছি।

১. মানুষ আকার-বিশিষ্ট, আবার মানুষ নিরাকার,—আকারে নিরাকার, নিরাকারে আকার। হস্ত-পদ-বিশিষ্ট মানুষ আকার-বিশিষ্ট; আবার ইচ্ছা জ্ঞান, প্রেম ভক্তি প্রভৃতি বিভূষিত মানব নিরাকার। শরীর আকার-বিশিষ্ট, আত্মা ও মন, নিরাকার। শরীরে আত্মা, আত্মায় শরীর। পৃথিবীতে এই আকার ও নিরাকারের এমনই যোগ, একের রোগে অপরকে আক্রমণ করে। শরীরের পীড়ায় মনের ধারণা শক্তি হ্রাস হয়; মনের পীড়ায় শরীর শুষ্ক হয়, বল হ্রাস হয়। এই যে যোগ, এ এক মহাযোগের মিলন। মানুষ মানুষের আর কিছুই ভাবিতে পারে না, ভাবে কেবল—শক্তি—কেবল গুণ। এই যে আকার-বিশিষ্ট নিরাকার মানুষ, ইহার শরীর জড় বস্তুর সমষ্টি; কিন্তু ভাব ত জড় কি? জড়ের বিস্তৃতি, রূপ, গন্ধ, পরিমাণ প্রভৃতি যাহা ভাবিবে, সে সকলই নিরাকার। ভাবে যে, সে আপনিই নিরাকার; এই জন্ত ভাবে যাহা, তাহাকেও নিরাকার করিয়া নিরাকার আত্মা চিন্তা করে। বিজ্ঞানের উন্নতি হইয়াছে—কিন্তু জড়ের গুণ ভিন্ন আর কিছুই আবিষ্কার করিতে পারে নাই। গুণ নিরাকার। আকারকে নিরাকার করিয়া, নিরাকার মানুষ, চিন্তা করিতেছে, ধারণা করিতেছে। চিন্তা কর, বুঝিবে, গুণ ভিন্ন জড়ের আর কিছুই বুঝিবার শক্তি নাই। মায়াবাদীরা এই জন্ত জড়ের খেলাকে ভোজের বাজির জ্ঞান

মনে করেন । বাস্তবিক, জড়ের ভিতরে এক মহাশক্তির ঢেউ প্রবাহিত, তাহাকে নিরাকার বই আর কিছুই ভাবা যায় না । //

অনেকে বলেন, নিরাকার আকারের মধ্যেই প্রকাশিত ; জড় না থাকিলে নিরাকার ভাবা যাইত না । কোন অবস্থায় ভাবা যায় কি না, জানি না ; কিন্তু এই শরীরধারী মানুষ যে পারে না, তাহা নিশ্চয় অনুমান হয় । কারণ, নিরাকারে আকার ব্রহ্মাণ্ডময় দেখিতেছি ;—ইন্দ্রিয়-পরীক্ষা ভিন্ন এই পৃথিবীতে নিরাকার গুণ-ধারণার শক্তি আত্মার দেখিতেছি না । আকার বিশিষ্ট ইন্দ্রিয় দ্বারা, নিরাকার আত্মা, জ্ঞান, প্রেম লাভ করিতেছে । আবার বাহার মধ্য দিয়া সে জ্ঞান পাইতেছে, সে সকলই আকার-বিশিষ্ট । শক্তির পরিচয় পাইতেছি—আকারের মধ্য দিয়া । কিন্তু ইহা নিশ্চয়, পাইতেছি যাহা, তাহা নিরাকার ; পাইতেছে যে, সেও নিরাকার । নিরাকার আত্মা আকারের মধ্য দিয়া নিরাকারকে ভাবিতেছে । মানুষ মানুষকে ভালবাসে । কি ভালবাসে ?—আকারকে, না গুণকে ? আকার সমষ্টির গুণকে ভালবাসে । গুণ-শূন্য আকার কল্পনাও করা যায় না । গুণ-শূন্য আকার মানুষের ভালবাসা পায় না । যাহা কিছু এই পরিদৃশ্যমান জগতে দেখা যায়, এ সকলেরই গুণকে মানুষ ভালবাসে । গুণ আপনি নিরাকার । চিন্তা কর, বুঝিতে পারিবে, আকারের ভিতর দিয়া মানুষ কেবলই নিরাকারকে ধরিতেছে । আকার কৈ—আকার কোথায় ? সকলই নিরাকার—সকলই গুণের সমষ্টি মাত্র ;—সকলই শক্তির অলক্ষিত তরঙ্গ মাত্র । পৌত্তলিক, তুমি আকার ভাব ত দেখি ? সে সাধ্য নাই । আকার দেখিতেছ বটে, কিন্তু প্রাণে যাহা পাইতেছ, তাহা নিরাকার ; যাহা ভাবিতেছ, তাহা নিরাকার ; প্রাণ-প্রতিষ্ঠা করিয়া যাহাকে মন্দিরে আনিতেছ, তাহা নিরাকার ; বাহার অবর্তমানে মাটির পুতুলকে জলে ভাসাইতেছ, তাহা নিরাকার । তবে এ কথা অবশ্য স্বীকার করিব, আকারের ভিতর দিয়াই নিরাকারের জ্ঞান পাইতেছি । চন্দ্র সূর্য্য, গ্রহ নক্ষত্র, পাহাড় পর্ব্বত, নদ নদী, সাগর উপসাগর, ফল ফুল, ভিন্ন ভিন্ন আকার ধরিয়া কেবলই নিরাকারের শিক্ষা দিতেছে । সৃষ্টি-সিদ্ধকে মন্বন করিয়া কেবল নিরাকার গুণের শিক্ষা পাইতেছি । অনন্ত সৃষ্ট পদার্থ, অনন্ত রূপ ধরিয়া, মানুষকে কেবল অনন্ত নিরাকার গুণ শিক্ষা দিতেছে । যদি বল, বাহার মধ্যে যে গুণ পাইলাম, তাহাকে সেই গুণের অন্ন পূজা করি । সে প্রকার শক্তির পূজা সকলেই

করিয়া থাকে, চিরকাল করিবে। কিন্তু এক বস্তুর মধ্যে অনন্তের সকল গুণ কখনই পাইবে না। সৃষ্টির প্রত্যেক বস্তু ভিন্ন ভিন্ন, প্রত্যেক বস্তু বিশেষ বিশেষ শক্তির বিন্দু। সৃষ্টির প্রত্যেক পদার্থকে পূজা করিতে চাও, কর, কিন্তু একটাকেও যদি পরিভ্রাণ কর, তোমার পূজা অসম্পূর্ণ থাকিবে। সকল জড়-জগৎ মন্বন করিয়া বত শক্তি পাওয়া গিয়াছে, সে সমস্তগুলিকে যদি এক স্থানে একত্রিত করা যাইত, তবে পূজার বড়ই সুবিধা হইত। কিন্তু অনন্ত শক্তি, অনন্ত গুণরাশি কোন সীমাবদ্ধ স্থানে আবদ্ধ হয় না। মানুষ আপনিই পরিমিত, সীমাবিশিষ্ট, অসীমের বিন্দুকণা ভিন্ন তাঁহার নিজের ধারণা করিবার কোন শক্তিই নাই। পৃথিবীর কোন পরিমিত পদার্থ অনন্তের ভাবে পূর্ণ হইতে পারে না।

এক্ষণে কেহ যদি মনে করেন, এক খানি দশভূজা প্রেতিমা নির্মাণ করিয়া, তাহাতে সকল শক্তি আছে, ইহা কল্পনা করিয়া লইলেই হইল। জড়ের ভিন্ন ভিন্ন স্থানেও নিরাকার গুণ, এখানেও নিরাকার গুণ কল্পনা করিব। প্রকৃত পক্ষে ইহা কি সম্ভব? কল্পনায় কি পূজা হয়? পূজার উপকরণ প্রেমভক্তি বাহ্য কিছু, কল্পনায় তাহার কিছুই হয় না। কল্পনায় ভক্তি হয় না, কল্পনায় ভালবাসা হয় না, কল্পনায় বিশ্বাস হয় না। কল্পনা কর, তুমি যেন অকূল সাগরে ডুবিতেছ, করিয়া দেখ ত, মনে ভয় হয় কি না? কল্পনা কর—যেন তোমাকে ব্যাঘ্রে আক্রমণ করিতেছে; দেখ ত প্রকৃত ভয়ের সঞ্চার হইয়াছে কি না? কল্পনা কর, তোমার মৃত পিতা তোমার সন্মুখস্থিত গৃহের দেয়ালে বর্তমান, দেখ ত দেয়ালকে ভালবাসিতে পার কি না? কল্পনা কর, তোমার যেন একটা পুত্র জন্মিয়াছে, দেখ ত প্রকৃত পুত্র-মোহের উদয় হইয়াছে কি না? কল্পনা কর, চৈতন্তের ভ্রাতৃত্ব তোমার গৃহ-পালিত কোন পশুতে আবির্ভূত, দেখ ত সেই পশুকে ভক্তি করিতে পার কি না? কল্পনা কর, এক অকূল আলোক-সমুদ্র হইতে অপূর্ণ বেশে এক আশ্চর্য জ্যোতি নামিতেছে, দেখ ত, মনে বিশ্বাস হইতেছে কি না? কল্পনায় এ সকল হয় না। প্রকৃত ঘটনা-পরীক্ষা ভিন্ন, ভয়, বিশ্বাস, শ্রদ্ধা, ভক্তি, ও প্রীতির উদয় হয় না। আগুনের দাহিকা শক্তি যে কখনও পরীক্ষা করে নাই, সে আগুনের ঐ শক্তিকে কখনই কল্পনা করিতে পারে না। এই প্রকার জগতের সকল শক্তি। প্রত্যক্ষীভূত না হইলে কোন শক্তিরই অস্তিত্ব কল্পনায় ধারণা হয় না। চন্দ্রের স্পষ্ট কিরণ যে

না দেখিয়াছে, সে কখনও উহা ধারণা করিতে পারিবে না । দেখিয়া, পরীক্ষা করিয়া, তবে ধারণা হয় । এক পদার্থের শক্তি অন্ত পদার্থ দেখিয়া ধারণা হয় না । বৃক্ষে যে শক্তি, জলে তাহা ধারণা হয় না, আগুনে যে শক্তি, ফুল দেখিয়া তাহা ধারণা হয় না ।• পক্ষান্তরে, অনন্তপদার্থপুঞ্জকে পরীক্ষা করিয়া, অনন্ত শক্তির ধারণা করা, সীমাবদ্ধ মানবের পক্ষে কখনই সম্ভবপর নহে । মানব যতই পরীক্ষা করুক না কেন, চিরকালই অশিক্ষিত । এই জন্য, এক প্রতিমায় অনন্ত শক্তিকে কল্পনা করিতে পারা মানবের সাধ্যায়ত্ত নহে । অন্তত্বে যে মানুষ শক্তির বিকাশ দেখিয়াছে, কেবল সে, শক্তির কতক কল্পনা করিতে পারিলে পারিতে পারে, কিন্তু অস্ত্রে তাহা কখনই পারিবে না । অস্ত্রের নিকট প্রতিমা যে বস্তুর দ্বারা নির্মিত, তাহারই গুণ প্রকাশ পাইবে ; তাহাতে যাহা নাই, তাহা কখনই ধারণা হইবে না । লোকে অন্তত্বে যে শক্তির পরিচয় পাইয়াছে, সে শক্তিকে প্রতিমায় কল্পনা করিয়াও, তাহাকে প্রেমভক্তিতে পূজা করিতে পারে না ; কারণ কল্পনার প্রেমভক্তির উদয় হয় না ।

কোন এক সীমাবদ্ধ স্থানে অনন্ত শক্তি, অনন্ত জ্ঞান কখনই থাকিতে পারে না । এই জন্য, সৃষ্ট পদার্থের সকলের মধ্যেই কিছু কিছু আছে, কিন্তু কেহই সম্পূর্ণ নহে ; মানুষ নহে, পশু নহে, পক্ষী নহে, চন্দ্র নহে, সূর্য্য নহে । সীমাবদ্ধ যে, সে কখনই অনন্তের পূর্ণতা ধারণ করিতে পারে না । বিন্দু কখনও সিদ্ধকে ধরিতে পারে না । এই জন্য একথা ঠিক, মানুষ কখনই অনন্ত ঈশ্বরকে হৃদয়ে পূর্ণ ভাবে ধারণা করিতে পারিবে না ; কিন্তু সিদ্ধুর এক বিন্দু অবস্থা ধারণ করিতে পারিবে । সমুদ্রে অগাধ জল, আমার যেমন পাত্র, আমি তেমনি তুলিতে পারিব, এ শক্তি আমার আছে । পাত্রাভ্যাসারে মানুষ শক্তি-সাগরের বিন্দু বিন্দু ধরিতেছে । মানুষ জ্ঞান, প্রেম, পুণ্য, পবিত্রতার বিন্দু পরিমাণে অধিকারী হইতেছে ; কিন্তু পূর্ণ জ্ঞান, পূর্ণ প্রেম, পূর্ণ কিছুই মানুষ কখনও পায় নাই, কখনও পাইবে না । এই জন্য, এক জন মানুষ আদর্শ নয়, একটা কোন বস্তুই আদর্শ নয় । আদর্শ নয় বলিয়া, তাহাতে কিছুই নাই, এমন কথা হইতে পারে না । সমস্ত সাগরকে গণ্ডুব করিয়া গুমিতে পারি না বলিয়া, এক বিন্দু জল পান করিতে পারি না, তাহা নহে । বিন্দু বিন্দু করিয়াই মানুষ শক্তি পান করিতেছে ;—যত পান করিতেছে, ততই তৃষ্ণা বাড়িতেছে, স্তব্ধতা ক্রমেই অধিক পান করিতেছে ।

পান করিতে করিতে ছুটিয়াছে, অনন্তের মধ্যে ডুবিতে । পৃথিবীর প্রথম দিন হইতে এমনি করিয়া অনন্তের বিন্দু বিন্দু লোকে ধারণ করিতেছে । কল্পনা নহে, কথার কথা নহে, মানুষ বাল্যকাল হইতে শক্তি লইয়া খেলা করিতেছে, বাল্যকাল হইতে নিরাকারের শিক্ষা পাইতেছে । গুণ সমষ্টি জ্ঞান হইয়া হৃদয়ে প্রবেশ করিতেছে, ভাব হইয়া সেখানে জমাট বাধিয়া থাকিতেছে । মানুষ এমনি করিয়া কত জ্ঞান পাইয়াছে,—সেই জ্ঞান পুত্র পৌত্রাদি ক্রমে পৃথিবীর সন্তানেরা আবার ভোগ করিতেছে । কিন্তু তবুও অনন্তের কূল পাইতেছে না । কত বৎসর গেল, কত শতাব্দী গেল, তবুও যেই অকূল, সেই অকূলই রহিল । অকূলে পড়িয়া মানুষ কত হাবুডুবু খাইল, তবুও তাহাকে অতিক্রম করিতে পারিল না । অনন্ত শক্তি-সাগরকে অতিক্রম করিতে কে পারিবে ? সীমাবদ্ধ জীবের তাহা সাধ্যাত্ত নহে । নিরাকার মানুষ জড় দেখিয়া নিরাকার জ্ঞান লাভ করিতেছে, জড়ের শক্তি দেখিয়া বিন্ময়-সাগরে মগ্ন হইয়া নিরাকার ভাব সঞ্চয় করিতেছে । যাহা প্রত্যক্ষ পাইতেছে, কল্পনায় কখনই তাহা পাওয়া যায় না । ভবের হাট হইতে মানুষকে স্থানান্তরিত করিতে যদি মানুষের শক্তি থাকিত, তবে বুঝিতে পারিতে, মানুষ কল্পনা করিয়া কিছুই পাইত না । নিরাকার আত্মা কেবল নিরাকার লইয়াই সর্কক্ষণ মত্ত রহিয়াছে । সীমাবদ্ধ জীব কেবলই অনন্ত ভাব-সাগরের কল কল নিনাদ শ্রবণ করিতেছে । আকার নাই, কল্পনা নাই, সকল মিলিয়া মিশিয়া এক নিরাকার শক্তি-সাগর । তাহার কতই বিচিত্র তরঙ্গ, কতই বিচিত্র বৃন্দবৃন্দ । মানুষ তাহাই বাল্যকাল হইতে ভাবিতেছে, তাহাই দেখিতেছে, তাহাকেই বিন্ময়-পূর্ণ ভক্তিতে পূজা করিতেছে । মুর্থ মানুষ, আকারের পূজার কথা লইয়া কি যুক্তিশূন্য তর্ক করিতেছে ? একবার গভীর চিন্তায় নিমগ্ন হও, বুঝিবে, প্রত্যক্ষ ভিন্ন কল্পনায় কোন জ্ঞান, কোন শক্তির ভাবই ধারণা হয় না ; বুঝিবে, আকার আকার নহে, সকলই নিরাকার । জড়, জড় নহে—নিরাকার শক্তির তরঙ্গ মাত্র । জড়ও শক্তি, আমিও শক্তি, তুমিও শক্তি । শক্তি-সাগর, অনন্ত নিরাকার । সেই সাগরের বৃন্দবৃন্দ, সমস্ত সৃষ্ট বস্তু । সেই নিরাকারের ধ্যানেই মানুষ নিমগ্ন,—তাঁহার ধ্যানেই বিভোর, তাঁহার জ্ঞানেই উন্মত্ত । বিবেক অবিরত মানুষকে এই কথাই বলিতেছে । বিবেক নিয়ত মানুষকে এই নিরাকার ধ্যানের পথেই টানিতেছে । প্রকারান্তরে ইহাকেই স্পেন্সার (Consciousness of God)

ঈশ্বরের সত্তাবোধ বলিতেছেন। ইহা আদিতে ছিল, ইহা শেষেও থাকিবে। মূৰ্খ মানুষ বতই অহঙ্কারী হউক না কেন, নিরাকারের ধ্যান পৃথিবী হইতে তিরোহিত করিবার কাহারও শক্তি নাই। সকল চূর্ণ হইয়া গেলেও মানুষ নিরাকারের পূজা, নিরাকারের ধ্যান ছাড়িতে পারিবে না। কারণ ইহাই আরম্ভ, ইহাই শেষ।

নিরপেক্ষ-সাধন।

পরমুখাপেক্ষী না হইয়া মানুষ কার্য করিতে পারে না, এই জন্তই পৃথিবীতে সম্প্রদায়ের সৃষ্টি। ব্যক্তি যখন লোকের স্বাধীনতা হরণ করে, তখনই ব্যক্তিগত সঙ্গীর্ণতা মানবপ্রাণে স্থান পায়। প্রতিভাপূজা, জগতের সর্বদেশে, সর্বকালে, বর্তমান ছিল। যে ব্যক্তি জ্ঞানে, বিদ্যা বুদ্ধিতে বা প্রতিভায় শ্রেষ্ঠ, সমাজে সেই পূজ্য। মানুষ তাঁহাকে অনুকরণ করিতে সর্বদাই উন্নীত। ভাল মন্দ বিচার নাই, তাঁহার মধ্যে বাহা ছিল, সেই সকলই, অলঙ্কিত ভাবে, অস্ত্র হৃদয়ের মধ্যে সংক্রামিত হইয়া পড়িল। এক জনের জ্ঞানের সঙ্গে, এক জনের কুজ্ঞানও এইরূপে পৃথিবীতে কত জনের অন্তরে প্রবেশ করিয়াছে। কুসুমের সহিত কীটও শিবপূজায় চলিয়া যাইতেছে। মানবের উচ্চতাব্যবহার সহিত সঙ্গীর্ণতাও পৃথিবীতে সংক্রামিত হইতেছে। পবিত্র, সংস্কৃত, সার্বভৌম, উদার ধর্ম-মতে এইরূপে ব্যক্তি মিশিয়া সম্প্রদায়ের সৃষ্টি করিতেছে। কখনও কখনও বা এমনই হইতেছে, মানুষ একে অপরের ভাল ভাব হইতেও গরল বাহির করিয়া পান করিয়া মজিতেছে। এই সকল বিষয় একদিন বসিয়া ভাবিতেছিলাম। ভাবিতে-ছিলাম, সাম্প্রদায়িক সঙ্গীর্ণতার সোণার পৃথিবী টলমল করিতেছে। উদার গোঁরের সোণার নদিয়া ছারখার হইতেছে। ব্যক্তি প্রতিষ্ঠিত করিবার জন্ত সকলেই ব্যস্ত। অস্ত্রের স্বাধীনতা বিনাশ করিবার জন্ত সকলেই লালায়িত। খ্রীষ্টিয়ান হিন্দুকে নিন্দা করিতেছে, হিন্দু খ্রীষ্টিয়ানকে ঘৃণা করিতেছে, মুসলমান হিন্দুকে কাফের বলিয়া কতই বিদ্বেষের চক্ষে দেখিতেছে। পৃথিবী দিন দিন কেবল ঘৃণা বিদ্বেষে পরিপূর্ণ হইতেছে। বাহার ধর্মের পরিচ্ছদে সুশোভিত, তাঁহাদের মধ্যেও কত বিবাদ, কত কলহ, কত গঞ্জন। বড় বড় সম্প্রদায়ের মধ্যে আবার ক্ষুদ্র ক্ষুদ্র সম্প্রদায় উঠি-

তেছে। এক সম্প্রদায়ভুক্ত ব্যক্তিগণকেও পরস্পর কত ঘৃণা বিদ্বেষের চক্ষে দেখিতেছে। সার্বভৌমিক সত্য, সকল ধর্মেরই সমান, অথচ আজ সকল ধর্মই পরস্পর বিরোধী—পরস্পর পরস্পরের শত্রু। ধর্মের বিশ্ববিস্তৃত উদারতার স্থানে কেবলই ব্যক্তিগত সঙ্কীর্ণতা আসিয়া আধিপত্য বিস্তার করিতেছে। তোমার মতে আমি সায় দিই না বলিয়া, তুমি আমাকে ঘৃণা করিতেছ; তুমি আমার মতে সায় দেও না বলিয়া, আমি তোমাকে কত বিদ্বেষের চক্ষে দেখিতেছি। তোমার সাধনার প্রণালী আমি অবলম্বন করি না বলিয়া, তুমি আমাকে অধার্মিক ভাবিতেছ; আর তুমি আমার প্রণালী অবলম্বন করিতেছ না বলিয়া, আমি তোমাকে বদ্-মার্গেসের শিরোমণি মনে ভাবিতেছি। এই প্রকারে শাক্ত বৈষ্ণবে, হিন্দু মুসলমানে, খ্রীষ্টিয়ান হিন্দুতে, এবং আরো হুম্মরূপে হিসাব ধরিলে—শাক্তে শাক্তে, বৈষ্ণবে বৈষ্ণবে,—হিন্দুতে হিন্দুতে, মুসলমানে মুসল-মানে, খ্রীষ্টিয়ানে খ্রীষ্টিয়ানে, কত বিবাদ বিসম্বাদের সৃষ্টি হইয়াছে। উদার সত্যের স্থান, সঙ্কীর্ণ ব্যক্তিত্ব দখল করিয়া ফেলিতেছে। মানুষ ভাই ভাই কেবলই কাটাকাটী করিয়া মরিতেছে। পৃথিবীর এমনই অবস্থা উপস্থিত হইয়াছে—মানুষ সহজে আর কোন সম্প্রদায়-ভুক্ত হইতে চাহে না—কোন দলে আর মিশিতে চাহে না। কার্লাইয়ের শ্রায় উচ্চ ধার্মিকও বলিতেছেন—
 “I am no Ist.” বাস্তবিক যখন মানব-সমাজ-প্রতিষ্ঠিত সাম্প্রদায়িক ধর্মের কথা শ্রবণ করি, তখন আর কোন দলে মিশিতে ইচ্ছা হয় না। সত্য কথা অবশ্য বলিব, ব্রাহ্মসমাজ সে দিন প্রতিষ্ঠিত হইয়াছে—দশদিন যাইতে না যাইতেই কত বিদ্বেষ—কত ঘৃণা, কত নিন্দা, কত বিদ্বেষের খেলা আরম্ভ হইয়াছে। ব্যক্তিগত স্বাতন্ত্র্যমত রক্ষা করিবার জন্ত মানুষ মাতিয়াছে, তোমরা বলিতেছ? বাস্তবিক তাহা নহে। আমার স্বাতন্ত্র্য রক্ষা করিয়াও তোমার সহিত মিলিতে পারি। স্বাতন্ত্র্য যেখানে, মিলনও সেইখানে। স্বাতন্ত্র্য আছে বলিয়াই মিলন চাই। স্বাতন্ত্র্যও ঈশ্বরের বিধান, মিলনও তাঁহারই বিধান। স্বাতন্ত্র্য রক্ষা করিলেই বিদ্বেষ, হিংসা, ঘৃণা উপস্থিত হয় না। স্বাতন্ত্র্যকে যে মানিয়া চলিতে পারে, সে কি অন্তকে ঘৃণা করিতে পারে? হুম্মরূপে চিন্তা করিলে সকলেই বুঝিতে পারিবেন, স্বাতন্ত্র্যমত রক্ষা করিয়া চলিলেই, বিদ্বেষ উপস্থিত হয় না। আমি, আমি; তুমি, তুমি। আমাকেও মানিব, তোমাকেও মানিব। আমাকেও তোমার প্রয়োজন, তোমাকেও আমার

প্রয়োজন । সৃষ্টির রহস্যই—স্বাতন্ত্র্য ও মিলন । সে কথা না বুঝিয়া, মানুষ বিশ্ব-বিস্তৃত উদারতার স্থানকে, সসীর্ণ ব্যক্তিগত ভাবে পরিপূর্ণ করিতেছে । এই সকল দেখিয়া শুনিয়া প্রাণে বড়ই যাতনা উপস্থিত হইতেছে,—মনে হইতেছে, সংসার ছাড়িয়া অরণ্যে গেলে বৃষ্টি বা রক্ষা পাই । মনে হইতেছে, লোকালয় পরিত্যাগ করিয়া, যোগী ঋষিদিগের স্থান বনে গেলে, বৃষ্টি বা ঈশ্বরের স্বাধীনতার পরিষ্কার বায়ু সেবন করিয়া, প্রাণটাকে রক্ষা করিতে পারি । কিন্তু পরক্ষণেই মনে হইতেছে—এযে বিষম ভ্রান্তি । সংসারে না থাকিলে শিব কি কোথায় ?—পূর্ণময়ের পূর্ণতার কোথায় পাইব ?—কোন এক সীমাবদ্ধ স্থানে ত সে অনন্ত-তত্ত্ব নাই ?—কেবল অরণ্যে যাহা আছে, তাহাই ত কেবল ঈশ্বরের তত্ত্ব নহে ;—কেবল বৃক্ষের উপদেশ শুনিতেই ত তাঁহার সকল তত্ত্ব শুনা হইল না । মনে হইতেছে—নরনারীর মূখে তাঁহার যে পবিত্র ছবি চিত্রিত—মানব-হৃদয়ে তাঁহার যে শুভ্র প্রেম প্রতিকলিত, তাহাদের সংসর্গে না বসিলে, পূর্ণময়ের সে প্রেম বুঝিব কি প্রকারে ? পৃথিবীর যে কোন বস্তু পরিত্যাগ করি না কেন, সে ত বস্তু পরিত্যাগ করা নয়, সে তাঁহারই পূর্ণ তত্ত্বের একটি তত্ত্বকে পরিত্যাগ করা । তাঁহার প্রেরিত কোন্ জব্যকে পরিত্যাগ করিব ? অুখেও শিক্ষা, দুঃখেও শিক্ষা, বিপদেও শিক্ষা, সম্পদেও শিক্ষা । স্মৃতরাং কোনটাকেই অনাদর করিতে পারি না । কোন কিছুই আমি পরিত্যাগ করিতে পারিলাম না । সংসারে থাকিবার স্তম্ভ, বিশ্বজননী হস্ত-পদ-বিশিষ্ট এই শরীর-পিঞ্জরে আমাকে আবদ্ধ করিয়াছেন যখন, তখন এই সংসারেই থাকিতে হইবে, কিন্তু থাকিয়া কি কেবলই সাম্প্রদায়িক সসীর্ণ ভাবে জলিয়া পুড়িয়া মরিব ?—থাকিয়া কি কেবলই ঘৃণা বিদ্বেষের চরণ সেবা করিব ? থাকিয়া কি কেবলই অস্ত্রের দোষ স্মরণ করিয়া, আপনাকে, পাপ-অবনতির পুতি-গন্ধময় ভীষণ নরকে, নিক্ষেপ করিতে থাকিব ?—এ প্রশ্নের কে সন্ততর দিবে ? পৃথিবীতে এমন সখা, এমন বন্ধু ত কোথাও দেখি না । সাম্প্রদায়ের সসীর্ণ উদারতা-শূন্য ভাব হইতে আমাকে রক্ষা করিতে পারে, এমন লোক দেখি না । আমাকে যশ ও নিন্দার হস্ত হইতে মুক্ত করিতে পারে, এমন বন্ধু পাই না । আমি কি তবে নরকেই ডুবিলার জন্ত পৃথিবীতে আসিয়াছি ?—মানব-সন্তান কি দারুণ সসীর্ণ অসত্যময় দলাদলির কণ্ঠকে ক্ষতবিক্ষত হইবার জন্তই জন্মিয়াছে ? প্রাণমন্দিরে নীরবে বিবেক এ

প্রশ্নের উত্তর করিতেছেন—না। বিবেক বলিতেছেন—সংসারেই অরণ্য আছে, সেই অরণ্যে প্রবেশ করিলে, মানুষ নিশ্চয় রক্ষা পাইবে। সংসারে এমন এক স্থান আছে, যেখানে অস্ত্রের মুখের নিন্দা নাই, প্রশংসা নাই—যেখানে সম্প্রদায় নাই—দল নাই! আপনার হৃদয়-পর্ণ-কুটীর, সেই স্থান। আত্মা সেখানে সংসার আসক্তি-বিরত—স্বার্থ-সুখ-বিরত, নিন্দা-শংখ-বিরত। মহা-যোগীর মহাধ্যান, সেখানে অলঙ্কিত ভাবে, অবিরাম হইতেছে। সেখানে একদিকে সংসার—একদিকে অরণ্য! একদিকে সুখ, একদিকে দুঃখ! এক দিকে নিন্দা, একদিকে প্রশংসা! একদিকে আসক্তি, একদিকে বৈরাগ্য, একদিকে প্রেমভক্তি—আর একদিকে জ্ঞানবিশ্বাস! একদিকে প্রকৃতি, একদিকে পুরুষ! একদিকে হর, একদিকে গোঁরী। একদিকে স্বার্থ, এক দিকে পরার্থ! সেই নিভৃত প্রাণ-গহবরে সকল সমবেত হইয়াছে!—ঘনীভূত মিলন, ঘনীভূত যোগ! মহাদেবের মহাযোগ;—মহামায়ার মহামায়া! কঠোর স্থান বটে, কঠিন হইতেও কঠিন বটে, কিন্তু সেখানে প্রবেশ করিতে না পারিলে, নিস্তার নাই। কোন এক দিকে চলিলেই বিপদ। সকলের মধ্য স্থলে আপন আসন রহিয়াছে, সমস্ত সংসারের মধ্য আপন চিহ্নিত বিশেষ স্থান রহিয়াছে, সেই আসনেই বসিতে হইবে। স্বাধীন জীবন, স্বাধীন আসন। কোন দিকে চলিলেই স্বাধীনতা গেল, আসক্তি অধীন করিয়া আপন দিকে টানিল। স্বাধীনতা গেলেই নরক আসিল। এই প্রকার এ দিক, ঐ দিক ঘুরিয়া, আপন আসন চিনিতে না পারিয়া, কত লোক মরিতেছে, কত লোক মরিতেছে। কত লোক আজীবন কেবল দাসত্বই করিতেছে! কত লোক কত প্রকারের দাসত্বই করিতেছে। দাসত্ব করিয়া করিয়া পৃথিবী ডুবিতেছে, স্বাতন্ত্র্য বিনষ্ট করিতেছে,—সম্প্রদায় হইয়া যাইতেছে। আপন আসনেই বসিতে হইবে, কিন্তু অস্ত্রের আসনকেও মানিতে হইবে। আমাকেও রাখিব, তোমাকেও মানিব। কিন্তু বড়ই কঠিন কথা। রিপুদিগকে জয় করা সহজ, আকাশ হইতে নক্ষত্রকে অবতরণ করাও অপেক্ষাকৃত সহজ, কিন্তু নিরপেক্ষ ভাবে, সকল আসক্তিকে বলিদান করিয়া, আপন আসনে বসিতে পারা, বড়ই কঠিন। সকলের সুখ ভুলিয়া যাওয়া, বড়ই কঠিন। জ্ঞানকে প্রেমকে এক চক্ষে দেখা, বড়ই কঠিন। আসক্তিকে ও বৈরাগ্যকে সমান আদর করিতে পারা, বড়ই কঠিন। আপন জনকে ও পর জনকে,—শত্রুকে ও मित्रকে এক চক্ষে

দেখা, বড়ই কঠিন । আর সকল সাধন সহজ, এই মহাসাধনই কঠিন । সকলের বিদ্যা বুদ্ধি, শক্তি জ্ঞান, এখানে পরাস্ত হইয়া বাইতেছে । কঠিন হউক, কিন্তু ঐ মধ্য স্থলে, সকলকে চতুর্দিকে সম দূরে রাখিয়া, না বসিতে পারিলে আর রক্ষা নাই । উত্তর দক্ষিণ, পূর্ব পশ্চিম আমার চতুর্দিকে ; ইউরোপ, আমেরিকা, আফ্রিকা, আসিয়া, চতুর্দিকে । হিন্দু মুসলমান, খ্রীষ্টিয়ান বৌদ্ধ, আমার চতুর্দিকে ; আমার আসন মধ্যে । আমি স্বাতন্ত্র্যকে ডুবাইয়া, কোন কিছুই মধ্যে আত্ম-বিসর্জন দিব না ; কোন কিছুকেও আমার মধ্যে পূরিব না । স্বাতন্ত্র্য রাখিব, অথচ সকলের সহিত মিলিব । সকল সম্প্রদায় চূর্ণ হইয়া বাইবে, সকল দল ভাঙ্গিয়া একাকার হইবে । আমার তোমার কি মিলিত করিবার শক্তি আছে ?—দল ভাঙ্গিবার শক্তি আছে ? ঈশ্বর-রূপা ভিন্ন শক্তি নাই, ক্ষমতা নাই । তাঁহার রূপা ভিন্ন অটল হইবার যো নাই । তাই তাঁহাকে কেবলই ডাকিতেছি । মহাযোগে, এই মহা মিলনে অটল হইবার জন্ত আমি আর সকল চেষ্টা পরিত্যাগ করিয়াছি, —নিরপেক্ষ সাধনের জন্ত কেবল তাঁহারই নিকট রূপা প্রার্থনা করিতেছি । তাঁহার রূপা পাইলে অবশ্য অটল হইতে পারিব, এই আশা আছে । যাহা হইবার, এই রূপেই হইবে । হই-চই করিয়া কি করিব, আমি কেবল তাঁহাকেই ডাকিব ।

শ্মশান-উক্তি ।

আমি কে, মানুষ জানিয়াও তাহা জানে না । সংসার—আসক্তি, মহা-মায়া ; আমি—বৈরাগ্য, মহা বিচ্ছেদ । আমরা উভয়ে একত্রে থাকি । একত্র থাকি, কিন্তু এক হিসাবে, আমাতে ও সংসারে আবহমান কাল বোর বিবাদ চলিয়া আসিতেছে । বিবাদে জরী কে হইতেছে ? অবশেষে কোন্ বীর যুদ্ধে পরাজিত হইতেছে ? মানুষ তাহা জানিতে চাহে না, মানুষ তাহা ভাবিতে পারেনা । আমি যে জরী, এ কথা মানুষের গোপে সুর না । সংসার-মোহাচ্ছন্ন, স্মৃথ-বিলাস-নিমগ্ন মানুষ একবারও ভাবেনা—আমার অধিকারের মধ্যে, আমার বুদ্ধির মধ্যে তাহাকে আসিতেই হইবে । সংসার কদিনের—আজ আছে ত কাল নাই !—ঐ আসক্তি, ঐ মোহ কদিনের ? কাল আছে ত পরম্ব নাই । আমার এ বিশ্ব-বিস্তৃত ক্রোড়কে—এ চির সন্ন্যাসীর

উদার প্রেমের মমতাকে কে জীবন পাইয়া ভুগিতে পারিয়াছে ? সংসারকে পরাজয় করিয়া আবহমান কাল আমি মানবকে ক্রোড়ে পুরিয়া রাখিতেছি । এমন লোক পৃথিবীতে নাই, যে অনন্ত কাল আমার ভালবাসাকে ভুলিয়া থাকিতে পারে । এমন উদার প্রেম,—বিশ্ববিস্তৃত প্রেম, পৃথিবীতে আর কোথাও কি পাওয়া যায় ?

উদার প্রেমের কথা পাড়িলাম ত, আরও কিছু বলিতেছি । সংসারে আসক্তি আছে, কিন্তু উদার প্রেম নাই । সংসার মানুষকে ভালবাসিতে জানে না, কিন্তু বিবিধ প্রলোভন-সজ্জিত হইয়া মানুষকে ভুলাইতে বড়ই মজপুত ! ভুলাইতে এমন দ্বিতীয় বস্তু ব্রহ্মাণ্ডে আর নাই । কতই রূপ, কতই শোভা, কতই আকর্ষণ, কতই প্রলোভন, কতই সুখ, কতই আনন্দ,—ঐ সংসারের ভিতরে ! মহামায়া কি অপরূপ বেশেই সাজিয়া রহিয়াছে,—রঙ্গ-ময়ী কত রঙ্গই দেখাইতে জানে ! এই সকল দেখিয়া মানুষ, প্রজ্জ্বলিত অগ্নিতে যেমন পতঙ্গ প্রবেশ করে, তেমনই করিয়া প্রবেশ করিতেছে । কিন্তু হায়, এ বিষয়-কারণারের ভোজ-বাজি সকলকেই প্রতারণা করিতেছে । আকর্ষণে ভুলিয়া, সকলেই সংসার মায়ায় জড়িত হইবার জন্ত, স্বাধীনতাকে ডুবাইয়া, দাস-ধং লিখিয়া দিল, কিন্তু হায়, সকলের ভাগ্যে সমান সুখ জুটিল না । কেহ দরিদ্র হইয়া হাহাকার করিল, কেহ ধনী হইয়া অহঙ্কারে মত্ত হইল । কেহ মূর্থ হইল, কেহ জ্ঞানী হইল । কেহ সুখী হইল, কেহ দুঃখী হইল । সকলের ভাগ্য এক জিনিষ মিলিল না । বড় ছোট, জ্ঞানী মূর্থ, কত ভেদাভেদের সৃষ্টি হইল । মহামায়ার রাজ্যে কতই কলহ বিবাদ, কতই জালা যন্ত্রণা, মানুষের প্রাণে দগ্ধ শলাকা বিদ্ধ করিল । মহা আসক্তি, মোহিনীরূপে ভুলাইয়া, কেমন করিয়া মানুষকে মজাইল । মানুষ অহঙ্কৃত, মানুষ আত্মাভিমানে ক্ষীণ হইয়া, ভাল মন্দ কিছুই গণনা করিল না । মানুষ অহঙ্কারে মত্ত হইয়া, অন্তকে কষ্ট দিতে একটুও কুণ্ঠিত হইল না । মানুষ অহঙ্কার-দাস হইয়া, অন্তের প্রাণে বজ্র মারিতে, একটুও সঙ্কুচিত হইল না । আসক্তিতে কত আগুন জলিতেছে,—কত অশান্তি, কত অসাম্যের উদয় হইতেছে ! প্রেমের মায়ার মানুষ বিচ্ছেদে পুড়িতেছে, সুধার আকর্ষণে এমনি করিয়া গরল পান করিতেছে । এমনি বিভোর হইয়া রহিয়াছে যে, ভাল মন্দ জ্ঞান নাই । এমনি অচেতন হইয়া রহিয়াছে যে, পরিণাম একটুও ভাবিতেছে না ! এমনি হইয়া রহিয়াছে যে—ভিতরের

দিকে একবারও ফিরিয়া চাহিতেছে না । বাইতে হইবে, তাহাও ভুলিয়া রহিয়াছে । ভুলিয়া রহিয়াছে—ছোট বড়, জানী মূর্খ, সকলই ! আমার প্রাণে মানব-সমাজের এ হৃদশা, এ কালিমাময় চিত্র সহ্য হয় না ; আমি বৈষম্য দেখিতে পারি না,—আমি মায়ার মোহিনী ভাব সহিতে পারি না ; তাই এই দেখ ; সহরের একপাশে, প্রজলিত চিতা সকলকে কোলে করিয়া, পড়িয়া রহিয়াছি ; তাই গ্রামের এক কোণে পড়িয়া রহিয়াছি । লোকেরা স্বপ্না করিতেছে, আমার প্রতি গালিগালাজ বর্ষণ করিতেছে, আমি তবুও আমার কর্তব্য ভুলিতে পারিতেছি না । উদার বিশ্ব-প্রেম বিস্তার করাই আমার একমাত্র কর্তব্য । আমি তাহা মুহূর্তের জন্তও ভুলিতে পারিতেছি না । মাহুষের দুঃখ বহুলা আমি সহ্য করিতে পারিতেছি না । তাই কত কষ্ট সহ্য করিয়াও, এক কোণে পড়িয়া রহিয়াছি । আমার নিকট বড় ছোট, ধনী দরিদ্র, পাপী ধার্মিক, সকলই সমান । আমার এ বুক সকলের জন্ত জলিতেছে—সকলের কল্যাণ-কামনার পুড়িতেছে । আমি সাম্যমন্ত্রে দীক্ষিত হইয়া, ঘোরতর বৈষম্যের মধ্যে—বৈরাগ্যব্রতধারী হইয়া, ঘোরতর আসক্তির ধারে, মানবের উন্নতির জন্ত, কত জালা সহ্য করিয়া বসিয়া রহিয়াছি । মাহুষ, দেখত, এমন প্রেমিক আর কে আছে ?

কষ্ট সহ্য করিতেছি, যদি বলিলাম, তবে তাহাও সংক্ষেপে ব্যাখ্যা করিতেছি । আমার কষ্টের কথা কেহ ভাবিবে, এমন বহুও জগতে নাই । আমার সকল কথা দেখ, আমাকেই, আজ লজ্জাহীনের জ্ঞান, বলিতে হইতেছে । আমার কি অল্প কষ্ট ! কি দারুণ প্রজলিত চিতা সকলকে সদাই বুকে করিয়া রহিয়াছি ! কি ভয়ানক কঠোর রূপই ধারণ করিয়া রহিয়াছি ! চতুঃপ্রহর কেবলই হতাশন-পীড়ন সহিতেছি । মাহুষ কত মধুর ভাবায় সংসারের রূপ বর্ণনা করে, আমার কঠোর রূপ একবারও কেহ ব্যাখ্যা করে না । আমার প্রাণে কত স্নেহ ? আবালবৃদ্ধ, জানীমূর্খ, সকলে কেবলই আমার নিন্দা প্রচার করিতেছে । লোকে বলে—আমি প্রেত-ভূমি, পিশাচ-বৃন্দের নৃত্যভূমি—আমি নরক, আমি অতি ঘৃণিত । লোকে বলে,—সোণার মাহুষের বহু-সঞ্চিত অমূল্য রত্ন সকলের আভরণ, মুহূর্তের মধ্যে আমি অপহরণ করিতেছি,—আমি দস্যু ! সে কথা মিথ্যা নহে । দেখ, আমি, প্রেম-পুত্তলি শিশুকে হাতের জোড় হইতে বিছিন্ন করিয়া আনিতেছি, সতীকে পতি-শোকে অধীর করিতেছি, রাজসিংহাসনকে শূন্য করিয়া

রাজাকে আনিতেছি;—কত অশ্রু-পতনের কারণ হইতেছি, আমার স্ত্রীর পাপী, জঘন্ত আর এ অগতে কে আছে? কত স্থিতিময়ী রূপকে মিলাইয়া দিতেছি, কত কত গৌরবময়ী কান্তিকে অপহরণ করিতেছি—কত সুখময়ী আলিঙ্গনের সাধকে নির্মিষের মধ্যে নিশ্খূল করিয়া দিতেছি, আমার স্ত্রীর পাবাণ-হৃদয় আর কে আছে! কত অস্থি, কত পঙ্কর, কত মেদ, কত মাংস, কত শোণিত, কত তেজ, কত রূপ, কত বীৰ্য্য, কত অহঙ্কার—কত আসক্তিকে আমি চিরকালের জন্য আঁধারে মগ্ন করিতেছি! আমার স্ত্রীর অন্তর, আর কে আছে? এমনি করিয়া সংসার-সেবকেরা আমাকে কত গালাগালিই করিতেছে। আমার প্রাণে আর কত সয়? আমার সমুদ্র-খী বহু এই পৃথিবীতে একটাও নাই—আমার কষ্ট কে বুঝিবে?—হৃৎথের কথাই বা কে ভাবিতে পারে?—চির-উলঙ্গ—চির অনাসক্ত—ভস্মাবৃত বৈরাগী, —দয়া-মারাধীন—পাষণ্ড—কঠোর—অশ্রুবিরহিত,—কেবলই শোণিত-পিপাসা প্রাণের মধ্যে জলিতেছে, আমার কষ্ট কে বুঝিবে? কত তিরস্কার, কত গালিগালাজ সহিয়াও আমি অবিরাম, অবিশ্রান্ত, আমার কর্তব্য পালন করিতেছি! আমার কর্তব্য পালনে কিছুতেই বিমূখ হইতেছি না। মানুষ কি কখনও আমার কষ্ট বুঝিতে চেষ্টা করিয়াছে? যদি চেষ্টা করিত, তবে আমার নিকট এই শিক্ষা পাইত—কোন কিছুর আকর্ষণেই কর্তব্যত্রু হওয়া উচিত নহে।

আমি অবিরত কর্তব্য পালনে রত আছি। সুখ-বিলাস-পূর্ণ সংসারও বাহার ইন্ধিতে স্ফুট, এই ভস্মাবৃত আমিও তাঁহারই আদেশে স্ফুট! মায়ের আদেশ আমাকে পালন করিতেই হইবে! মায়ের সন্তান মাকে ভুলিয়া চিরকাল সংসার-আসক্তিতে মজিবে, ইহা আমার প্রাণের অসহ্য। আমি বাহা পারি না, তাহা কখনই পারিব না। মানুষ পরিণাম ভুলিয়া থাকিবে, ইহা আমি দেখিতে পারিব না। মানুষ কেবলই দাসত্ব করিবে—অর্থের দাসত্ব, কাম ক্রোধ লোভের দাসত্ব, অহঙ্কারের দাসত্ব, স্ত্রীর দাসত্ব, মেহমত্ত পুত্রের দাসত্ব, দর্পময় রাজার দাসত্ব, বিশ্বাস্তিময় আসক্তির দাসত্ব,—সুখময় বসন ভূষণের দাসত্ব,—রূপের দাসত্ব, ইহার কিছুই আমি দেখিতে পারি না। শিক্ষার জন্ত, পরিণাম পথে অগ্রসর করিবার জন্ত, এই ধন-ধাত্ত-পরিপূর্ণ সংসারে তিনি মানুষকে প্রেরণ করিয়াছিলেন; কিন্তু উন্নতিকে ভুলিয়া, পরিণামকে ভুলিয়া, মানুষ অসার খেলা লইয়া মত্ত থাকিবে, ইহা কে

সহিতে পারে ? এই জন্ত তিনি আমাকে দূতস্বরূপ, সংসারের এককোণে রাখিয়াছেন ! তাঁহারই আদেশ পালন আমার কার্য্য ! আমি, আসক্তিকে নির্মাণ করিয়া, মানুষকে যে অমৃত ধামে পাঠাইতেছি, মানুষ তাহার তব না বুঝিয়া, আমাকে চিরকাল কেবলই গালিগালাজ বর্ষণ করিয়া আসিতেছে । দাসত্ব-নরক হইতে মুক্ত করিয়া, মানুষকে, স্বর্গের সনাতনী তত্ত্ব দ্বারা ভূষিত করিয়া, এক অপরূপ রাজ্যে প্রেরণ করিতেছি । এমন রাজ্যে পাঠাইতেছি, যেখানে মিলন আছে, বিচ্ছেদ নাই ; শান্তি আছে, অশান্তি নাই ; সুখ আছে, দুঃখ নাই ; আনন্দ আছে, নিরানন্দ নাই ; পুণ্য আছে, পাপ নাই ; ন্যায় আছে, অন্যায় নাই । এ সকল কথা লোকে বিশ্বাস করে না, লোকে বিশ্বাস করিতে চায় না । এমনই অহঙ্কার-ক্ষীত মানুষের প্রাণ ! না বিশ্বাস করুক,—আমাকে ভুলুক ত দেখি ? যদি এতই গালি-গালাজ বর্ষণ করিল, তবে একবার আমাকে পরাজয় করুক ত দেখি ? মানুষের বুকে কত শক্তি, হৃদয়ে কত রক্ত, কত অহঙ্কার, একবার বুঝিব ! আমার বিজয়ভেরী—চির-মিনাদিত । কে আমাকে পরাস্ত করিবে ? আমি, অপরাজিত দর্প সহকারে, চির দিন বিজয়ভেরী বাজাইয়া আসিয়াছি । কাহাকেও ডরাইব না । আমার ভীষণ দণ্ড প্রহারে সকলের প্রতাপকে চূর্ণ করিব । মানুষ, তুমি মনে করিতেছ, তুমি আপনিই সকল করিতে পার ? করত একবার ? এই মহাবৈরাগ্যের দারুণ কষাঘাত হইতে একবার আপনাকে রক্ষা করত দেখি ? সে সাধ্য কাহারও নাই ! তবে কেন বৃথা আশ্বালন করিতেছ ?—কি বা জ্ঞান, কি বা বুদ্ধি ?—কি বা শক্তি, কি বা বিদ্যা ?—আমি ওসকল কিছুকেই ভয় করি না । আমি সকলকে পরাজয় করিয়া, ভয়ে মিশাইব । সকল একাকার করিব । জাতিভেদ, সোণার মানুষের উদারতাকে বিনাশ করিয়া ফেলিল ? আমি থাকিতে কখনই হইবে না ; আমি সব একাকার করিব ! তুমি রাজাই হও, আর তুমি সম্রাটই হও, তোমাকে ঐ রাস্তার মুটে মজুরের সহিত আমি একত্রে মিলাইব ! বিশ্বজননীর উদারতাকে ও সাম্যকে পদ-দলন করিয়া, এতই দর্প প্রকাশ করিতেছ ? আমি সকল দর্প চূর্ণ করিব ! করিবই করিব ! আমি আপন পর ভুলাইব ! শত্রু মিত্র এক করিব ! অসাম্য, সঙ্কীর্ণতা ও অহঙ্কারকে আমি চূর্ণ করিব ! হয় আজ—নয় কাল ! এই যে বৈরাগী—চিরসন্ন্যাসী—ভস্মাবৃত্ত চিরযোদ্ধা—

এযোগীকে সামান্য ভাবিয়া আজ বক্ষশ্রীত করিয়া চলিয়া যাইতেছে, পথিক, একদিন তোমাকে ধরিবই ধরিব। আমার এ বিশ্ব-বিস্তৃত কোলে কে স্থান পায় নাই? আমার নিকট সকলই সমান, সকলকেই কোল দিব। ঘৃণা বিষেষকে একত্রে পোড়াইব! রাজাকে প্রজাকে, ধনীকে দরিদ্রকে, জ্ঞানীকে মুর্থকে, একত্রে মিলাইব! সকলকে মিলাইয়া, আশার কথা শুনাইব, সাম্যমন্ত্রে দীক্ষিত করিব, একতা-মন্ত্রে সকলকে বাঁধিব, পরে প্রেমময়ী বিশ্ব-জননীর নিকট পাঠাইব।

জননীর ক্রোড়ে পাঠাইব! মানুষ আমাকে ভয় করিও না। আশার কথা শুন;—এই বৈরাগ্যে আসক্তি আছে,—এই নিরানন্দে চির আনন্দ প্রবাহ বহিতেছে! আমাতেই সুখ, আমাতেই শান্তি, আমাতেই আনন্দ, আমাতেই মঙ্গল। সংসারে সুখ আছে, দুঃখও আছে; এক আছে ত তাহার বিপরীতও আছে। কিন্তু আমার ভিতরে তাহা নাই। আমার ভিতরে এক জিনিষ আছে—সদানন্দ। ইহার মর্ম, অতি অল্প লোকেই বুঝিয়াছে। এক দিন এ নিগূঢ়ত্ব বুঝিয়াছিলেন, প্রেম-বিরাগী মহাদেব। তাই তিনি সকল আসক্তি ডুবাইয়া, জীবমুক্ত হইয়া—আমার বুকে বসিয়া, একদিন যোগসাধন করিয়াছিলেন। মহাযোগীর মহাযোগ! চির-উদাসী, চির-উলঙ্গ, চির-বৈরাগী মহাযোগে যোগী হইলেন, মহা আসক্তিতে নিমগ্ন হইলেন! সংসারের আসক্তি কি আসক্তি?—আসক্তি প্রকৃত পক্ষে আমারই ভিতরে, সংসারের সমস্ত শিক্ষা আমারই ভিতরে! মাতৃ-আসক্তি আমারই ভিতরে, মাতৃপ্রেম আমারই বুকের মধ্যে। সংসারে এ সকলের আভাস মাত্র আছে, কিন্তু তাহাও কণ্টক-শূন্য নহে! কণ্টক-শূন্য আভাস আমার ভিতর! মানুষ আমাতে ডুবিলেই, প্রকৃত সুখ পায়! মানুষ আমার চিন্তায় নিমগ্ন হইলেই, বিশ্বজননীকে প্রত্যক্ষ সাক্ষাৎ করিতে পারে। ইন্দ্রিয় থাকিতে সে যোগ, সে মিলন, অসম্ভব। কিন্তু এ বিধানও তাঁহার, ও বিধানও তাঁহার। আপনার উপরে নির্ভর না করিয়া তাঁহার উপর নির্ভর করিয়া থাক, তিনি যাহা করিবেন, তাহাতেই মঙ্গল হইবে। সংসারকে ভুলিয়া কেবল আমার পানে চাহিও না, অথবা আমাকে ভুলিয়া কেবলই সংসারে মজিও না। সংসারের বুকেই আমি বর্তমান; আমার বুকেই সংসার বর্তমান। জীবন পাইলেই মৃত্যু। মৃত্যু আছে বলিয়াই, মানুষ, জীবন ধারণ করিতেছে। সংসার পথে হাটিতে হাটিতে, যখনই ক্লান্তি, অব-

সম্মতা, মোহ আসিয়া মানুষকে ধরিতেছে, তখনই আমি কোল প্রসারণ করিয়া আলিঙ্গন করিতেছি। সংসার-মরুতে আমিই একমাত্র শাস্তি-সলিল-প্রবাহ। এ মধু বৃকে, কেবলই শাস্তি-প্রস্রবণ প্রবাহিত। আমি সংসারের পার্শ্বে, হৃৎকম্প পরাক্রমে, বিরাজ করিতেছি বলিয়াই, মানুষ সংসার-মরুতে থাকিতে সমর্থ হইয়াছে, নচেৎ কেহই সংসারে থাকিত না। চিরকাল কেহই নরক-যন্ত্রণা ভোগ করিত না। অনন্ত-কাল কেহই অসার শরীরের দাসত্ব করিত না। অনন্ত-কাল কেহই জীবনের হুঃখ, কষ্ট সহিত না। আমি আছি, তাই মানুষ আশাকে বৃকে বাধিয়া, হুঃখ কষ্টকে উপেক্ষা করিয়া, অগ্রসর হইতেছে। শ্রাশান না থাকিলে, মনুষ্য, জীবন রাখিত না। মাতার সন্তানকে, সংসারও পালন করিতেছে, আমিও ধরিতেছি! কেবল সংসার নহে, কেবল আমিও নহি। এ ছুই চাই, এ ছুইকেই রাখিবে। বৃথা অহঙ্কারী হইও না। সংসার-আসক্তিতে মজিয়া আমার বিজয়ভেরীর কথা ভুলিয়া থাকিও না। সুখ কামনা করিবে ত, হুঃখকেও ভাবিবে। মিলনকে ভাবিবে ত, বিচ্ছেদকেও বুঝিবে! সংসারও আমি এক প্রেমে প্রেমিক, এক যোগে যোগী। আমরা ছুই ভাই ভগ্নী! সংসার—স্নেহময়ী, রূপময়ী, কেবলই মানুষকে লালন পালন করিতেছে, কত বেশ ভূষায় সাজাইয়া তুলিতেছে; আর আমি কঠোর অস্তরের জ্বর, মানুষের সে সকল আভরণ কাড়িয়া লইয়া এক অপরূপ, অদৃশ্য রাজ্যে প্রেরণ করিতেছি। মানবের উপর আমাদের ছুই জনের সমান অধিকার। আমাকেও মনে রাখিবে, আমার ভগ্নীকেও মাগ্ন করিবে। সংসারকে সৃষ্টি করিয়াছেন বলিয়াই, বিশ্ব জননী আমাকে পাঠাইয়াছেন; নচেৎ আমি এই ভীষণ রূপ ধারণ করিয়া, এমনি করিয়া বসিয়া থাকিতাম না। সংসারের ভিতরেও যিনি, আমার ভিতরেও তিনি। এক জিনিষ, ছুই ভাবের মধ্যে, ছুই রূপে বর্তমান! মানুষ তোমরা কিছুই জান না ত, কেবল বৃথা হই-চই করিতেছ কেন? ভাব-সাগরে নিমগ্ন হও! সংসার-সাধনে জয়ী হইয়া, শ্রাশান-সাধনের জন্ত প্রস্তুত হও। চিদ্ঘন আনন্দরূপ-সাগরে চির নিমগ্ন হইবার জন্ত প্রস্তুত হও। বৃথা আসক্তি লইয়া, হিংসা বিদ্বেষের সেবা করিলে কিছুই হইবে না। রূপ এখানে, রূপ ওখানে। ছুই ভাই ভগ্নীর মধ্যে ছুই রূপ দেখ। একরূপ দেখিতে ঘাইয়া, আর এক রূপকে ভুলিয়া অহঙ্কারী হইও না। সংসারের পার্শ্বে—জীর্ণ শীর্ণ, মলিন বেশে আমিও

রহিয়াছি, সর্বদাই মনে রাখিবে! দাতার আদেশে আমার প্রত্নলিখিত চিত্তের ভিতরে প্রবেশ করিয়া, সকল আসক্তিকে নির্বাণ না করিলে, নূতন বেশ ধারণ করিতে পারিবে না, সর্বদাই মনে রাখিবে! জন্ম-ম্রাছ বধন, তখন আমার কোলে শরীর-রত্নকে ভাসাইয়া দিতেই হইবে। যে পরলোকের জন্ত তোমরা লালায়িত, আমার আশ্রয় গ্রহণ না করিলে কখনই সেখানে বাইতে পারিবে না। পরলোকের জন্ত তোমরা লালায়িত, আমি তাহা বেশ জানি; নচেৎ হাসিয়া হাসিয়া, ছুটিয়া ছুটিয়া, উড়িয়া উড়িয়া, নাচিয়া নাচিয়া, পতঙ্গের স্তায় তোমরা কখনই আমার ভীষণ দণ্ড বুককে আলিঙ্গন করিতে পারিতে না। আশা না থাকিলে, কে মরিতে পারে?—পরলোকের কথা তোমরা পাপ-মুখে বল আর না বল, উহা তোমাদের প্রাণের গভীর মর্ম্ম কথা। আমি তাহা জানি। পরলোকের যাত্রীদল, ঐ দেখ, ক্রমাগত আমারই দিকে ছুটিতেছে। জন্ম গ্রহণ করিয়া, মানুষ অবিরত ছুটিতেছে,—আমারই দিকে। লক্ষ্য এক, গতি এক। পরলোকে লক্ষ্য করিয়া মানুষ ছুটিয়া আসিয়া আমার ভিতরে মাথা রাখিতেছে। যাহা উপার্জন করিয়া আনিতেছে, সকলই আমার বুকের ভিতরে ঢালিয়া দিয়া বাইতেছে। রূপ তেজ, শক্তি বল, সকলই ভাসাইয়া দিতেছে। ভালবাসা, আসক্তিময় শরীর—অম্লানচিত্তে আমাকে উপহার দিতেছে। সে উপহার লইয়া আমি মাতিতেছি,—অলিতেছি,—হ হ করিয়া আকাশকে কাঁপাইয়া তুলিতেছি। সে কম্পনে আকাশ হইতে দৈববাণী আসিয়া যাত্রীদিগকে ধরিয়া লইয়া বাইতেছে। এমনই অলঙ্কৃত ভাবে লইয়া বাইতেছে, মানুষ তাহা দেখিতে পাইতেছে না। মানুষ দেখিতে পাইতেছে না, তবুও ছুটিতেছে;—কোথায় গেল, কোথায় গেল, বলিয়া কাদিতে কাদিতে ছুটিয়া আসিয়া আমারই ভিতরে সকলে প্রবেশ করিতেছে। আমারই ভিতরে, পরকাল। আমারই ভিতরে, শাস্তির নিকেতন;—আমারই ভিতরে, আনন্দময়ীর আনন্দ-মন্দির! মানুষ, ভয় নাই, তবে আয়! পরলোকের যাত্রীদল, ছুটিয়া ছুটিয়া আয়! অহং-জ্ঞানকে ভাসাইয়া, সংসার-আসক্তিকে নিবাইয়া, এই যজ্ঞে জীবনাহুতি দিয়া, পরলোকে বাবিত, আয়!—আমি পথ-ভূলা বালককে মায়ের মুখ দেখাইব, মানুষ, সরল প্রাণে, নির্ভয় অন্তরে, আয়। ভোলানাথের স্তায় পাগল হইয়া আয়, আমি সকলকে যোগী সাজাইয়া দিব। নব আশা-ভূষণে সাজিবিবিত সকলে আয়।

